


ಮದಪ್ಪೆರಾವಂದಿ ತುಳುವೆರ್ ಮಾಲಿಕೆ - ೨೮

ತುಳುನಾಡ್‌ದ ಮಾಮಲ್ಲ ಕವಿ

ನಂದೊಳೆಗೆ ಮೂದ್ದಣ್ಣಿ

ನಂದಳಿಕೆ ಬಾಲಚಂದ್ರ ರಾವ್



ಕರ್ನಾಟಕ ತುಳು ಸಾಹಿತ್ಯ ಅಕಾಡೆಮಿ

ಮದಪ್ಪೆರಾವಂದಿ ತುಳುವೆರ್ ಮಾಲಿಕೆ - ೨೮

ತುಳುನಾಡ್‌ದ ಮಾಮಲ್ಲ ಕವಿ
ನಂದೊಳಿಗೆ ಮುದ್ದಣೆ

ನಂದಳಿಕೆ ಬಾಲಚಂದ್ರ ರಾವ್



ಕರ್ನಾಟಕ ತುಳು ಸಾಹಿತ್ಯ ಅಕಾಡೆಮಿ
ಮಹಾನಗರಪಾಲಿಕೆ ಕಟ್ಟಡ, ಲಾಲ್‌ಬಾಗ್, ಮಂಗಳೂರು - 575 003

TULUNADDA MAAMALLA KAVI NANDALIKE MUDDANE

A book on Poet Muddana of Nandalike by
Nandalike Balachandra Rao, Muddana Chavadi, Ashirvad Compound,
Church Road, Bejai, Mangalore - 575 004. Telephone : 9448144495

Author

Nandalike Balachandra Rao

Chief Editor

Dr. Palthady Ramakrishna Achar

President

Karnataka Tulu Sahitya Academy

Publisher

Chandrasahasa Rai B.

Registrar

Karnataka Tulu Sahitya Academy

First Edition : 2011

© : Karnataka Tulu Sahitya Academy

Pages : 40

Price : ₹ 30

Cover Design : **Kalloor Nagesh**

Designed & Printed at :

Aakrithi Prints

K.S. Rao Road, Mangalore – 575 001

Tel. : 0824 2443002

ಗುರ್ಕಾರ್ನೆನ ಮದಿಪು

ತುಳುವೆರ್ ಪಿರಾಕ್‌ಡ್ಡಿಂಚಿ ನಡತೊಂದು ಬತ್ತಿನ ಆರಾಧನೆ, ಆಚರಣೆ, ನಂಬೊಳಿಗಲೆನ್ ಮಾತ ಒರಿತೊಂದು ಬತ್ತಿನಕುಲು. ಅಂಚಾದೇ ತುಳುನಾಡ್ ಪುಣ್ಯೊದ ನಾಡ್‌ಂದ್ ಪುದರ್ ಪಡೆತ್‌ಂಡ್. ಕರಿದ್ ಪೋಯಿನ ಎಡ್ಡೆ ವಿಸಯೊಲೆನ್ ಒರಿತೊಂದು ಪೋಪಿನವು ಎಡ್ಡೆ ಸಂಸ್ಕೃತಿ. ಸಂಸ್ಕೃತಿ ವೈಜ್ಞಾನಿಕತೆದ ಸುತ್ತುಗಟ್ಲೆಡ್ ಉಪ್ಪೊಡು. ಸಾಮಾಜಿಕ ಪ್ರಜ್ಞೆ ಬೊಕ್ಕ ಧಾರ್ಮಿಕ ನಿಲೆಗಟ್ಲೆ ಅಯಿಕ್ ಬೋಡು. ಅಂಚಿನ ಸಂಸ್ಕೃತಿಯೇ ದುಂಬೊತೊಂದು ಪೋಪುಂಡು. ಬಾಸೆ, ಸಾಹಿತ್ಯೊ, ಕಲೆ, ಪರಪೋಕು, ಸೇವೆ - ಉಂದು ಮಾತ ಸಂಸ್ಕೃತಿದ ಬಾಗೊಲು. ನೆನ್ನ ಒರಿತ್‌ದ್ ಬುಳೆಪಯಿರೆಗಾದ್ ಬೆಂದಿನ ತುಳುವೆರ್ ಏತೋ ಜನ. ತುಳುವೆರ್ ಪಂಡ ಬಜೀ ತುಳು ಅಪ್ಪೆಬಾಸೆದಕುಲು ಮಾತ್ರ ಅತ್ತ್, ತುಳುನಾಡ್‌ಡ್ ಜಲ್ಲೊಗು ಬತ್ತಿನಕುಲು, ತುಳು ಬಾಸೆ ತೆರಿನಕುಲು, ತುಳುತ ಬಗೆಟ್ ಉಡಲ್ ದಿಂಜಿ ಹೆಗ್ಗಳಿಕೆ ದೀವೊನ್ನಕುಲು ಮಾತ ತುಳುವೆರ್.

ಒವ್ವಾಂಡಲಾ ಒಂಜಿ ಮರ್ಗಿಲ್ಡ್ ತುಳುಬಾಸೆ ಸಂಸ್ಕೃತಿ, ತುಳು ಸಂಪೂರ್ತುದ ಬುಳೆಚಿಲ್‌ಗಾದ್ ಅಕುಲೆ ಸೇವೆ ಸಂದ್‌ದಿತ್ತೆಂಡ್ ಅಂಚಿನ ಪುಣ್ಯಾತ್ಮರೆನ ಬದ್ಕ, ಸಾಧನೆಲೆನ್ ನೆಂಪುಡು ಒರಿತೊನುನವು ನಮ್ಮ ಧರ್ಮೊ, ಈ ನಿಲೆಟ್ ಕರಿದ್ ಪೋಯಿನಕುಲೆನ ಪುದರ್‌ಡ್ ಅಕಾಡೆಮಿ ಬೂಕುಲೆನ್ ಬರೆಪಾದ್ 'ಮದಪ್ಪೆರಾವಂದಿ ತುಳುವೆರ್' ಪನ್ನಿ ಗ್ರಂತಮಾಲೆಡ್ ಬೊಳ್ಳುಗು ಕನವೊಂದುಂಡು.

ತುಳುನಾಡ್‌ಡ್ ಪುಟ್ಟು ಬಲತ್‌ದ್ ಕನ್ನಡ ಭಾಷೆ, ಸಂಸ್ಕೃತಿ, ಕಲೆ, ಸೇವೆಗಾದ್ ತನ್ನಲೆನ ಜುವೊನೆ ಮುಡಿಪಾದ್ ದೀನಕುಲು ದಿಂಜ ಜನ. ಕನ್ನಡದ ರಾಷ್ಟ್ರಕವಿಂದ್ ಪುದರ್ ಪಡೆಯಿನ ಮಾಮಲ್ಲ ವಿಧ್ವಾಂಸೆ ತುಳುನಾಡ್ಡ ಮಂಜೇಶ್ವರದ ಗೋವಿಂದ ಪೈಕುಲು, ಜ್ಞಾನಪೀಠ ಪ್ರಶಸ್ತಿ ಪಡೆಯಿನ ಡಾ. ಶಿವರಾಮ ಕಾರಂತೆರ್ ತುಳುನಾಡ್ಲಾರ್. ಮಾಮಲ್ಲ ಗ್ರಂಥ ಭರತೇಶ ವೈಭವನ್ ಬರೆತಿನಾರ್ ಮೂಡಬೆದ್ದದ ರತ್ನಾಕರವರ್ಣಿ, ಜಗತ್ತ್‌ಡೆ ಪುದರ್ ಪಡೆಯಿನ ಕಲಾವಿದ ಕೆ.ಕೆ ಹೆಬ್ಬಾರ್ ತುಳುನಾಡ್ಲಾರ್. ಯಕ್ಷಗಾನ ತುಳುನಾಡ್ಡ ಒಂಜಿ ಪುದರ್ ಪಡೆಯಿನ ರಂಗಕಲೆ ಈ ಕಲೆ ಬೆಳೆಗಾಯರೆ ಪ್ರಸಂಗ ಬರೆದ್ ಕೊರ್ತಿನಾರ್ ಕುಂಬಳೆದ ಪಾರ್ತಿಪುಟ್ಟೆ ತುಳುವೆರ್. ಸುರುತ ಕನ್ನಡದ ಕಾದಂಬರಿ ಕುಡಲಡ್ ಅಚ್ಚಾಂಡ್. ಸುರುತ ವಾರ್ತಾಪತ್ರಿಕೆ ಮಂಗಳೂರು ಸಮಾಚಾರ ಕುಡಲಡ್ಡ ಪಿದಾಡ್‌ಂಡ್. ಇಂಚ ಕನ್ನಡದ ಬುಳೆಚ್ಚಿಲ್‌ಗಾದ್ ತುಳುವೆರೆನ ಕೊಡುಗೆ ಲೆಕ್ಕದಾಂತಿನವು.

ಪೊಸಗನ್ನಡದ ಪುಲ್ಕಾಂಡದ ಕಿಲೆಪುದ ಕೋರಿ ಪಂಡ್ಡ್ ಸಾಹಿತಿಲು, ವಿಮರ್ಶಕರ್ ತುಳುವ ಮುದ್ದಣನ್ ಪುಗರ್‌ದರ್. ಮುದ್ದಣೆ ಪನ್ನಿ ಕಾವ್ಯನಾಮದ ನಂದಳಿಕೆ ಲಕ್ಷನಾರಾಯಣೆ ಅಚ್ಚ ತುಳುವೆ. 1870ಡ್ ಪುಟ್ಟುದ್ 1901ಡ್ ತನ್ನ 31ನೇ ವರ್ಸೊಡ ತೀರ್ದ್ ಪೋಯಿನ ಈ ಮಹಾಕವಿ ತನ್ನ ಜೀವಿತಾವಧಿಡ್ ಸಾಹಿತ್ಯದ ಬುಳೆಚ್ಚಿಲ್‌ಗಾದ್ ಬೆಂದಿನ ಬೇಲೆ ಸಾಹಿತ್ಯ ಲೋಕೊಡೆ ದಾಖಲೆ. 'ರಾಮಾಶ್ವಮೇಧಂ', 'ಕುಮಾರವಿಜಯ', 'ಶ್ರೀರಾಮಾಪಟ್ಟಾಭಿಷೇಕ', 'ಅದ್ಭುತ ರಾಮಾಯಣ', 'ರತ್ನಾವತಿ ಕಲ್ಯಾಣ' ಇಂಚ ಕೆಲವು ಬೂಕುಲೆನ್ ಬರೆದ್ ಸಾರಸ್ವತ ಲೋಕೊಗ್ ಕೊರ್ತಿನ ಮುದ್ದಣೆ ಕನ್ನಡ ಸಾಹಿತ್ಯದ ಕಲಟ್ ಒಂಜಿ ಪೊಸ ಬುಲೆ ಬುಲೆಯಿನಾಯೆ. ಈ ಕವಿ ತುಳುತ ಬಗ್ಗೆಲ ದಿಂಜ ಅಭಿಮಾನ ಇತ್ತಿನಾಯೆ. ಶಬ್ದಾಲಂಕಾರ, ಉತ್ಪ್ರೇಕ್ಷಾಲಂಕಾರೊಲೆಗ್ ಎಚ್ಚ ಮಾಸ್ತುತೆ ಕೊರ್ನ ಈ ಕವಿ ಈತ್ ಗ್ರಂಥೊಲೆನ್ ಮಾತ್ರ ಅತ್ತ್ ದಿಂಜ ಸಾಂಪ್ರದಾಯಿಕ ಗೀತೆಲೆನ್ಲಾ ಬರೆತೆಗೆ. ಆಯೆ ಬರೆಯಿನ ಜೋ ಜೋ ಪನ್ನಿನ ಬರವು ನನಲಾ ಸೋಧನೆ ಆತಿಜಿ. ಜೋಗುಳ ಪನ್ನಿನ ಪದ ಜೋಕುಲು ಪನ್ನಿನ ತುಳು ಪದೊಡ್‌ದೆ ಉಂಡಾಂಡ್‌ಂದ್ ಅಯೆನ ಅಭಿಪ್ರಾಯ. ತನ್ನ ಪ್ರತಿ ಕನ್ನಡ ಗ್ರಂಥೊಡ್ಲ ದಿಂಜ ತುಳು ಪದಕುಲೆನ್ ಗಳಸಾವೊಂದೆ. ನೇನ್ ಪೆಜಿದ್ ಒಂಜೆ ಕೋಪೆ ಮಲ್ತಂಡ ಅವುಲಾ ಒಂಜಿ ಗ್ರಂಥೊನೆ ಆವು. ಅಯೆನ ಪ್ರತಿ ಗ್ರಂಥೊಡ್ಲ ತುಳು ಸಂಸ್ಕೃತಿದ ನಿರೆಲ್ ತೋಜಿದ್ ಬರ್ಪುಂಡ್.

ಇಂಚಿನ ಮಹಾಕವಿ ತುಳುವೆ ಮುದ್ದಣನ ಬಗೆಟ್ ನಂದಳಿಕೆ ಬಾಲಚಂದ್ರರಾವ್ ಈ ಬೂಕುನ್ ಬರೆತರ್. ಮುದ್ದಣ ಸ್ಮಾರಕ ಮಿತ್ರ ಮಂಡಳಿದ ಗುರ್ಕಾರ್ ಆದ್ ಮುದ್ದಣ ಪ್ರಕಾಶನದ ಗೌರವ ನಿರ್ದೇಶಕರಾದ್ ನಂದಳಿಕೆಡ್ ಮುದ್ದಣನ ಬಗೆಟ್ ಮಲ್ಲ ಒಂಜಿ ಲೇಸ್ ನಡಪಾಯಿನ ಕೀರ್ತಿ ಪಡೆಯಿನಾರ್ ಬಾಲಚಂದ್ರ ರಾವ್ ಕರ್ನಾಟಕ ಬ್ಯಾಂಕ್‌ದ ಅಧಿಕಾರಿಯಾದ್ ಸಾಹಿತ್ಯೊದ ಕಲೆಚೊಂಜಿ ಬೆನ್ನುನ ನರಮಾನಿಯಾದ್ ಪುದರ್ ಪಡೆಯಿನಾರ್. ಅಮೇರಿಕದ ಬಾಲ್ಟಿಮೋರ್ ಪನ್ನಿನಲ್ಲ 2006ಡ್ ನಡತ್ತಿನ ಅಕ್ಕ ಕನ್ನಡ ವಿಶ್ವ ಸಮ್ಮೇಳನೊಡ್ ಮುದ್ದಣನ್ ಗ್ರಂಥೊಲೆನ್ ಬೊಲ್ಪುಗ್ ಕನತ್‌ದ್ ಮುದ್ದಣನ ಕೀರ್ತಿನ ಲೋಕೊಡೊರ್ಮೆ ಪಸರುಲೆಕ ಮಲ್ತಿನಾರ್. ಮುದ್ದಣನ ಬಗೆಟ್ ದಿಂಜ ಪುಸ್ತಕೊಲು ಕನ್ನಡಡ್ ಬತ್ತದ್‌ಂಡ್ ಅಂಡ ವುಂದು ಆಯೆನ ಬಗೆಟ್ ಬತ್ತಿನ ತುಳುತ ಸುರುತ ಗ್ರಂಥ. ಗ್ರಂಥಕರ್ತಗ್ ತುಳು ಸಾಹಿತ್ಯ ಅಕಾಡೆಮಿದ ಸೊಲ್ತೆಲು. ಅಂಚೆನೆ ಬೂಕುನ್ ಅತ್ಯಲ್ಪ ಕಾಲೊಡ್ ಪೂರ್ಣ ಪೊಲಿಗ್‌ಡ್ ಅಚ್ಚಿ ಮಲ್ತ್ ಕೊರಿನ ಆಕೃತಿ ಪ್ರಿಂಟ್‌ದ ಶ್ರೀ ಕಲ್ಲೂರು ನಾಗೇಶ್ ಬೊಕ್ಕ ಬಳಗದಕ್ಲೆಗ್ ಋಣಿಯಾದುಲ್ಲೆ.

ಪುತ್ತೂರು

ಡಾ. ಪಾಲ್ತಾಡಿ ರಾಮಕೃಷ್ಣ ಆಚಾರ್

28 ಎಪ್ರಿಲ್ 2011

ಎಡೆಪ್ಪದ ಪಾತೆರ

ನಂದಳಿಕೆ ಬಾಲಚಂದ್ರರಾವ್ ಕವಿ ಮುದ್ದಣೆ ಪುಟ್ಟನ ನಂದೊಳಿಗೆ ದಾರ್. ಕುಡ್ಲ ಕರ್ನಾಟಕ ಬ್ಯಾಂಕ್ ದ ಪ್ರಾದೇಶಿಕ ಕಚೇರಿದ ಅಧಿಕಾರಿ ಆದುಲ್ಲೆರ್. 1979ಡ್ ಮುದ್ದಣ ಸ್ಮಾರಕ ಮಿತ್ರ ಮಂಡಳಿ ತಾಪನೆ ಮಲ್ತ್ ದ್ ಇತ್ತೆಲಾ ಐತ ಗೌರವ ಗುರ್ಕಾರ್ತಾದುಲ್ಲೆರ್. 1987ಡ್ ಪೊರ್ಲುದ 'ಮುದ್ದಣ ಸ್ಮಾರಕ ಸಭಾಭವನೊ'ನು ಕಟ್ ದ್ ಉಂತಾಯೆರ್. 1995ಡ್ ಮುದ್ದಣ ಪ್ರಕಾಶನ ಸಂಸ್ಥೆನ್ ಉಂಡು ಮಲ್ತ್ ದ್ ಆ ಮುಕಾಂತ್ರ 'ಮುದ್ದಣ ಪುರಸ್ಕಾರ ವಿದ್ವಾನ್ ಸಮ್ಮಾನೊ'ನು ಪ್ರತಿ ವರ್ಸೊ ಕೊರೊಂದುಲ್ಲೆರ್.

ಕವಿ ಮುದ್ದಣನ ಸಮಗ್ರ ಗ್ರಂಥ ಪುನರ್ಮುದ್ರಣ, ಯಕ್ಷಗಾನ - ಕಾವ್ಯವಾಚನ - ವ್ಯಾಖ್ಯಾನ ಸಿಡಿ ನಿರ್ಮಾಣ, 2006ಡ್ ಅಮೇರಿಕೊಡು ನಡತಿನ 'ಆಕ್' ವಿಶ್ವ ಕನ್ನಡ ಸಮ್ಮೇಳನೊಡು ಶ್ರೀ ರಾಮಾಶ್ವಮೇಧ ಲೋಕಾರ್ಪಣೆ ಇಂಚಿತ್ತಿ ಮಾತ ಏತೋ ಸಾಧನೆ ಮಲ್ತಿನಾರ್ ನಂದಳಿಕೆ.

ಬಾಲಚಂದ್ರ ರಾಯೆರ್ ಪಾದರಸ ವ್ಯಕ್ತಿತ್ವೊ ಮುದ್ದಣ ಸ್ಮಾರಕ ಸಮಿತಿ ಮಾತ್ರ ಅತ್ತಂದೆ ದೂರವಾಣಿ ಸಲಹಾ ಸಮಿತಿ, ಸುಬ್ರಹ್ಮಣ್ಯ ಸಭಾ ಮಂಗಳೂರು, ಕಾಂತಾವರ ಕನ್ನಡ ಸಂಘ, ವರ್ಧಮಾನ ಪ್ರಶಸ್ತಿ ಪೀಠ ಇಂಚ ಬೇತೆ ಬೇತೆ ಮರ್ಗಿಲ್ ದ್ ಆರ್ ಬೆನೊಂದುಲ್ಲೆರ್.

ಕವಿ ಮುದ್ದಣ ಸ್ಮಾರಕ ರಚನೆಗಾದ್ ಡಾ. ಶಿವರಾಮ ಕಾರಂತೆರ್ಡ್ ಪುಟ್ಟೂರ ಸಂಮಾನ, ಉದಯವಾಣಿ ವಿಂಶತಿ ಪ್ರಶಸ್ತಿ, ಸಂದೇಶ ರಾಜ್ಯ ಪ್ರಶಸ್ತಿ, ಮುದ್ದಣ 125 ಸಂಸ್ಥರಣೆ, ಉಡುಪಿಡ್ ಕು.ಶಿ. ಹರಿದಾಸ ಭಟ್ಟೆರ್ಡ್ ಸಂಮಾನ - ಇಂಚ ಪಾಕ ತಮ್ಮನ - ಬಲ್ಯನ ಆರೆಗ್ ಒದಗ್ ದ್ ಬೈದ್ ದ್.

ಭಾಸ್ಕರ ಲೈ ಕುಕ್ಕುವಳ್ಳಿ

ಸದಸ್ಯರ್, ಕರ್ನಾಟಕ ತುಳು ಸಾಹಿತ್ಯ ಅಕಾಡೆಮಿ

ಸುರುತ ಪಾತೆರ

ತುಳುನಾಡ್ ಮಾಮಲ್ಲ ಕಲೆ-ಕಾರ್ನಿಕೊದ ಬೂಡು. ಬುಳೆ-ಸಲೆ, ಕಂಜಿ-ಕೈಕಂಜಿ, ಶೆಕ್ಕಿ- ಸಾಮರ್ಥ್ಯೊಗು ಉಂದು ಆಪ್ಲೆ ಇಲ್ಲ ಮುಲ್ಲ ಆಪ್ಲೆತೋ ವ್ಯಕ್ತಿಲು ಪುಟುದು ತನ್‌ಕ್ ಸಾಧನೆಟ್ ತುಳುವಪ್ಪೆನ ಕೀರ್ತಿ ಬಾವುಟೊನು ದೇಶ-ವಿದೇಶೊಡು ಪಸರ್‌ದೆರ್. ಜೀವನೊದ ನಾನಾ ಮರ್ಗಿಲ್‌ಡ್ ಸೊಂದುದು ಬಿಸಾರ್‌ದಿಗೆ ಮೆರೆಪಾಯಿ ಅಂಚಿ ನರಮಾನ್ಯೆರೆಡ್ ತುಳು ಸೀಮದ ದುನ್ನೊ-ಬಣ್ಣೊ ಎಚ್ಚಾಂಡ್. ತುಳು ಮಣ್ಣಾಡ್ ಪುಟುದು, ಕನ್ನಡ ಸಾಹಿತ್ಯ ಲೋಕೊಡು ಮನ್ಯಾಡ್ ಸಂಸ್ಕೃತಿ ಪ್ರಿಯೆರೆ ಉಡಲ್‌ಡ್ ನಿಚ್ಚ ತುಡರಾದ್ ಬೆಳಗೊಂದುವುನ್ ನಂದೊಳಿಗಿದ ಮುದ್ದಣ ಕವಿ ಈ ಸಾಲ್‌ಡ್ ನೆಗತ್ ತೋಜುನ ಒರಿ ಪೆರಿಯ ಸಾಧಕೆ.

ಮುದ್ದಣ ಬಡಪತ್ರ್‌ಡ್ ಪುಟುದು ನಂದೊಳ್ಳಿದ ಹಳ್ಳಿ ಪ್ರದೇಶೊಡು ಬುಳೆಡ್, ಆಪ್ಲೆ ನಾಡ್‌ದ ಪೆರ್ಮನ್ ನಾಲೊರ್ಮೆ ಗಮೆಸಾಯಿನ ಕವಿ. ಶ್ರೀರಾಮ ಪಟ್ಟಾಭಿಷೇಕ, ಶ್ರೀರಾಮಾಶ್ವಮೇಧಂ, ಅದ್ಭುತ ರಾಮಾಯಣ, ರತ್ನಾವತಿ ಕಲ್ಯಾಣ, ಕುಮಾರವಿಜಯ ಇಂಚಿತ್ತಿ ಸಾಹಿತ್ಯ ರಚನೆ ಮಲ್ತ್‌ಡ್ ತನ್ನ ಮುಪ್ಪತ್ತೊಂಜನೆ ವರ್ಸ ಪ್ರಾಯೊಡು ಈ ಲೋಕೊನು ಬುಡ್ಡುಪೋಯಿನ ಮಹಾತ್ಮೆ.

ನಂದಳಿಕೆ ಲಕ್ಷ್ಮೀನಾರಣಯ್ಯ 'ಕವಿ ಮುದ್ದಣ' ಆಡ್ ಲೋಕ ಪುಗಾರ್ತೆ ಪಡೆತಿನ ಅಂದ್‌ಂದಾಂಡಲಾ ಆಯನ ಪುದರ್ ಒರಿಪಾವೆರೆ ಬೋಡ್ತಿತಿನ ಕಜ್ಜ ಆತಿನಿ ಕಮ್ಮಿದೇ ಪನೊಡು. ಎಂಕೆನ ಕವಿ ಮುದ್ದಣ ಸ್ಮಾರಕ ಮಿತ್ರ ಮಂಡಳಿ ಬೊಕ್ಕ ಮುದ್ದಣ ಪ್ರಕಾಶನ, ಮುದ್ದಣ ಅಧ್ಯಯನ ಕೇಂದ್ರ ಈ ನಿಲೆಟ್ ಎಲ್ಲೆಲ್ಲ ಚಿನಿಲ್ ಚಾಕ್ರಿ ಮಲ್ತೊಂದೇ ಉಂಡು. ಮುದ್ದಣ ಪುಟಿನ ಊರುಡು ಪುಟ್ಟಿನಾಯೆ ಪನ್ನಿ ಪೆರ್ಮೆ ಎನ್ನವು. ಅಂಚಾದೇ ಆ ಮಹಾಕವಿನ ಬಗಟ್ ತುಳುಟೊಂಜಿ ಎಲ್ಯ ಬೂಕು ಬರೆಯೆರೆ ಕರ್ನಾಟಕ ತುಳು ಸಾಹಿತ್ಯ ಅಕಾಡೆಮಿ ಎಂಕ್ ಅವಕಾಶ ಕೊರ್ತುಂಡು. ನೆಕ್ಕ ಕಾರಣೆರಾಯಿನ ಅಕಾಡೆಮಿದ ಗುರ್ಕಾರ್ ಡಾ. ಪಾಲ್ತಾಡಿ ರಾಮಕೃಷ್ಣ

ಆಚಾರ್‌ಗೆ, ಸರ್ವ ಸದಸ್ಯರೇಗೆ ಬೊಕ್ಕ ರಿಜಿಸ್ಟ್ರಾರ್ ಶ್ರೀ ಬಿ. ಚಂದ್ರಹಾಸ ರೈಕ್ಲೆಗ್ ಯಾನ್ ಸೊಲೈ ಸಂದಾವೆ.

‘ಮದಪ್ಪೆರಾವಂದಿ ತುಳುವೆರ್’ ಬೂಕುಲೆ ಸಾಲ್‌ಡ್ ಒಂಜಿ ಪೊರ್ಲುದ ಪುರ್ಪ ಆದ್ ಈ ‘ತುಳುನಾಡ್‌ದ ಮಾಮಲ್ಲ ಕವಿ ನಂದೊಳಿಗ ಮುದ್ದಣ್ ಕೃತಿ ಮೂಡುಡು ಬರಿಯೆರೆ ಎಂಕ್ ಸಾಹಿತ್ಯ ಸಕಾಯ ಕೊರ್ಪ ಎನ್ನ ಮಿತ್ತರಾಯಿನ ಡಾ. ಕಬ್ಬಿನಾಲೆ ವಸಂತ ಭಾರದ್ವಾಜ್ ಬೊಕ್ಕ ಶ್ರೀ ಭಾಸ್ಕರ ರೈ ಕುಕ್ಕುವಳ್ಳಿ ಮೊಕ್ಲೆಗ್ ಉಡಲ್ ದಿಂಜಿನ ಸೊಲೈ ಪಂಡೊನ್ವೆ. ಅಚ್ಚಿ ಮಲ್ತ್ ಕೊರ್ಪ ಆಕೃತಿ ಪ್ರಿಂಟ್‌ದ ಶ್ರೀ ಕಲ್ಲೂರು ನಾಗೇಶ್ ಬೊಕ್ಕ ಸಹೋದ್ಯೋಗಿಲೆನ್ ನೆನೆತೊನ್ವೆ. ಬೆರಿ ಬೊಟ್ಟುಡು ಉಮೇದ್ ಕೊರ್ಪ ಶ್ರೀ ಕ್ಷೇತ್ರ ಧರ್ಮಸ್ಥಳದ ಧರ್ಮಾಧಿಕಾರಿ ಡಾ. ವೀರೇಂದ್ರ ಹೆಗ್ಗಡೆ, ಕರ್ಣಾಟಕ ಬ್ಯಾಂಕ್‌ದ ಮಲ್ಲ ಗುರ್ಕಾರಾಯಿನ ಪೊಳಲಿ ಜಯರಾಮ ಭಟ್, ಡಾ. ಪಾದೇಕಲ್ಲು ವಿಷ್ಣು ಭಟ್, ಡಾ. ನಾ. ಮೊಗಸಾಲೆ, ಡಾ. ಜನಾರ್ದನ ಭಟ್, ಶ್ರೀ ಜಯರಾಮ ಕಾರಂತ, ಮಿತ್ತರ್ ಶ್ರೀ ಕೆ.ಎಲ್. ಕುಂಡಂತಾಯೆರ್, ಚಾವಡಿ ಅರಮನೆ ಶ್ರೀ ಎನ್. ಸುಂದರ ರಾಮ ಹೆಗ್ಡೆ ಶ್ರೀ ಎನ್. ಸುಹಾಸ್ ಹೆಗ್ಡೆ ಶ್ರೀ ಎನ್. ನಾರಾಯಣ ಭಟ್ ಬೊಕ್ಕ ಎಂಕ್ ಏಪೊಲಾ ತಾಂಗ್ ಕೊರೊಂದುಪ್ಪಿನ ಎನ್ನ ಕೈಪತ್ತಿ ಬುಡೆದಿ ಶ್ರೀಮತಿ ವಿಜಯಲಕ್ಷ್ಮಿ ನಂದಳಿಕೆ, ಮಗಳ್ ಕು. ಸೌಜನ್ಯ ನಂದಳಿಕೆ ಬೊಕ್ಕ ಎನ್ನ ಸಹೋದ್ಯೋಗಿ ಬಂಧುಲೆಗ್ ಸೊಲೈಲು.

ಮುದ್ದಣ ಚಾವಡಿ, ಕುಡ್ಲ
29 ಎಪ್ರಿಲ್ 2011

ನಂದಳಿಕೆ ಚಾಲಚಂದ್ರ ರಾವ್

ನಂದೊಳಿಗೆದ ಊರುಡು ಪುಟುದು ಮಹಾಕವಿ ಪನ್ನಿ
ಮಾನಾದಿಗೆ ಪಡೆಯಿನ ಮುದ್ದಣನೊ ಮೂಲಪುದರ್
ಲಕ್ಷ್ಮೀನಾರಾಯಣಯ್ಯ ಪಂಡ್‌ದ್. 'ಕನ್ನಡಂ ಕತ್ತುರಿಯಲ್ತೆ' ಪಂಡ್‌ದ್
ಸುರುಕು ಪಂಡಿನ ಈ ಮುದ್ದಣೆ ಕನ್ನಡ ಸಾಹಿತ್ಯೊದ ನವೋದಯದ
ಬೊಲೊಕ್ಕಲ್‌ನ್ ಸಾರಿನ ಕೆಲೆವು ಕೋರಿ. ಯಕ್ಷಗಾನ ಕವಿಯಾದ್
ಮೂಡಿನ ಈ ಮುದ್ದಣೆ ಕನ್ನಡೊದ ಗದ್ಯ ಕವಿಯಾದ್ ಮೆರೆದ್
ಅಜರಾಮರೆ ಆಯಿನವು ಒಂಜಿ ಇತಿಹಾಸ. ಆಯೆ ಮುಡೆಯಿನ
'ಮುದ್ದಣ-ಮನೋರಮೆ ಸಲ್ಲಾಪ' ನಮ ಜನೊಕುಲೆನ ನಾಲಯಿಡ್
ನಲಿತೊಂದುಂಡು. ಅಯಿತ ಪೊರುಲುನು ಏತ್ ಪುಗರ್‌ಂಡಲಾ
ಕಡಮೆನೇ. ಕನ್ನಡ ಕಾವ್ಯೊದ ಉಲಯಿ ತುಳು ಶಬ್ದೊಲೆನಲಾ ಗಳಸ್ದ್
ತನ್ನ ಉಡಲ್‌ದ ತುಳು ಮೋಕೆನ್ ಮೆರೆಯಿನವು ಆಯನ ಬೊಕ್ಕೊಂಜಿ
ಮಲ್ಲಾದಿಗೆ. ನಂದೊಳಿಗೆದ ತುಳು ಸಿರಿತ ಮಣ್ಣೊಡ್ ಕನ್ನಡ ಕಾವ್ಯ
ಅರಳೊಂಡಲಾ ಅಯಿತ ಕಮ್ಮನ ತುಳುತೊನೇ ಪಂಡ್‌ದ್
ಪಣೊಡಾಪುಂಡು. ತುಳುನಾಡ್ ಪುಟ್ಟಿನ ರತ್ನಾಕರವರ್ಣಿ, ಕಲ್ಯಾಣ
ಕೀರ್ತಿ, ದೇವರಸೆ, ಸಾಳ್ವೆ, ಪಾರ್ತಿಪುಬ್ಬೆ ಇಂಚಿತ್ತಿನ ಕವಿ ಪರಂಪರೆಡ್
ನಂದೊಳಿಗೆದ ಮುದ್ದಣ ಕವಿಲಾ ಮಾಮಲ್ಲ ಸ್ಥಾನ ಪಡೆತೆ ಪನ್ನಿನವು
ಪೆರ್ಮೆದ ಸಂಗತಿ.

ಈ ಕವಿ ಬರೆಯಿನ ರತ್ನಾವತಿ ಕಲ್ಯಾಣ ಬೊಕ್ಕ ಕುಮಾರವಿಜಯ
ಪನ್ನಿ ರಡ್ಡ್ ಯಕ್ಷಗಾನ ಪ್ರಸಂಗೊಲು, ಶ್ರೀರಾಮ ಪಟ್ಟಾಭಿಷೇಕ ಪನ್ನಿ
ಷಟ್ಪದಿ ಕಾವ್ಯ, ಅದ್ಭುತ ರಾಮಾಯಣ ಬೊಕ್ಕ ಶ್ರೀ ರಾಮಾಶ್ವಮೇಧ ಪನ್ನಿ
ರಡ್ಡ್ ಗದ್ಯಕಾವ್ಯೊಲು ಕನ್ನಡ ಸಾಹಿತ್ಯ ಲೋಕೊದ ಅಮರಕೃತಿಲು. ಉಂದೆತ್ತ
ನಡುಟು ಆಯೆ 'ಗೋದಾವರಿ' ಪನ್ನಿ ಕನ್ನಿಕೆತೆ, 'ಜೋಗುಳೆ' ಪನ್ನಿ ಶಬ್ದಾರ್ಥ
ವಿವರಣೆದ ಲೇಖನೊಲೆನ್ ಬರೆತೆಂದ್ ತೆರಿವುಂಡಲಾ, ಗೋದಾವರಿ ಕತೆ
ನನಲಾ ತಿಕ್ಕದಿಜ್ಜೆ.

ಯಕ್ಷಗಾನ ಪ್ರಸಂಗೋಲೆನ್ ಆಚ್ಚಮಲ್ತ್ದ್ ನಷ್ಟಮಲ್ತೊಂಡಿನ ಮುದ್ದಣೆ ಬೊಕ್ಕದ ಕಾವ್ಯೋಲೆನ್ ಪ್ರಕಟ ಮಲ್ತೆರೆ ಬೇತೆ ಕುಸಾಲ್ ನಾಡುವೆ. ಶ್ರೀರಾಮ ಪಟ್ಟಾಭಿಷೇಕ ಪದ್ಯಕಾವ್ಯೊ 'ಚಾವಡಿರಂಗಭಟ್ಟನಾತ್ಮಜೆ ಮಹಾಲಕ್ಷ್ಮಿ' ಪನ್ನಿ ಪುದರ್‌ಡ್ ಆಚ್ಚಾಪುಂಡು. ಅದ್ವೈತ ರಾಮಾಯಣ ಬೊಕ್ಕ ರಾಮಾಶ್ವಮೇಧ ಕೃತಿಕುಲುಲಾ ಮೈಸೂರುಡ್ಲ ಪ್ರಕಟ ಆಪುಂಡು. ಪ್ರಾಚೀನ ಕಾಲೊದ ಕವಿ ಯೇರಾ ಒರಿ ಈ ಕಾವ್ಯೋಲೆನ್ ಬರೆತೇಂದ್ ಸುಳ್ಳು ಪಂಡ್‌ದ್ ಮುದ್ದಣೆ ಮೈಸೂರುದ 'ಕರ್ಣಾಟಕ ಕಾವ್ಯ ಮಂಜರಿ' ಕಛೇರಿಗ್ ಕಡಬುಡ್ಲೆ. ಕಾವ್ಯ ಮಂಜರಿ ಮೂಲಕ 1896ಟ್ಲ ಅದ್ವೈತ ರಾಮಾಯಣ ಕಾವ್ಯೊ ಬೊಕ್ಕ 1897ಟ್ಲ ಶ್ರೀರಾಮ ಪಟ್ಟಾಭಿಷೇಕ ಕಾವ್ಯೊ ಬೊಲ್ಗು ಬರ್ಪುಂಡು. ಕಾವ್ಯಮಂಜರಿ ಅಯಿಡ್ಲ ಬೊಕ್ಕ ಉಂತುದು ಪೋಯಿ ಕಾರಣ 'ರಾಮಾಶ್ವಮೇಧ' ಕಾವ್ಯ 'ಕರ್ಣಾಟಕ ಕಾವ್ಯ ಕಲಾನಿಧಿ' ಪನ್ನಿ ಪೊಸಪತ್ರಿಕೆದ ಮೂಲಕ ಪ್ರಕಟ ಆಪುಂಡು. (1901)

ಮುದ್ದಣೆ ಬರೆಯಿನ ಈ ಕಾವ್ಯೊಲು ಆಯೆ ತೀರ್ತ್ಲ ಪೋಯಿ ಬೊಕ್ಕ ಆಯನವೇ ರಚನೆ ಪಂಡ್ಲ ಗೊತ್ತಾಪುಂಡು. ಸತ್ಯ ಸಂಗತಿನಾ ಏತ್‌ದಿನ ಮುಚ್ಚಿಡ್ ದೀಯರೆ ಸಾಧ್ಯ? ಮುದ್ದಣ ಕವಿ ಮಾಮಲ್ಲ ಕವೀಂದ್ ಲೋಕೊಗು ತೆರಿವುಂಡು. ನಂದೊಳಿಗೆ ಊರುದ ಪುದರ್ ಸಾಹಿತ್ಯ ಲೋಕೊಡು ಶಾಶ್ವತ ಸ್ಥಾನೊನು ಪಡೆದ್ ಮಿಂಚುಂಡು. 'ಮುದ್ದಣೆ' ಪನ್ನಿ ಮೂಜಿ ಅಕ್ಷರೊದ ಪುದರ್ ಜನೊಕುಲೆ ನಾಲಯಿದ ಮಿತ್ ನಲಿಪುಂಡು. ಆಯನ ಕಾವ್ಯೊದ ಸಾಲ್‌ಲು ಸಾಮಾನ್ಯರೆಡ್ಲ ಪಂಡಿತೆರೆ ಮುಟ್ಟಿ ಜೋಕುಲೆಡ್ಲ ಜಬ್ಬೆರೆ ಮುಟ್ಟಿ ಪಾತೆರ ಪಾತೆರೊಡು ಒಸರುಂಡು. 'ಮುದ್ದಣ-ಮನೋರಮೆ' ಪನ್ನಿ ಕಂಡನೆ ಬುಡತಿನ ಪುದರ್ ಕಟ್‌ಕತೆತ ಸರಕ್ ಆಂಡಲಾ, ಲೋಕೊಡು ಬದ್‌ಕ್ ಬಾಳಿನ ಜನಮಾನಸ ಎನ್ನಿ ಲೆಕ್ಕಾಪುಂಡು.

ಜೀವನಚರಿತ್ರೆ

ಮದರಾಸ್ ಪ್ರಾಂತ್ಯೊಗು ಸೇರಿನ ದಕ್ಷಿಣ ಕನ್ನಡ ಜಿಲ್ಲೆದ ಒಡಿಪು ತಾಲೂಕುದ ನಂದೊಳಿಗೆ ಗ್ರಾಮೊಡು ಮುದ್ದಣೆ ಕ್ರಿ.ಶ. 1870 ಜನವರಿ 24 ತಾರೀಕ್‌ದಾನಿ ಪುಟ್ಟಿಯೆ. ನಂದೊಳಿಗೆದ ಶ್ರೀ ಮಹಾಲಿಂಗೇಶ್ವರ ದೇವಸ್ಥಾನೊದ ಪಾಟಾಳಿ ತಿಮ್ಮಯ್ಯೆ ಬೊಕ್ಕ ಮಹಾಲಕ್ಷ್ಮಮ್ಮ ದಂಪತಿಲೆಗ್ ಸುರುತ ಮಗೆಯಾದ್ ಮುದ್ದಣೆ ಪುಟ್ಟಿಯೆ. ತೂವೆರೆಗ್ ಮುದ್ದು ಮುದ್ದಾಯಿ ಬಾಲೆ ಪನ್ನಿ ಕಾರಣೊಗು 'ಮುದ್ದಣೆ' ಪಂಡ್ಲ ಲೆತ್ತೆರ್‌ಡಲಾ, ನಾಮಕರಣೊದ ಪುದರ್ 'ಲಕ್ಷ್ಮೀನಾರಾಯಣೆ' ಪಂಡ್‌ದೇ ದೀಪೆರ್. ಮುದ್ದಣೆಗ್ ರಾಮಪ್ಪೆ ಬೊಕ್ಕ ಲಿಂಗಣ್ಣಯ್ಯೆ ಪನ್ನಿ ಇರುವೆರ್ ತಿದ್ಯಮೈರನಕುಲುಲಾ, ಶಿವರಾಮಯ್ಯೆ ಬೊಕ್ಕ ರಾಮಕೃಷ್ಣ ಪನ್ನಿ ಮೆಗ್ಗನಕುಲುಲಾ ಇತ್ತೆರ್‌ಂದ್ ತೆರಿದ್ ಬರ್ಪುಂಡು.

ಮುದ್ದಣೆ ಕಲ್ತಿನ ಶಾಲೆಲಾ ನಂದಳಿಕಡೇ ಉಂಡು. ಮೂರೂರು ಚರಡಪ್ಪಯ್ಯೆರೆನ ಶಾಲೆಡ್ ಮುದ್ದಣೆ ಪ್ರಾಥಮಿಕ ವಿದ್ಯಾಭ್ಯಾಸನ್ ಮಲ್ತುವೆ. ಸುತ್ತಮುತ್ತ ಯಕ್ಷಗಾನೊದ

ಚೆಂಡೆಪೆಟ್ ಕೇಣೊಂದು, ಹರಿಕಥೆ, ತಾಳಮದ್ದಲೆ, ಭೂತಕೋಲ ಇಂಚ ನಾನಾ ರೀತಿದ ಸಾಂಸ್ಕೃತಿಕ ಕಾರ್ಯಕ್ರಮೊನು ತೂವೊಂದೇ ಆಯೆ ಬುಳೆಪೆ. ನಂದೊಳಿಗಿದ ಪ್ರಕೃತಿ ಪೊರ್ನು ಕಾಡ್‌ಮೇಡ್, ಪಕ್ಕಿ ಪರಣೆ ಇಂಚ ನಾನಾ ರೀತಿದ ಪರಿಸರ ಆಯನ ಉಲಯಿ ಕಾವೊಡ್ ಪಣತೆನ್ ಪೊತ್ತಾಂಡ್ ಪಂಡ್ ಪಣೊಲಿ.

ಮುದ್ದಣೆ ಬೊಕ್ಕ ಇಂಗ್ಲಿಷ್ ವಿದ್ಯಾಭ್ಯಾಸ ಕಲ್ಪರೆಗಾದ್ ಒಡಿಪುಗು ಪೋಪೆ. ಆಂಡ ಆಯನ ಬಡತನೊತ ಕಾರಣೊಡ್ಲಾದ್ ಇಂಗ್ಲಿಷ್ ಶಾಲೆಗ್ ಸೇರಿಯೆರೆ ಕಷ್ಟ ಆಪುಂಡು. ಕಡೆಕ್ ಆಯೆ ಕನ್ನಡ ತರಬೇತಿ ಶಾಲೆ ಸೇರ್‌ದ್ ಓದುವೆ. ಜೊತೆ ಜೊತೆಚೇ ಆಯೆ ಇಂಗ್ಲಿಷ್ ಪುಸ್ತಕೊಲೆನ್ ದೆತೊಂದು ತಾನಾದೇ ಓದುದು ತೆರಿಯೊಣ್ಣೆ; ಕೆಲಸ ಮಲ್ತುವೆ. ಕನ್ನಡ ಕಾವ್ಯ ಶಾಸ್ತ್ರ ಗ್ರಂಥೊಲೆನಲಾ ಅಧ್ಯಯನ ಮಲ್ತೊಂದು ಗಮಕ, ಸಂಗೀತ, ಯಕ್ಷಗಾನ ಪದ್ಯ ಇಂಚ ಬೇತೆ ಬೇತೆ ವಿಷಯೊಲೆಡ್ ಆಳವಾಯಿನ ಸಾಧನೆ ಮಲ್ತುವೆ. ಪಿಟೀಲ್‌ನ್ ನುಡಿಪಾವುನೆಟ್ ಆಯಗ್ ಆ ಪ್ರಾಯೊಡೇ ಹೆಚ್ಚಾದ್ ಬಲ್ಮೆ ತಿಕ್‌ದಿತ್ತಾಂಡ್. ಕನ್ನಡ ತರಬೇತಿ ಪರೀಕ್ಷೆ ಮುಗಿಲೆಕೆನೆ ಉದ್ಯೋಗೊ ನಾಡರೆ ಸುರುಮಲ್ತೆಡಲಾ ಅವು ಆತ್ ಸುಲಭೊಡು ತಿಕ್ಕಿಜ್ಜಿ ಆಂಡ ಆಯನ ವ್ಯಾಯಾಮ, ಯೋಗಾಭ್ಯಾಸ ಸಾಮರ್ಥ್ಯೊನು ತೂದು ತರಬೇತಿ ಶಾಲೆಡ್ ಡ್ರಿಲ್ ಮಾಸ್ಟರ್ ಕೆಲಸ ಕೊರ್ಪೆರ್. ಅಪಗದ ಕಾಲೊಡೇ ಆಯೆ ರಡ್ಡ್ ಕೈಟ್ ರಡ್ಡ್ ಮುಡಿ ಅರಿನ್ ದೆತೊಂದು ಪೋವೊಂದಿತ್ತಿ ಜವಣೆ ಆದಿತ್ತೆ. ವ್ಯಾಯಾಮ ಶಿಕ್ಷಕೆ ಆದ್ ಕೆಲಸೊಗು ಸೇರಿ ಬೊಕ್ಕ ಅಯಿಟ್ ಹೆಚ್ಚಿದ ತರಬೇತಿಗಾದ್ ಆಯನ್ ಮದರಾಸ್‌ಗ್ ಕಡಪುಡ್ಲೆರ್. ಉಂದೆಕ್ಕಾದ್ ಸರಕಾರ ವಂತೆ ಪಣವುನುಲಾ ವಿದ್ಯಾರ್ಥಿ ವೇತನ ರೂಪೊಡು ಕೊರೊಂದಿತ್ತಾಂಡ್. ಮದರಾಸ್‌ಗ್ ಪೋಯಿನವು ಮುದ್ದಣೆಗ್ ಬೊಕ್ಕಲಾ ಎಡ್ಲೆನೇ ಆಂಡ್. ಅಲ್ಪ ಇತ್ತಿನ ಮಾಮಲ್ಲ ಗ್ರಂಥಾಲಯೊಡು ಆಯೆ ಕನ್ನಡ, ತುಳು, ಇಂಗ್ಲಿಷ್, ಮಲಯಾಲ ಇಂಚ ನಾನಾ ಭಾಷೆಲೆನ ಗ್ರಂಥೊಲೆನ್ ಓದೊಂದು ಮಲ್ಲವಿದ್ವಾಂಸೆನೇ ಆಪೆ. ಆ ಕಾಲೊಡೇ 'ಸುವಾಸಿನಿ' ಪತ್ರಿಕೆಡ್ ಚಕ್ರಧಾರಿ ಪನ್ನಿ ಅಂಕಿತೊಡು ಕೆಲವು ಲೇಖನೊಲೆನ್ ಬರೆಪೆ.

ಮದರಾಸ್‌ಡ್ಲೆ ತರಬೇತಿ ಮುಗಿಪಾದ್ ಪಿರಬತ್ತಿ ಮುದ್ದಣೆಗ್ ಒಡಿಪುದ ಬೋರ್ಡ್ ಸಾಲೆಡ್ ಡ್ರಿಲ್ ಮಾಸ್ಟರ್ ಕೆಲಸ ತಿಕ್ಕುಂಡು. ತಿಂಗೊಳುಗು ಆಯಗ್ ಪತ್ತೆ ರೂಪಾಯಿ ಸಂಬಳೊದ ಕೆಲಸ ಅವು. ಒಡಿಪುದ ರೋಮನ್ ಕೆಥೊಲಿಕ್ ಇಗರ್ಜಿದ ಎದರ್ ಮುದ್ದಣೆ ಒಂಚಿ ಎಲ್ಯ ಇಲ್ಲ್ ಮಲ್ತೊಂದು ಇಪ್ಪುವೆ. ಉಂದೇ ಪೂರ್ತುಡು ಮುದ್ದಣೆನ ಸಾಹಿತ್ಯ ರಚನೆ ಸುರು ಆಂಡ್‌ಂದ್ ಪನೊಲಿ. ಆಯೆ ಕೆಲಸೊಡ್ಲಿತ್ತಿನ ಬೋರ್ಡ್ ಸಾಲೆಡ್ ಮಳಲಿ ಸುಬ್ಬರಾಯೆರ್ ಪನ್ನಿ ಬೊಕ್ಕೊರಿ ಶಿಕ್ಷಕೆರ್ ಇತ್ತೆರ್. ಆರೆಗ್ ಕನ್ನಡ ಸಾಹಿತ್ಯೊಡು ಎಡ್ಲೆ ಪಾಂಡಿತ್ಯ ಇತ್ತಿನವೆನ್ ತೂದು ಮುದ್ದಣೆ ಆರೆನ ಶಿಷ್ಯೆ ಆಪೆ. ಸಂಸ್ಕೃತ ಕಾವ್ಯ, ಕನ್ನಡ ಕಾವ್ಯ, ಪುರಾಣ-ಶಾಸ್ತ್ರ ಇಂಚ ಮಸ್ತ್ ವಿಷಯೊಲೆನ್ ಮುದ್ದಣೆ ಆರೆಡ್ಲೆ ಕಲ್ತುವೆ. ಗುರುಕುಲೆನ ಲೆಕ್ಕೊ ತಾನ್‌ಲಾ ಗ್ರಂಥ ರಚನೆ ಮಲ್ತೊಡೊಂದ್ ಮುದ್ದಣೆನ ಮನಸ್‌ದುಲಯಿ ಆಸೆ ಪುಟ್ಟುಂಡು. ಮಳಲಿ ಸುಬ್ಬರಾಯೆರ್ ಸಂಸ್ಕೃತೊದ ರತ್ನಾವಳಿ

ನಾಟಕೋನು ಪಾರ ಮಲ್ತಿನಪಗ ಮುದ್ದಣೆ ಅವ್ವೇ ಕಥೆನ್ ದೆತೊಂದು 'ರತ್ನಾವತೀ ಕಲ್ಯಾಣ' ಪನ್ನಿ ಯಕ್ಷಗಾನ ಪ್ರಸಂಗ ಬರೆವೆ. ಅಯಿಡ್ ಬೊಕ್ಕ 'ಕುಮಾರ ವಿಜಯ' ಪನ್ನಿ ನನೊಂಜಿ ಪ್ರಸಂಗ ಬರೆವೆ. ಇಂಚ ಯಕ್ಷಗಾನ ಪ್ರಸಂಗ ಬರೆದ್, ಪ್ರೌಢವಾಯಿನ ಕನ್ನಡ ಕಾವ್ಯೊ ಬರೆವೊಡೂನ್ ಮಹತ್ವಾಕಾಂಕ್ಷೆ ಅರಳುಂಡು. ಅಯಿತ ಫಲವಾದ್ ಶ್ರೀರಾಮ ಪಟ್ಟಾಭಿಷೇಕ, ಶ್ರೀ ರಾಮಾಶ್ವಮೇಧ ಬೊಕ್ಕ ಅದ್ಭುತ ರಾಮಾಯಣ ಪನ್ನಿ ಕಾವ್ಯ ರತ್ನೋಲೆನ್ ಆಯೆ ಬರೆವೆ. ಉಂದೆತ್ತ ಒಟ್ಟುಡೇ ಅನೇಕ ಭಜನೆ ಪದ್ಯೊಲು, ಕಾಮಶಾಸ್ತ್ರ ಕನ್ನಡ ವ್ಯಾಕರಣ ಇಂಚಿತ್ತಿನ ಬೇತೆಬೇತೆ ಕೃತಿಕುಲೆನ್ ಬರೆದ್ ಮಾಮಲ್ಲ ಕವಿ ಆಪೆ. ಒಂತೆ ಸಮಯ ಕುಂದಾಪುರೊಟುಲಾ ಶಿಕ್ಷಕ ಆದ್ ಇಪ್ಪವೆ. ಆತಾನಗನೇ ಬವುಲಾಡಿ ವೆಂಕಟರಮಣ ಹೆಬ್ಬಾರೆನೆ ಪರಿಚಯ ಆದ್ ಬೊಕ್ಕಲಾ ಹೆಚ್ಚಿಗೆ ಉಮೇದ್ ತಿಕ್ಕುಂಡು.

ಮುದ್ದಣೆ ತೂವರೆ ಆಜಾನುಬಾಹು, ಕಟ್ಟುಮಸ್ತಾದ ಆಳ್. ತೂವರೆಗ್ ಪೊರ್ಲಕಂಟ್ ಮೋನೆದ ಸ್ಫುರದ್ದೂಪಿ. ಐನ್ ಅಡಿ ನಾಲ್ ಅಂಗುಲ ಎತ್ತರ. ಮೂಂಕು ಒಂತೆ ಉದ್ದೂ. ಮಯಿತ ಬಣ್ಣ ಒಂತೆ ಎಣ್ಣೆಗೆಂಪು. ಆಗಲವಾಯಿನ ಮುಂಡ. ಅಯಿತ ಮಿತ್ತ್ ಮುಂಡಾನ್. ಅಂಗಿದ ಮಿತ್ತೊಂಜಿ ಕೋಟು. ಕಡಿಮೆ ಪಾತೆರೊ ಆಂಡಲಾ ಅಯಿಚ್ ತಮಾಷೆ, ಕಾವ್ಯೊಲೆನ ಉದಾರ್ಮ ದಿಂಜಿದಿತ್ತಂಡ್. ಮುತ್ತಾದ ಮಾಲೆದ ಲೆಕೆ ಇತ್ತಿ ಕೈ ಬರವು. ಏತ್ ಪೂರ್ತುಗುಲಾ ಒವ್ವಾಂಡಲಾ ಗ್ರಂತೊನು ಪತೊಂದು ಓದೊಂದಿಪ್ಪಿ ಹವ್ಯಾಸ. ಯಕ್ಷಗಾನ, ಸಂಗೀತ, ಸಾಹಿತ್ಯ, ಚಿತ್ರಕಲೆ ಇಂಚ ಬೇತೆ ಬೇತೆ ವಿಚಾರೊಲೆಡ್ ಆಸಕ್ತಿ. ಇಲ್ ಜಂಜ ಗ್ರಂತೊಲೆನ ರಾಶಿ. ಶಬ್ದಮಣಿ ದರ್ಪಣ, ಕಬ್ಬಿಗರ ಕೈಪಿಡಿ, ಸಂಸ್ಕೃತ ಕಾವ್ಯೊಲೆನ ನಿತ್ಯ ಪಾರಾಯಣ ಪ್ರೀತಿ.

ಸುಮಾರ್ 1893ಟ್ ಮುದ್ದಣೆಗ್ ಮದ್ದೆ ಆಂಡ್. ಆಯಗ್ ಆತನಗ 25 ವರ್ಷ ಪ್ರಾಯೊ. ಶಿವಮೊಗ್ಗ ಜಿಲ್ಲೆದ ಕಾಗೇಕೊಡು ಮಗ್ಗಿ ಪನ್ನಿ ಗ್ರಾಮೊದ ನಾರಾಯಣಪುರೆ ಮಗ್ಗ್ ಕಮಲೆನೊಟ್ಟುಗು ಮುದ್ದಣನ ಮದ್ದೆ ಈ ದಂಪತಿಲೆಗ್ 4.1.1900ಟ್ ರಾಧಾಕೃಷ್ಣ ಪನ್ನಿ ಮಗ್ಗ ಪುಟ್ಟುವೆ. ಅಚ್ಚಕ್ಕಟ್ ಎಲ್ಯ ಸಂಸಾರ. ಬಡಪ್ಪ್ ಇತ್ತಂಡಲಾ ಕಾವ್ಯ ಪ್ರೀತಿ, ಸಂಸಾರ ಸುಖೊಟು ವಾ ರೀತಿದ ಬೇನೆಬೇಜಾರ್ಲಾ ಇತ್ತಿಜ್ಜಿ ಆಂಡ ಆರೋಗ್ಯದ ದೃಷ್ಟಿಡ್ ಮಾತ್ರ ಅದೃಷ್ಟ ಹೀನೆ. ಉಬ್ಬಸ ರೋಗ ಹೆಚ್ಚಾವೊಂದೇ ಪೋವುಂಡು. ಶಾಲೆದ ಕೆಲಸೊಗು ಸರಿಯಾದ್ ಪೋವಂದೆ ದಿಂಜ ಸಮಯ ರಜೆಟೇ ಕಾಲ ಕಳೆವೊಡಾಪುಂಡು.

1899ಟ್ ಮುದ್ದಣೆ ಕುಂದಾಪುರೊದ ಕೆಲಸೊಗು ರಾಜೀನಾಮೆ ಕೊರುದು ಒಡಿಪುಗೇ ಪಿರ ಬರ್ಪೆ. ಒಡಿಪುದ ಕ್ರಿಶ್ಚಿಯನ್ ಹೈಸ್ಕೂಲುಡು 'ಕನ್ನಡ ಪಂಡಿತೆ' ಆದ್ ತಿಂಗೊಳುಗು ಇರ್ವ ರೂಪಾಯಿ ಸಂಬಳೊಗು ಸೇರೊಣ್ಣೆ. ಐನ್ ರೂಪಾಯಿದ ಹೆಚ್ಚಿಗೆ ಸಂಬಳೊಗಾದ್ ಲೆಕ್ಕ ಪತ್ತೊನು ಬರೆಪಿ ಗುಮಾಸ್ತಿಕೆದ ಕೆಲಸನ್ಲಾ ಮಲ್ತುವೆ. 1895ಟ್ ಮುಗಿತಿನ ಶ್ರೀರಾಮಪಟ್ಟಾಭಿಷೇಕಂ ಪನ್ನಿ ಷಟ್ಪದಿ ಕಾವ್ಯೊನು ಎಂಚಾಂಡಲ ಪ್ರಕಟ ಮಲ್ಪೊಡುಂದು ಬಯಕುವೆ. ಕಡೆಕ್ಲಾ ಅವೆನ್ 'ಮಹಾಲಕ್ಷ್ಮಿ' ಪನ್ನಿ ಪುದರ್ಡ್ ಬರೆತಿನ

ಪ್ರಾಚೀನ ಕಾವ್ಯಾಂಡ್ ಮೈಸೂರುದ ಪ್ರಕಾಶಕೆರೆಗ್ ಕಡಬುಡ್ಲೆ. ಅವು ಪ್ರಕಟ ಆಯಿನ ಸಂತೋಷೊಡು 'ರಾಮಾಶ್ವಮೇಧ' ಕಾವ್ಯ ರಚನೆಗ್ ಸುರುಮಲ್ಪುವೆ. ಅವು 1901ನೇ ಇಸವಿಡ್ ಮುಗಿಪುಂಡು. ಆಂಡ ದಾನೆ ಮಲ್ಪುನಿ ಮುದ್ದಣ ಕವಿಕ್ ಆ ಕಾವ್ಯ ಬೊಲ್ಪುಗು ಬರ್ಪುನವೆನ್ ತೂಪಿ ಭಾಗ್ಯ ಇಜ್ಜಾಂಡ್.

“ಕಾಲ ಪುರುಷಂಗೆ ಗುಣಮಣಮಿಲ್ಲಂ ಗಡ”

ಕ್ಷಯರೋಗ ಮುದ್ದಣ ಕವಿನ್ ಕಡಕ್‌ಲಾ ಬುಡ್ಬುಜಿ. 1901ನೇ ಇಸವಿ ಫೆಬ್ರವರಿ 15ನೇ ತಾರೀಕ್‌ದಾನಿ ಮಹಾಕವಿ ಮುದ್ದಣೆ ಬುಡೆತಿ ಬಾಲೆನ್ ಬುಡುದು ಮಹಾಲಿಂಗೇಶ್ವರ ದೇವರೆ ಪಾದ ಸೇರುವೆ. ತುಳುತ ಮಣ್ಣಾಡ್ ಕೊಡಿತ್ತಿನ ಕನ್ನಡೊದ ಕವಿಪುರ್ಪ ಪೂರ್ತು ಏರುನ ದುಂಬೇ ಬಾಡ್‌ದ್ ಪೋಪುಂಡು. ಮಣ್ಣಾಡ್ ಮಗನ್ ಒರಿಪಾವುನ ಯೋಗ ತುಳು ಆಪ್ಪೋಲಾ ಇಜ್ಜಿ; ಕನ್ನಡ್ ಆಪ್ಪೋಲಾ ಇಜ್ಜಿ ಕನ್ನಡ ಕಾವ್ಯಲೋಕೊದ ಬೊಳ್ಳಿವೊಂಜಿ ಮೂಡಿ ಕೆಲವೇ ಪೂರ್ತುಡು ಕಂತ್‌ದ್ ಪೋಂಡು. ಕಾಲಪುರುಷನ ಕಣ್ಣಾಡ್ ನೀರ್ ಇಜ್ಜಾಂಡ್ ಪೋಂಡು.

ಯಕ್ಷಗಾನ 'ರತ್ನಾವತೀ ಕಲ್ಯಾಣ'

ಸಂಸ್ಕೃತೊದ ರತ್ನಾವತೀ ಬೊಕ್ಕ ಪ್ರಿಯದರ್ಶಿಕಾ ನಾಟಕೊಲೆನ್ ಆದರೆತ್‌ದ್ ಮುದ್ದಣೆ ಬರೆಯಿನ ಯಕ್ಷಗಾನ ಪ್ರಸಂಗೊನೇ 'ರತ್ನಾವತೀ ಕಲ್ಯಾಣ'. ಉಂದು ಪುರಾಣ ಪುಣ್ಯ ಪ್ರಸಂಗ ಆತ್ಮನಿವು ಮುಲ್ಪ ಗೆಣಿಪೊಡಾಯಿ ಸಂಗತಿ. ಅಡಮುಟ್ಟು ಯಕ್ಷಗಾನ ಪಂಡ ರಾಮಾಯಣ, ಮಹಾಭಾರತ, ಭಾಗವತ ಕಾವ್ಯೊಲೆನ ಕಥಾವಸ್ತು ಆದಿತ್ತ್‌ಂಡ್. ಪೊಸ ರೀತಿದ ಕಥೆನ್ ಪ್ರಸಂಗ ಮಲ್ತೆರೆ ಸಾಧ್ಯ ಪನ್ಪಿನವೆನ್ ಮುದ್ದಣೆ ಸುರುಕು ತೋಜಾಡ್ ಕೊರಿಯೆ.

ದೃಢವರ್ಮ ಪನ್ನಿ ಅಂಗದೇಸೊದ ರಾಜನ ಮಗಲ್ ರತ್ನಾವತಿಕ್ ಮದ್ದೆ ಆಪಿನವು ಮುಲ್ಪದ ಮುಖ್ಯ ವಸ್ತು. ಮಗಳೆನ್ ಕೌಶಾಂಬಿ ದೇಸೊದ ವತ್ಸರಾಜಗ್ ಕೊರೊಡುಂದು ದೃಢವರ್ಮನ ನಿರ್ಧಾರ. ಆಂಡ ರತ್ನಾವತಿನ್ ಮದ್ದೆ ಆಪೊಡುಂದು ಕಳಿಂಗದ ರಾಜೆ ಭದ್ರಸೇನೆ ಬಯಕುವೆ. ಆಯನ ಮಂತ್ರಿ ಮಗೆ ಚಿತ್ರದ್ವಜ ಯುದ್ಧ ಮಲ್ತ್‌ದ್ ದೃಢವರ್ಮನ್ ಸೋಪವೆ. ಅತನಗ್ ದೃಢವರ್ಮ ರಾಜನ ಮಿತ್ರೆ ವಿಂದ್ಯಕೇತು ಪನ್ನಿ ಕಿರಾತರಾಜೆ ಬತ್‌ದ್ ಚಿತ್ರದ್ವಜನ್ ಸೋಪವೆ. ಭದ್ರಸೇನೆ ಯುದ್ಧೊಡು ಕಿರಾತ ರಾಜನ್ ಕೆರ್ದ ದೃಢವರ್ಮನ್ ಕರ್ಪಿಲ್‌ಗ್ ಪಾಡ್ ರತ್ನಾವತಿನ್ ಲಕ್ಕಾದ್ ಕೊಂಡೋನಗ ಕಾಡತಾದಿಟ್ ವಿದ್ಯುಲ್ಲೋಚನೆ ಪನ್ನಿ ರಕ್ತಸೆ ಎದಾರಾಪೆ. ಆಯೆ ಭದ್ರಸೇನನ್ ಕೆರ್ದ ರತ್ನಾವತಿನ್ ಕಾಡ್‌ದುಲಯಿದ ಅರಮನೆಟ್ ಸೆರೆದೀಪೆ. ಅಡೆಗ್ ಬೊಂಟೆಗ್ ಬತ್ತಿನ ವತ್ಸರಾಜೆ ರಕ್ತಸೆನ್ ಕೆರ್ದ ರತ್ನಾವತಿನ್ ಸೆರೆಡ್ ಬುಡುಪಾದ್ ಮದ್ದೆ ಆಪೆ.

ಈ ಕಥೆ ವಿಶೇಷ ದಾನ ಪಂಡ ಯಕ್ಷಗಾನೋಗು ಒಪ್ಪನಂಚಿ ಬೇತೆ ಬೇತೆ ವೇಷೋಲು ಮುಲ್ಪ ಉಲ್ಲ. ರಾಜೆ, ರಾಜಕುಮಾರೆ, ರಾಜಕುಮಾರಿ, ಮಂತ್ರಿನ ಮಗೆ, ಕಿರಾತೆ, ರಕ್ಕಸೆ ಇಂಚಿ ವೇಷ ವೈವಿಧ್ಯೋಗು ಮುಲ್ಪ ಅವಕಾಶ ಉಂಡು. ಶೃಂಗಾರ, ಕರುಣ, ವೀರ, ಅದ್ಭುತ ರಸೋಕುಲೆನ ಹದವಾಯಿನ ಪಾಕೊಲಾ ಈ ಪ್ರಸಂಗೊದ ವಿಶೇಷತೆ. ಅಯಿಡ್ಲಾ ಮುಖ್ಯ ಸಂಗತಿ ಪಂಡ ಈ ಪ್ರಸಂಗೊದ ಪದ್ಯೋಲು. ಯಕ್ಷಗಾನೊ ಪದ್ಯರಾಶಿಡ್ ಈ ಪ್ರಸಂಗೊದ ಕೆಲವು ಪದ್ಯೊಲೆಗ್ ಶಾಶ್ವತ ಮನ್ನಣೆ ಉಂಡೊಂದು ಪನೊಲಿ. ಉದಾರ್ಮೆಗ್ ಕೆಲವು ಪದ್ಯೋಲು -

ಕಾಪಿರಾಗ - ಏಕತಾಳ

ಏನನುಸುರಲಿ ಮಾನಿನಿಯ ಚೆಲುವಾನನದ ಪರಿಗೆ | ಮದಗಜ
ಯಾನೆ ಕೋಕಿಲಗಾನೆ ಸತಿಯಾನೂನ ಮೊಗಸಿರೆಗೆ | ಮತ್ತೂ
ಸೇನೆಯಧಿಪತಿ ಬಾನ ತ್ಯಜಿಸುತಲೀ ನಿತಂಬಿನಿಗೆ | ನಿಟಲದಿ
ಸಾನುರಾಗದೊಳ್ ತಾನೆ ಮೆರೆಯುತ ಪೂರ್ಣಕಳೆಯಿಸಿಗೆ | ಇದಕನು
ಮಾನವಿಲ್ಲವಿದೇನೆನಲು ಹಗೆ | ಮಾನವಗೆ ತಾವ್ ಬೇನೆ ಪಡುವಂ |
ತೀ ನಳಿನಗಳು ನ್ಯೂನಗೊಂಡಿವೆ | ಹೀನಿಸುತಲಾ ಏಣ ಧರನನು || ೧ ||

ಬೇಗಡೆ ರಾಗ - ತ್ರಿವುಡತಾಳ

ಹೀಗೆ ಪೇಳುವರೇ ಸಖಿ | ಚಂದಿರ ಮುಖಿ | ಹೀಗೆ ಪೇಳುವರೇ ಸಖಿ ||ಪ||
ಹೀಗೆ ಪೇಳುವದೇಕೆ ಎನ್ನೊಳು | ನಾಗಗಮನೆ ನಿರಂತರದಿ ಸುಖಿ |
ಭೋಗಿಸುತಲನುರಾಗದಿಂದಲಿ|ಭೋಗಿ ವೇಣಿಯೆ ದಿನವ ಕಳೆಯದೆ ||ಅ.ಪ.||

ಚಿಕ್ಕ ಪ್ರಾಯದ ಕೋಮಲೆ | ಮನದಿ ವ್ಯರ್ಥ | ದುಃಖಿಸಲೇಕೆ ಬಾಲೆ |
ರುಕ್ಕನು ಸೋದರಿಗೆ ಚೈದ್ಯನು | ತಕ್ಕನು ಎಂದೆನುತ ವೈದಾ |
ಹಕ್ಕನು ಗೈದಿರಲು ದುರುಳನ | ಸೊಕ್ಕನು ಮುರಿದೊಯ್ವ ತೆರದಲಿ |
ರಕ್ಕಸಾರಿಗೆ ಫಕ್ಕನೋರ್ವನೊ | ಲೊಕ್ಕಣೆಯ ಬರದಿಕ್ಕಲಿಲ್ಲವೆ |
ದುಕ್ಕಿಣಿಯು ತಾ ಕಕ್ಕುಲಿತೆ ಯಾ | ತಕ್ಕ ನಿನ್ನೊಳು ಸಿಕ್ಕಿ ಬಿದ್ದಿಗೆ ||೧||

ಬೇಡೆ ರಾಗ - ಏಕತಾಳ

ನುಡಿಯೇ | ನಿನ್ನೊಡೆಯನ ಪೆಸರೊಡ | ನುಡಿಯೇ ||ಪ||
ಬಡನಡುವಿನ ಜಡ | ಪಿಡಿ ನಡೆದುದು ಬಿಡು |
ಬಿಡು ಕಡು ಬೆಡಗಿನೊ | ಳುಡುಪಡೆ ಪತಿ ಮುಖಿ ||೧||
ನಗೆಮೊಗ ನೆಗಹುತ | ಲೊಗುಲಿಗೆ ದುಗುಡಗ |

ಳುಗಿ ಮೃಗದೃಗು ಯುಗೆ | ಬಗೆ ಮಿಗೆ ಸುಗುಣೆ ||೨||

ವನಜಾನನೇ ತನು | ವನು ನನೇ ಮೊನೆಯನು |

ಕುನಿಪನು ಮನವಿನಿ | ತನು ಘನತನದೊಳು ||೩||

ಮುದ್ದಣ್ಣ ಸಂಸ್ಕೃತ ಭಾಷೆಡಿಪ್ಪಿನ ರತ್ನಾವಳಿ ಬೊಕ್ಕ ಪ್ರಿಯದರ್ಶಿಕಾ ನಾಟಕೋಲೆನ್ ಮಳಲಿದ ಸುಬ್ಬರಾಯೆರ್ ಪರಿಚಯ ಮಲ್ತದಿತ್ತೆರ್. ಆ ಕತೆತ ವಸ್ತುನು ಮುದ್ದಣ್ಣ 'ರತ್ನಾವತಿ ಕಲ್ಯಾಣ' ಆದ್ ಯಕ್ಷಗಾನ ಪ್ರಸಂಗ ಮಲ್ತದಿನಿ. ಆ ಒಂಜಿ ಗುರು ಋಣೋನು ಪ್ರಸಂಗದ ಕಡೆಟ್ ಪದ್ಯ ರೂಪೊಡು ಮುದ್ದಣ್ಣ ಪಣ್ಣೆ.

ವಿಧುಧರನ ಸದ್ವಕ್ತ ವಿದ್ಯಾ

ನಿಧಿಗಳೆನಿಸುವ ಸುಬ್ಬರಾಯರ

ಪದಸಹಾಯದಿ ಬರೆದೆ ಗುರುವೆಂ

ಬುದನು ಬಗೆದು ||

ಲೌಕಿಕ ಕತೆಕ್ ಪೌರಾಣಿಕ ಸ್ವರ್ಶೋನು ಮಲ್ತದ್ ಕುತೂಹಲಕರ ರಂಗಕ್ರಿಯೆನ್ ಕೊನತ್ ಆದ್ ರಂಗ್ ಕಟ್ಟಾಯಿನವು ಈ ಪ್ರಸಂಗೊದ ವಿಶೇಷತೆ. ಒರಿ ಕವಿನ ಸುರುತ ಕೃತಿಯಾದ್ 'ರತ್ನಾವತಿ ಕಲ್ಯಾಣ' ಗಮನಾರ್ಹವಾಯಿನವೊಂದು ಪನೊಲಿ.

ಯಕ್ಷಗಾನ 'ಕುಮಾರವಿಜಯ'

'ಕುಮಾರ ವಿಜಯ'ದ ಕಥೆ ಸೈಂದ ಪುರಾಣೊಡು ಬರ್ಪಿನವು. ಸುಬ್ರಹ್ಮಣ್ಯ ದೇವೆರನ ಅನುಗ್ರಹೊಟು ಶೂರಪದ್ಮಾಸುರನ ವಧೆಯಾದ್ ದೇವತೆಲೆಗ್ ಸೌಖ್ಯ ತಿಕ್ಕುನ ಈ ಕಥೆಟ್ ಕಾಳಗ, ಶೃಂಗಾರ, ದುಃಖ ಇಂಚ ವಿಭಿನ್ನ ಸನ್ನಿವೇಶೊಲು ದಿಂಚಿದುಂಡು. ಸಂವಾದ ಸಂದರ್ಭೊಲು, ಬೇತೆ ಬೇತೆ ರಾಗತಾಳೊದ ವಿಶಿಷ್ಟ ಪದ್ಯ ಬಂಧೊಲು ಈ ಪ್ರಸಂಗೊದ ವಿಶೇಷತೆ. ಸಾಮಾನ್ಯ ಯಕ್ಷಗಾನ ಪ್ರಸಂಗೊಲೆನ ರಡ್ಡ್ ಪಾಲ್ ದಾತ್ ಪದ್ಯೊಲು ನೆಟ್ ಇತ್ತಾದ್ ಒಂಜಿ ರಾತ್ರಿದ ಆಟೊಗು ಅವು ಹೆಚ್ಚಂದೇ ಪನೊಲಿ. ಅಂಚಾದ್ ಪದ್ಯೊಲೆನ್ ಜತ್ತಾದ್ ರಂಗಕೃತಿನ್ ತಯಾರ್ ಮಲ್ತೊಂದು ಆಟ ಗೊಬ್ಬೊಡಾವುಂಡು.

ತಾರಕಾಸುರನ ಪಲಯೆ ಶೂರಪದ್ಮಾಸುರೆ ಶಚೀದೇವಿನ್ ಬಯಕ್ ದ್ ಸ್ವರ್ಗೊಗು ದಾಳಿ ಮಲ್ತುವೆ. ಅತಾನಗ ದೇವೇಂದ್ರೆ ಬುಡತಿನೊಟ್ಟುಗು ಶ್ರೀಕಾಶ ಪನ್ನಿ ಬನೊಟು ದಂಗೆದ್ ಕುಲ್ಲುವೆ. ಶೂರಪದ್ಮನ ಮಗೆ ಭಾನುಕೋಪೆ ಪನ್ನಿನಾಯೆ ಇಂದ್ರನ ಮಗೆ ಜಯಂತನ್ ಸೆರೆಪತ್ತುವೆ. ಶಚೀನ್ ಕೊಣಬರ್ಪೆಂದ್ ಶೂರಪದ್ಮನ ತಂಗಡಿ ಅಜಮುಖಿ ಪಿದಾಡುವಲ್. ದೂರ್ವಾಸೆರೆನ್ ಮೋಕೆ ಮಲ್ತದ್ ಶಚೀದೇವಿ ಇಪ್ಪಿ ಜಾಗೆನ್ ತೆರಿಯೊಂದು ಆಲ್ ದುಂಬು ಪೋನಗ ಶಾಸ್ತಾರ ಬತ್ ದ್ ರಕ್ತಸಿನ ಕೈ ಕಡ್ತುವೆ. ಉಂದೆನ್ ತೆರಿನ ಶೂರಪದ್ಮ ದೇವಲೋಕೊಗು ದಾಳಿ ಮಲ್ತುವೆ. ದೇವತೆಲು ಮಾತಾ ಶಿವದೇವೆರೆಗ್

ದಮ್ಮಯ್ಯ ಪಾಡುವೆರ್. ಆತಾನಗ ಶಿವ ದೇವೆರ್ ತನ್ನ ಮಗೆ ಕುಮಾರಸ್ವಾಮಿನ್ ಯುದ್ಧಗ್ಗು ಕಡಪುಡ್ಡೆರ್. ಯುದ್ಧೊಡು ಶೂರಪದ್ಮಾಸುರೆ ಸೈತ್‌ದ್, ಕಡಕ್ ದೇವೇಂದ್ರನ ಮಗಳ್ ದೇವಸೇನೆನೊಟ್ಟುಗು ಕುಮಾರಸ್ವಾಮಿನ ಮದ್ದೆ ಆಪುಂಡು.

“ಕುಮಾರವಿಜಯೊನು ಬುಡುಂಡ ಪ್ರಸಂಗ ಇಜ್ಜಿ ನಂದಳಿಕೆದಾರೆನ್ ಬುಡುಂಡ ಕವಿ ಇಜ್ಜಿ” ಪಂಡ್ಡ್ ಕನ್ನಡದ ಬೊಕ್ಕೊರಿ ಮಾಮಲ್ಲ ಕವಿ ಪಂಜೆ ಮಂಗೇಶರಾಯೆರ್ ಪನ್ತೆರ್. ಆರೆನ ದೃಷ್ಟಿಡ್ ‘ಕುಮಾರವಿಜಯ’ ಕೃತಿಕ್ ಇಪ್ಪಿ ಮಹತ್ವ್ವ ಬೇತೆ ಗ್ರಂಥೊಲೆಗ್ ಇಜ್ಜಿ. ಇಂಚ ಆರ್ ಅಭಿಪ್ರಾಯ ಮಲ್ತೆರೆಗ್ ಕಾರಣ ಆ ಪ್ರಸಂಗೊದ ಪದ್ಯಬಂಧೊಲೆನ ಪೊರ್ಯ್ ಶಬ್ದಾಲಂಕಾರ ಬೊಕ್ಕ ಅರ್ಥಾಲಂಕಾರೊಲೆನ ಗತ್ತ್ ಗಮ್ಮತ್ತ್. ಈ ಪ್ರಸಂಗ ರಚನೆದ ಪೊರ್ತುಡು ಮುದ್ದಣ ಕವಿಕ್ ಸರಸ್ವತಿಯಪ್ಪೆ ಒಲಿದಾತ್‌ಂಡಂದೇ ಪನೊಲಿ. ಒಂಜೊಂಜಿ ಪದ್ಯೊದ ಬಿನ್ನಾಣೊನು ಏತ್ ಪುಗರ್‌ಂಡಲಾ ಕಡಮೆನೇ. ಮಾದರಿಗಾದ್ ಕೆಲವು ಪದ್ಯೊಲೆನ್ ತೂವೊಲಿ -

ಕುಂದರದನೆ ಪೂರ್ಣೇಂದು ವದನತಾ | ಬಂದಳೆ ಗುಣಸದನೆ ||ಪ||

ಸುಂದರಾಂಗಿ ಸುಮಗಂಧಿ ಮಂದಗತಿ | ಯಿಂದ ಮುಂದೆ

ಕಾಲಂದುಗೆ ಕಿಣಿಲೆನೆ || ಅ.ಪ.||

ನಿಲುಕುತ | ನಾಲ್ದೆಸೆಗಳ ಮೃಗಮನ

ಕಲಕುತ | ಘನಕುಚಭಾರಕೆ ನಡು

ಬಳುಕುತ | ಮನ್ಮಥನಸ್ತ್ರಕೆ ಸರಿ

ಸಿಲುಕುತ ||

ಅಳುಕುತ | ಸಲಿಲಜಾಕ್ಷಿ ಮೊಗವ | ದರ್ಪಣ

ದಲಿ ನೋಡುತ ಮಿಗುವ ||

ತಿಲಕ ಉದ್ದಿ ಮತ್ತಲಕ ತಿದ್ದಿ ಕಡು

ಚೆಲುವಿಕೆಯಲಿ ನಲಿನಲಿದೊಯ್ಯನೆ ||

ಲಾಲಿಸೆನ್ನ ನುಡಿಯ | ಎನ್ನೊಡೆಯ | ಲಾಲಿಸೆನ್ನ ನುಡಿಯ ||ಪ||

ಲಾಲಿಸೆನ್ನ ನುಡಿ | ಜಾಲವಲ್ಲಿ ಮುನಿ

ಪಾಲ ಪೇಳ್ವೆ ಜಿತ | ಕಾಲನಾಣೆ ದಿಟ || ಅ.ಪ. ||

ಪತ್ತಿಹ ಪಿತತಾನು | ನಿಮ್ಮವರೊಳ | ಗುತ್ತ ಮನೆನಿಸಿಹನು || ತನ್ನಯ

ವೃತ್ತಿಯೊರೆವೆನನ್ನು | ನಾನ ತಾಳದೆ | ಚಿತ್ತಜನುರಿಯನ್ನು || ಧರಣಿಯ

ಸ್ತುತಿ ತೊಳಲಿ ಸ್ವರ | ಹತ್ತಿಳಿದರಡಿದೆ

ಮತ್ತ ಮನದಿ ವಿಟ | ರತ್ತಿ ಹರೆನ್ನುತ ||

ಕಾದಂಬನಿಕರ ಪಾರುತ್ತಯ್ಲಿ ತಮಗೆ ಬೇ
 ಕಾದಂಬ ನೀಕ್ಷಿಸುತ ನೆರಸೇರೆ ಲುಬ್ಧಕರ್
 ಕಾದಂಬನೆಸೆಯುಕಲರಿತು ಮುಂದೊತ್ತುತನಿಬರ ಪಿಡಿದು ಭಕ್ಷಿಸುತಲಿ |
 ಕಾದಂಬನಗ್ರದೊಳ್ ಮಡಿದು ಬಿದ್ದಿದಗ ಖಗ
 ಕಾದಂಬನದರ ಜೊತೆಗಿಕ್ಕಿ ಪಶುಗಳೆದು ತಾ
 ಕಾದಂಬಕುಟಿಯಡಿಯೊಳೆಲರಿಗೊಡ್ಡತ ತನುವ ಗಾಡಿಯಿಂ ಕುಳ್ಳಿದಳು ||

ಕಂಡನು | ವಿಶ್ವರೂಪವ ಪದ್ಮನು | ಕಂಡನು ||ಪ||
 ಕಂಡನು ವಿಶ್ವನಾಯಕನ | ನೆಲೆ
 ಗೊಂಡಿರುವಾದಿ ಮಾಯಕನ | ಆಹಾ
 ಘಂಡನಿಧಿಯ ದೇವ | ತಂಡವಂದಿತ ಸುಪ್ತ
 ಚಂಡ ಮಾರುತಿಯ ಬ್ರ | ಹ್ಯಾಂಡಪಾಲಕನನ್ನು ||ಅ.ಪ.||
 ಕುಲಗಿರಿಗಳು ದಿವ್ಯ ಪದದಿ | ಸುತ್ತು
 ನೆಲಸೆ ದಿಗ್ಗಜಗಳ್ ಸದ್ವಿಧದಿ | ನಖ
 ವಲಯದೊಲೆಸೆದಿರಲುದಧಿ | ಕೂಡಿ
 ಜಲಜಾಕರಂಗಳು ಮುದದಿ | ಓಹೋ
 ಚೆಲುವ ಮೂರ್ತಿಯ ಜಂಘೆ | ಯಲಿ ಪಾಶಿ ಜಾನೂರು
 ಸ್ಥಲದಿ ವಿದ್ಯಾಧರ | ರೊಲಿದು ರಾಜಸುತಿದೆ ||

ಶ್ರೀರಾಮ ಪಟ್ಟಾಭಿಷೇಕ

ಉಂದು ವಾರ್ಧಕ ಷಟ್ಪದಿಡ್ ಬರೆಯಿನಂಚಿ ರಾಮಾಯಣ ಕಾವ್ಯೊ. ಶೇಷ
 ರಾಮಾಯಣೊದ ಆಧಾರೊಡು ಉಂದೆನ್ ಬರೆಯಿಲೆಕ ತೋಜುಂಡು. ರಾವಣನ್
 ಕೆರಿಬೊಕ್ಕ ಶ್ರೀರಾಮಚಂದ್ರೆ ವಿಭೀಷಣ್ ಪಟ್ಟಕಟ್ಟುವೆ. ಅಯಿಡ್ ಬೊಕ್ಕ ಲಕ್ಷ್ಮಣನ್‌ಲಾ
 ಸೀತೆನ್‌ಲಾ ಲೆತೊಂದು ಪುಷ್ಪಕ ವಿಮಾನೊಡ್ ಪಿರಬತ್‌ದ್ ನಂದಿಗ್ರಾಮೊಡು ಭರತನ್
 ತೊಪೆ. ಬೊಕ್ಕ ಅಯೋಧ್ಯೆಗ್ ಬತ್‌ದ್ ಪಟ್ಟಾಭಿಷೇಕೊ ಮಲ್ತೊನ್ನೆ ಈತೇ ಕತೆ ಮುಲ್ವ
 ಇತ್ತಂಡಲಾ ವರ್ಣನೆ, ಸ್ತುತಿ, ಸಂವಾದ ಇಂಚೆ ರಸವೊಸರುನ ಒಂಜಿ ಖಂಡಕಾವ್ಯೊದ ಲೆಕ
 ಉಂದು ತೋಜುಂಡು.

ಈ ಕಾವ್ಯೊದ ಸುರುತ ನಾಂದೀ ಪದ್ಯೊಲು ಭಾರೀ ಪೊರುಡು ನೆಗತ್‌ದ್
 ತೋಜುವ. ಈ ಒಂಬ ಷಟ್ಪದಿಲೆನ ಸುರುತ ಅಕ್ಷರೊಲೆನ್ ಸೇರಾನ್ ಓದೊಂಡ.
 'ಶ್ರೀರಾಮಚಂದ್ರಾಯ ನಮಾಮಿ' ಪಂಡ್‌ದಾಪುಂಡು. ಅಂಚನೇ ಲಕ್ಷ್ಮೀಶ ಕವಿನ ಜೈಮಿನಿ
 ಭಾರತೊದ ಲೆಕ ಇಪ್ಪಿ ಶಬ್ದಾಲಂಕಾರೊಲೆನ ಪೊರು ಅಯಿಟ್ಟೆಟೆ ತೋಜುಂಡು. ಸಮುದ್ರ

ವರ್ಣನೆದ ಒಂಜಿ ಸಂದರ್ಭೊದ ಅಲಂಕಾರ ಪದ್ಯ ಇಂಚ ಉಂಡು -

ಭವನಂತೆ ಗಿರಿಸುತಾಸ್ವಿತನಂದೆನಿಸಿ, ಮನೋ
ಭವನಂತೆ ಮಕರ ಕೇತನನಾಗಿ, ಕಮಲಸಂ
ಭವನಂತೆ ವೋಲ್ ಸರಸ್ವತಿಯರಸನೆಂಬ ಪೆಸರಂ ಪಡೆದು ಲೋಕಮಯೆ,
ಭವನಲ್ಲ ಮೇಣ್ ಮೆಯ್ಯೊಳೊಪ್ಪಿದುರ್ಮಾತ್ಮ ಸಂ
ಭವನಲ್ಲ ಲಾವಣ್ಯಲೀಲೆಯೆಂದೆಸೆವಬ್ಬ
ಭವನಲ್ಲ ಸಕಲ ಭುವನಾಶ್ರಯಂ ತಾನೆನಿಸುತರ್ಣವಂ ಕಣ್ಣೊಳ್ಳುದು ||

ಮುಲ್ವ ಸುರುತ ಮೂಜಿ ಪಾದೊಡು 'ಭವನಂತೆ' ಪಂಡ್‌ದ್‌ಲಾ, ಕಡೆತ ಮೂಜಿ ಪಾದೊಡು 'ಭವನಲ್ಲ' ಪಂಡ್‌ದ್‌ಲಾ ಮೂಡುದು ಬತ್ತಿ 'ಕಿಷ್ಕೋಪಮಾಲಂಕಾರ' ಮನಸ್ಸೆಗ್ ಸಂತೋಷ ಕೊರ್ಪುಂಡು. ಅಂಚನೇ ಶ್ರೀರಾಮ ಬರ್ಪಿ ಪೊರ್ತುಡು ಒರ್ತಿ ಪೊಂಜೊವು ಇಲ್ಲ ಬುಡುದು ಪಿದಾಡಿನ ಪೊರ್ತು ಈ ಪದ್ಯೊಡು ನೆಗತ್ತೆದ್ ತೋಜುಂಡು.

ತೊಟ್ಟಲೊಳ್ ಪುಟ್ಟಮಗು ಪಟ್ಟಿರಲ್ ಮುಟ್ಟಿಮೈ
ನಿಟ್ಟಿಸುತ ಮೊಟ್ಟರೆಂದೊಟ್ಟಿಗನ ನಿಟ್ಟವನ
ಬಿಟ್ಟು ಪಣೆಗಿಟ್ಟು ಪೊಂಜೊಟ್ಟನೆದೆಗಟ್ಟಿಯಾ ದಿಟ್ಟೆ ಬಣ್ಣಟ್ಟ ಮೊಲೆಗೆ |
ತೊಟ್ಟುಡಿಗೆ ಪಟ್ಟಿ ನೆರೆದುಟ್ಟು ಕೊಂಡೊಟ್ಟಜಿದ
ಪಟ್ಟಣೆಗರಿಟ್ಟೆಡೆಯ ಬಟ್ಟೆಯಂ ಮೆಟ್ಟಿ ಬರೆ
ದಿಟ್ಟೆಗೆಡೆ ಗೊಟ್ಟು ಪಿಂದೆಟ್ಟೊರ್ಪಳಟ್ಟಿಸದಿ ಕೊಟ್ಟಿ ಪೊರಮಟ್ಟಕಾಗ ||

ಮುಲ್ವದ ವೃತ್ತಮಪ್ರಾಸೊದ ಪೊರ್ತು ಏರೆನ್ನಾ ಮರ್ಲ್ ಕಟ್ಟಾವು. ಶ್ರೀರಾಮ ಕಾಡ್‌ಗ್ ಪೋಯಿಬೊಕ್ಕ ಪುಟ್ಟಿನ ಬಾಲೆ ಒಂಜಿ ತನ್ನ ಪಳ್ಳಿಡ ಆಯೆ ಯೇರ್‌ಂದ್ ಕೇಣುನ ರೀತಿ ಸಹಜಾಲಂಕಾರೊದ ಸಾರ್ಥಕ ಪದ್ಯಾಂದ್ ಪನೊಲಿ.

ಅಕ್ಕಪೇಳಾರವಂ ರಾಘವಂ ಬರ್ಪವಂ
ರಕ್ಕಸನೆ ನರನೆ ದೇವನೆ ಸುಂದರನೆ ನೋಡೆ
ಚಿಕ್ಕವನೆ ವೃದ್ಧನೇ ತರುಣನೇ ಶೂರನೇ ದೊರೆಯೆ ಕರುಣೆಯೆ ಸುಗುಣೆಯೆ|

ಒಕ್ಕಣೆಸು ತನಗೆ ಧಾರ್ಮಿಕತೆ ಪಗವನೆ ಧುರದಿ
ಸೊಕ್ಕಿಗನೆ ತಕ್ಕವನೆ ನಿಕ್ಕುವಮೆ ಬರ್ಪುದೆಂ
ದಕ್ಕರಡೆ ಮುಗ್ಡೆಯೊರ್ವಳ್ ನೆರೆದ ಸಖಿಯರೊಳ್ ಕೇಳ್ಪೊಡೆಂದಳ್‌ವಿದಗ್ಗೆ||

ಸಮುದ್ರದ ವರ್ಣನೆಡ್ ಕವಿ ತೋಜಾಯಿನ 'ಉತ್ಪ್ರೇಕ್ಷಾಲಂಕಾರ' ಭಾರೀ
ಪೊರ್ಲುಂಡು.

ಪುತ್ರನೊರ್ವಂ ರಾಜನಣುಗಿಯೆ ಜಗನ್ನಾತೆ
ಮಿತ್ರನಭವಂ ಧೂತಪಾಪೆ ತನ್ನರಸಿ ತತ
ಪತ್ರನೇತ್ರಂ ಮನೆಯಳಿಯ ನೋಡೆ ಮಮ್ಯುಕ್ತಳೆನಗೆ ರತಿಕಾಮರೈಸೆ !
ಗೋತ್ರರಾಜಂ ಮಾವನತ್ತಿಗೆಯೆ ಪಾರ್ವತಿ ಪ-
ವಿತ್ರನಾಂ ಮೊದಲೆ ತನಗೆಣೆಯಪ್ಪನಾವಂ ಧ-
ರಿತ್ತಿಯೊಳಗೆಂದು ಘೋಷಿಪುದೆಂಬೊಲರ್ಣವಂ ಬಾಯಿಪ್ಪಡುತಿಪ್ಪುದೆಂದು||

ಬುಡೆತಿ; ಕಮಲದ ಕಣ್ಣೆಡ್ ನಾರಾಯಣ ದೇವೆರ್ ಉಂದೆತ್ತ ಅರ್ಥೊಡು
ಅಲಂಕಾರವುಂಡು. ಸಮುದ್ರ ದಾಯೆಗ್ ಬಾಯಿ ಬುಡೊಂದು ಘರ್ಜನೆ ಮಲ್ಪುಂಡುಂದು
ಕವಿ ಪನ್ನಿನ ಉತ್ಪ್ರೇಕ್ಷೆ ಮುಲ್ಪದ ರಸಧಾರೆ. "ಎನ್ನ ಒರಿಯೆ ಮಗೆ ಚಂದ್ರೆ, ಮಗಳೇ
ಮಹಾಲಕ್ಷ್ಮಿ ಈಶ್ವರ ದೇವೆರೇ ಮಿತ್ರೇ; ಪಾಪನಾಶಿನಿ ಗಂಗಾದೇವಿ ಎನ್ನ ಇಲ್ಲಡುಪ್ಪಿ
ಮರ್ಮಾಯೆ. ರತಿ ಮನ್ಮಥೆರ್ ಎನ್ನ ಪುಳ್ಳಿಲು. ಹಿಮಾಲಯ ಪರ್ವತರಾಜೆನೇ ಎನ್ನ
ಮಾಮು, ಪಾರ್ವತಿ ಎಂಕ್ ಅತ್ತಿಗೆ. ಇಂಚಿತ್ತಿ ಎಂಕ್ ಜಗತ್ತೆಡ್ ಏರ್ ಸಮಾನರುಲ್ಲೆರ್?"
ಪಂಡೆಡ್ ಸಮುದ್ರ ಗಟ್ಟಿಡ್ ಸ್ವರದರ್ತೆಂಡ್ ಪನ್ನಿ ಉತ್ಪ್ರೇಕ್ಷೆ ಏತೊಂಜಿ ಪೊರ್ಲುಂಡು.

ಶ್ರೀರಾಮ ಪಟ್ಟಾಭಿಷೇಕೊದ ಕಾವ್ಯವಸ್ತು ರಾವಣನ್ ಕೆರಿಬೊಕ್ಕದ ಪಟ್ಟಾಭಿಷೇಕ ಕಥೆ
ಮಾತ್ರ. ಅಂಡಲಾ ಇಡೀ ರಾಮಾಯಣನ್ ಸಂಕ್ಷೇಪ ಮಲ್ತ್ ಸಿಂಹಾವಲೋಕನೊದ ಲೆಕ
ಕಣ್ಣೆಗ್ ಕಟ್ಕೊರ್ಪಿ ಕವಿನ ಬಲ್ಗೆ ಮೆಚ್ಚೊಡ್ಪುಂಡು.

ಕಿತ್ತಡಿಯ ಜನ್ಮಮಂ ಕಾದು ಪೆಣ್ಣೆದಡಿಯಿ
ನೊತ್ತಿ ಕಲ್ಲಂ ಹರನ ಬಿಲ್ಲುಂದು ಭಾರ್ಗವನ
ನೊತ್ತಟ್ಟಿಗುಳಿದಯ್ಯ ನಾಣೆಯಂ ಬಿಡದಡವಿಯಂ ಸಾರ್ದು ಕೀಶಕಳೆ !
ಮೊತ್ತಮಂ ಪೊರೆದು ಕಡಲಂ ದಾಟಿ ದಾನವರ
ನೆತ್ತರಂ ಚೆಲ್ಲಿ ತಿರೆಪೊರೆಯಿರಿಸಿದ ಜಸವಂ
ಪೂತ್ರ ಭಾರಕೆ ಸಿರಂ ಬಾಗಿತನೆ ಮಾತೆಯಡಿಗಿರಗಿದು ಶ್ರೀರಾಮನು ||

ಮುಲ್ಪ ವಿಶ್ವಾಮಿತ್ರ ಯಜ್ಞ ರಕ್ಷಣೆ, ಅಹಲೋದ್ಧಾರ, ಸೀತಾ ಸ್ವಯಂವರೊ,
ಪರಶುರಾಮ ಯುದ್ಧೊ ಪಿತ್ತವಾಕ್ಯ ಪರಿಪಾಲನೆ, ವನಗಮನೊ, ಮಂಗೆರೆನೊಟ್ಟು ಕಡಲ್ ಗ್
ಸೇತಮೆ ಕಟ್ಟಿನಿ, ರಾಕ್ಷಸ ಸಂಹಾರೊ ಇಂಚ ಇಡೀ ರಾಮಾಯಣೊದ ಚಿತ್ರೊನೇ ಉಂಡು.
ಒಂಜೇ ಷಟ್ಪದಿಡ್ ರಾಮಾಯಣನ್ ಪಂಡಿನ ಕವಿ ಪ್ರತಿಭೆ ಮೆಚ್ಚೊಡ್ಪಾಯಿನವೇ.

ಆಂಡ ಈತ್ ಎಡ್ಡೆ ಕಾವ್ಯೊನು ತಾನೇ ಬರೆತೇಂದ್ ಪಣಂದೆ 'ಚಾವಡಿ ರಂಗಭಟ್ಟನಾಶ್ರಮ ಮಹಾಲಕ್ಷ್ಮಿ' ಬರೆತೆಳ್ಂದ್ ಪಂಡಿನವು ಒಂಜಿ ಮಲ್ಲ ಸೋಜಿಗ. ತಾನ್ ಬರೆತೇಂದ್ ಗೊತ್ತಾಂಡ ಕಾವ್ಯೊಗು ಮರ್ಯಾದೆ ತಿಕ್ಕಾಂದ್ ಪನ್ನಿ ಪೋಡಿಗ ಕವಿನ್ ಕಾಡ್ ದಿಪ್ಪು, ಕಾವ್ಯೊದ ನಾಂದೀ ಭಾಗೊಡು 'ಕನ್ನಡಿತ್ತಿಯೊರೆದ ನುಡಿಯಂದಿದಂ ಭಾವಿಸದೆ ಕನ್ನಡಿಗನೊರೆದ ನುಡಿಯಂದು ಸಂಭಾವಿಪುದು' ಪನ್ನಿ ಸೂಚನೆ ಇತ್ತಾಂಡಲಾ ಏರೆಗ್ ಅವು ಅರ್ಥ ಆವರೆ ಸಾಧ್ಯ? ಮುದ್ದಣೆನೇ ಬರೆತೆ ಪಂಡ್ಡ್ ಗೊತ್ತಾತ್ಂಡ ಆ ಕಾವ್ಯ ಬೊಲ್ಪುಗು ಬರ್ಪಿನವು ಕಷ್ಟ ಪಂಡ್ಡ್ ಗುಪ್ತ ನಾಮೊಡು ಅವೆನ್ ಮೈಸೂರುದ ಪ್ರಕಾಶಕರೆಗ್ ಕಡಪುಡಿನ್ಲಿ! ಆಯಿನ್ಡಾವರೆನೇ ಅವು ಅಲ್ಪಡ್ಡ್ ಬೊಲ್ಪುಗು ಬತ್ತಿನಿ! ಅಯ್ಯೋ ದೇವೆರೆ! ಪುಸ್ತಕ ಪ್ರಕಾಶನೊದ ಕಷ್ಟಕಾರ್ಪಣ್ಯೊನೇ!

ಅದ್ಭುತ ರಾಮಾಯಣ

ಉಂದು ಶಾಕ್ತಪಂಥೊದ ಕತೆ. ಮೂಜಿ ಮೂರ್ತಿಲು ಆದಿಶಕ್ತಿನ ಅಧೀನ ಪಂಡ್ಡ್ ಸಾರುನ ಈ ಕತೆಟ್ ಎಲ್ಯ ಎಲ್ಯ ಘಟನೆಲು ಮಾಲೆ ಕಟ್ಟಿಲೆಕ ತೋಜುವ. ಮುದ್ದಣ ಕವಿನ ಸುರುತ ಈ ಗದ್ಯಕಾವ್ಯ ಪರ ತುಳುತ ಪೊರ್ಲುನು ನೆಗತ್ತಾದ್ ಪನ್ಪಂಡು. ವಾಲ್ಮೀಕಿ ಋಷಿಗಳು ಭಾರದ್ವಾಜೆ ಪನ್ನಿ ಶಿಷ್ಯಗ್ ಶತಕೋಟಿ ರಾಮಾಯಣೊಲೆಡ್ ಒಂಜಾಯಿ ರಾಮಕತೆನ್ ಪನ್ಪಿಲೆಕ ಈ ಕಾವ್ಯ ಸುರು ಆಪುಂಡು.

ಉಂದು ಶಾಕ್ತಪುರಾಣೊದ ಆಧಾರೊದ ಕತೆ ಆಯಿನ ಕಾರಣ ಮುಲ್ಪ ರಾಮಡ್ಡಲಾ ಹೆಚ್ಚ್ ಸೀತೆಗ್ ಪ್ರಾಮುಖ್ಯ ತಿಕ್ದಂಡ್. ದಶಕಂಠ ರಾವಣನ್ ಕೆರಿನ ರಾಮಗ್ ಸಾವಿರ ಕಂಠೊದ ರಾವಣನೊಟ್ಟು ಯುದ್ಧ ಮಲ್ಲೆರೆ ಕಷ್ಟ ಆಪುಂಡು. ಆತಾನಗ್ ಸೀತೆ ಅದ್ಭುತ ರೂಪೊನು ತೋಚಾದ್ ಆ ರಕ್ಕಸನ್ ಕೆರ್ತಿನ ಸಂಗತಿ ಮುಲ್ಪ ಅರಳ್ದಂಡ್. ಅಂಚಾದ್ ಈ ಕಾವ್ಯೊಗು ಅದ್ಭುತ ರಾಮಾಯಣಾನ್ಲಿ ಪುದರ್.

ವಾಲ್ಮೀಕಿ ಮಹರ್ಷಿಲು ಸೀತಾರಾಮರೆನ ಕಾರ್ನಿಕೊಲೆನ್ ಭಾರದ್ವಾಜಗ್ ಪಣೆರೆ ಸುರುಮಲ್ದಾದ್ ಭೂಲೋಕೊಡು ಆಕುಲು ಅವತಾರ ಮಲ್ಲೆರೆಗ್ ದಾನೆ ಕಾರಣ ಪಂಡ್ಡ್ ಕತೆ ಪನ್ಬೆರ್. ಇಂಚ ಕತೆಕುಲೆನ ಕತೆ ಸುರು ಆಪುಂಡು. ಅಂಬರೀಷ ವರಪ್ರದಾನೊ, ನಾರದ - ಪರ್ವತೆರೆ ಆಗಮನೊ, ಶ್ರೀರಾಮ ಜನ್ಮೋಪಕ್ರಮೊ, ಕೌಶಿಕಾದಿಲೆನ ವೈಕುಂಠ ಗಮನೊ, ಹರಿಮಿತ್ರೋ-ಪಾಶ್ಚಾನೊ, ಹನುಮಂತಗ್ ರಾಮದೇವೆರೆ ನಾಲ್ ಕೈಕುಲೆ ರೂಪದರ್ಶನೊ, ಸಾಂಖ್ಯಯೋಗೊ, ಉಪನಿಷತ್ಪ್ರಥನೊ, ಭಕ್ತಿಯೋಗೊ, ಭಗವಂತ - ಹನುಮಂತ ಸಂವಾದೊ, ಹನುಮಂತನ ಸ್ತುತಿ, ರಾಮರಾಜ್ಯೋಪಲಂಬನೊ, ಸೀತಾಭಾಷಣೊ, ರಾವಣ ಸೈನ್ಯ ನಿಯೋಗೊ, ರಾವಣ ಪುತ್ರ ನಿಯೋಗೊ, ಸಂಕುಲ ಯುದ್ಧೊ, ಸೈನ್ಯ ವಿಕ್ಷೇಪಣೊ, ರಾಮಸ್ವಪ್ನೊ, ಸಹಸ್ರಕಂಠ ರಾವಣ ವಧೆ, ರಾಮಾಶ್ವಾಸನೊ, ಸೀತಾ ಸಹಸ್ರನಾಮ ಸ್ತೋತ್ರೊ, ಶ್ರೀರಾಮ ವಿಜಯೊ, ಸೀತಾರಾಮರೆನ ಅಯೋಧ್ಯಾಗಮನೊ ಇಂಚ ಇರ್ವತ್ತಾಜಿ

ಮೂಲೋದ ಸರ್ಗೋಲೆ ಕಥೆ ಒಂಚೊಂಚಾದ್ ಸುರುಳಿ ಬಿಚ್ಚುಂಡು. ಮುದ್ದಣೆ ಉಂದೆನ್ ಮಾತ ಪದಿನಾಜಿ ಆಶ್ವಾಸೊಡು ದಿಂಚಾದ್ ದೀತೆ. ಕಥೆತ ಪರಪುಗು ತಡೆಯಾಪಿ ಏತೋ ಸಂಗತಿನ ಬುಡುದು ಸಂಗ್ರಹ ರೂಪೊಡು ಕತೆ ಪನ್ನೆ. ಒಂಜಿ ರೀತಿಡ್ ಅದ್ಭುತ ರಾಮಾಯಣೊನು ಕನ್ನಡೊಡು ಮೂಡುದು ಬತ್ತಿ ವಚನ ಕಾವ್ಯೊಂದು ಪನೊಲಿ. ಶ್ರೀಮತಿನ ಕತೆ, ಮಂಡೋದರಿನ ಕತೆ, ನಾರದನ ಸಂಗೀತ ವಿದ್ಯೆದ ಕತೆ ಇಂಚ ದಿಂಜ ಕತೆಕುಲು ಸ್ವಾರಸ್ಯಪೂರ್ಣವಾದ್ ಮುಲ್ತ ಮನಸ್‌ಗ್ ಸುಖ ಕೊರ್ಪ. ಆ ಕತೆಕುಲೆನ ಉಡಲ್‌ಡಿಪ್ಪಿ ಹಾಸ್ಯರಸೊ ಅದ್ಭುತ ರಾಮಾಯಣೊದ ವೈಶಿಷ್ಟ್ಯ.

ಶ್ರೀಮತಿ ಪನ್ನಿನಾಲ್ ಆಯೋಧ್ಯೆದ ಅರಸು ಅಂಬರೀಷನ ಮಗಳ್. ಆಳೆಗ್ ಸ್ವಯಂವರ ಮಲ್ಪುನೀಂದ್ ನಿಶ್ಚಯ ಆಪುಂಡು. ಜಿಂಜ ಪೂರ್ವಕಂಟ್‌ದ ಈ ಪೂಣ್ಯನ್ ಮದ್ಯೆ ಆವೊಡುಂದು ನಾರದೆ ಬೊಕ್ಕ ಪರ್ವತೆ ಪನ್ನಿ ಋಷಿಕುಲೆಗ್ ಆಸೆ ಆಪುಂಡು. ಅಕುಲು ಇರುವೆರಲಾ ನನೊರಿಯನ್ ಮೋಸ ಮಲ್ತೊಡೊಂದ್ ಬಯಕ್‌ದ್ ನಾರಾಯಣ ದೇವೆರಿತ್ತಿನಡೆಗ್ ಪೋಪೆರ್. ಬೊಕ್ಕೊರಿಯನ ಮೋನೆ ಮಂಗಲೆಕ್ಚೆ ತೋಚೊಡುಂದು ನಾರಾಯಣ ದೇವೆರೆಡ ಇರುವೆರಲ ವರ ಪಡೆಪೆರ್. ನಾರದೆ ಪಡೆಯಿ ವರತೊ ವಿಷಯ ಪರ್ವತೆಗ್ ಗೊತ್ತಿಪ್ಪಜಿ, ಪರ್ವತೆ ಪಡೆಯಿ ವರತೊ ವಿಷಯ ನಾರದೆಗ್ ಗೊತ್ತಿಪ್ಪಜಿ. ಇರುವೆರಲಾ ಶ್ರೀಮತಿನ ಸ್ವಯಂವರ ಮಂಟಪೊಗು ಬತ್‌ದ್ ಕುಲ್ಲುವೆರ್. ನಾರಾಯಣ ದೇವೆರಲ ಶ್ರೀಮತಿನ ಮಿತ್ತ್ ಆಸೆ ದೀದ್ ಆ ಋಷಿಕುಲೆ ನಡುಟು ಬತ್‌ದ್ ಕುಲ್ಲುವೆರ್. ಶ್ರೀಮತಿಗ್ ನಾರದ ಪರ್ವತೆರೆ ಮೋಸ ಮಂಗಲೆಕ್ಚೆ ತೋಜುಂಡು. ಆಲ್ ನಾರಾಯಣ ದೇವೆರೆ ಕಂಟೆಲ್‌ಗ್ ಮಾಲೆ ಪಾಡುವೊಳು! ನಾರದ ಪರ್ವತೆರೆಗ್ ಸತ್ಯಸಂಗತಿ ತೆರಿಯುಂಡು. ತಂಕ್ಲೆಗ್ ನಾರಾಯಣ ದೇವೆರ್ ಮೋಸ ಮಲ್ತಿನೀಂದ್ ಅಕ್ಲೆಗ್ ಗರ್ವೊ ಬರ್ಪುಂಡು. 'ದಶರಥೆಗ್ ಮಗೆಯಾದ್ ಪುಟ್ಟುಲ' ಪಂಡ್ಡ್ ಅಕುಲು ನಾರಾಯಣ ದೇವೆರೆಗ್ ಶಾಪ ಕೊರ್ಪೆರ್.

ನಾರದ ಮುನಿಕ್ ತಾನ್ ಮಾಮಲ್ಲ ಸಂಗೀತಗಾರೆ ಪನ್ನಿ ಅಹಂಕಾರ ಇತ್ತ್ಂಡ್. ಆಯೆ ಒರ ವೈಕುಂಠೊಗು ಪೋನಗ ಲಕ್ಷ್ಮೀದೇವಿನ ದಾಸಿಲು ಪಿದಯಿ ನೊಕುವೆರ್. ಆತಾನಗನೇ ಆಡೆ ಬತ್ತಿನ ತುಂಬುರು ಪನ್ನಿ ಋಷಿನ್ ಉಲಯಿ ಬಲ್ಲೆದ್ ಪನ್ನೆರ್. ಗಾನವಿದ್ಯೆಡ್ ತುಂಬುರೆ ತನನ್‌ಲಾ ಮೀರಿನಾಯೇಂದ್ ನಾರದೆಗ್ ಮಚ್ಚರೆ ಆಪುಂಡು. ಪಿಸ್ಯೆ ಏರ್‌ದ್ ನಾರದೆ ಲಕ್ಷ್ಮೀ ದೇವಿಗೇ 'ಯೀ ರಕ್ತೆಸಿ ಆಲ' ಪಂಡ್ಡ್ ಶಾಪ ಕೊರ್ಪ. ಅಂಚೆ ಆಲ್ ಮಂಡೋದರಿಗ್ ಮಗಳಾದ್ ಪುಟ್ಟುವಳ್. ನಾರದೆ ನನಲಾ ಸಂಗೀತ ಸಾಧನೆ ಮಲ್ತ್‌ದ್ ತುಂಬುರನ್ ಸೋಲ್ವೊಡೊಂದು ಬಯಕ್‌ದ್ ಉಲೂಕರಾಜಡೆ ಶಿಷ್ಯತ್ವ ಮಲ್ತುವೆ. ಬೊಕ್ಕೊಂಜಿ ದಿನ ತುಂಬುರನ ಇಲ್ಲಗ್ ಪೋನಗ ಅಲ್ಪ ದಿಂಜ ಜನ ಕೈಕಾರ್ ಪೊಲಿತೊಂದು ಬೂರುದಿಪ್ಪುವೆರ್. 'ನಿಕುಲು ಮಾತಾ ಏರ್' ಪಂಡ್ಡ್ ಕೇಣನಗ ಅಕುಲು 'ನಾರದೆ ಪನ್ನಿನಾಯೆ ಯದ್ವಾತದ್ವಾ ಪದ ಪಂಡ್ಡ್ ಎಂಕ್ಲೆ ಕೈಕಾರ್ ತುಂಡಾತ್‌ಂಡ್.

ಎಂಕುಲು ರಾಗ-ರಾಗಿಣಿ ನಕುಲು. ಗಾನ ವಿದ್ಯೆ ತೆರಿನ ತುಂಬುರೆ ಪದಪಂಡೆಡೆ ಮಾತ್ರ ಎಂಕ್ಲೆ ಕೈಕಾರ್ ಸರಿ ಆಪುಂಡು' ಪಂಡ್ ಪನ್ನರ್. ಇಂಚ ನಾರದನ ಗರ್ವೊ ಜಪ್ಪುಂಡು. ಕೃಷ್ಣಾವತಾರ ಕಾಲೊಡು ಶ್ರೀಕೃಷ್ಣ ದೇವೇರೇ ಈ ನಾರದಗ್ ಗಾನವಿದ್ಯೆ ಉಪದೇಶ ಮಲ್ತ್ ನಾರದನ್ ತುಂಬುರೆಗ್ ಸಮಾನೆ ಪಂಡ್ ಪನ್ನರ್. ಶ್ರೀಕೃಷ್ಣ ದೇವ್ ಆಹಂಕಾರ ಇತ್ತಿನಕ್ಲೆ ಮುಟ್ಟ ಸಂಗೀತವಿದ್ಯೆ ಆಂಜುಜ ಪಂಡ್ ನೀತಿದ ಪಾತೆರೆ ಪನ್ನರ್.

ಮುದ್ದಣನ ಅದ್ಭುತ ರಾಮಾಯಣೊದ ಕೆಲವು ವರ್ಣನೆಲೆನ್ ತೂಕ -

“ಅರೆಬರ್ ಒಂದೆಡೆಯೊಳ್ ಪಳವಾತಂ ನುಡಿಯಂತೆ ಜನ್ನದಾರಮಂ
ಪೊಸೆಯುತ್ತಿರ್ಪರ್, ಕೆಲರ್ ಗರವಟದ ಸನ್ನೆಯು ಮನಣಿಗೆಯಲ್ಲಿ
ತಿರ್ಪರ್; ಕೆಲರ್ ಸಂದಿಗ್ಗೆ ವೇದವಾಕ್ಯಂಗಳಂ ವಿಚಾರಿಸುತ್ತಿರ್ಪರ್;
ವಟುಗಳೊಳರೆಬರ್ ಪೆರತೊಂದೆಯೊಳ್ ಫಲಸಮಿತ್ತುಕಂಗಳಂ
ಕೊಯ್ಯುತ್ತಿರ್ಪರ್; ಅರೆಬರ್ ನಾರುಡೆಯಂ ನೀರೊಳೊಗೆಯುತ್ತಿರ್ಪರ್....
ಕೆಲಬರ್ ಹೆದಿಬದೆಯರ ನೆಗಳೆಯಂ, ಕೆಲರ್ ಪುಣ್ಯ ಕಥಾವಿಶೇಷಂಗಳಂ
ಬೆಸಗೊಳುತ್ತಿರ್ಪರ್; ಪೂಗಿಡುಗಳ ಪಾಸೆಗಳ್ಗೆ ನೀರೆರೆಯುತ್ತಿರ್ಪರ್
ಕೆಲರ್.”

ಉಂದು ತಮಸಾನದೀತೀರೊದ ವಾಲ್ಮೀಕಿ ಮುನಿಕುಲೆನ ಆಶ್ರಮ ವರ್ಣನೆ. ಏತೊಂಜಿ ಸ್ವಭಾವ ಸಹಜವಾದ್ ಈ ವರ್ಣನೆ ಉಂಡು ಪನ್ನಿನೆನ್ ನಮ ತೂವೊಳಿ. ಅಂಚನೇ ನಾರದ ಪರ್ವತೆರ್ ಮದಿಮೆದ ದೊಂಪೊಡು ತೂಯಿನ ಶ್ರೀಮತಿನ ಪೊರುನ್ನು ಮುದ್ದಣೆ ಪನ್ನಿ ರೀತಿ ತೂಲೆ -

“ಪಳಮೆಯಂತೆ ಕರ್ಪಿಡಿದ ಮುಂಗುರುಳುಂ, ಪಾವಿನ ಪೆಡೆಯಂತೆ
ಸರಿಗೊಂಡ ಜಡೆಯುಂ, ಚಂದಿರನಂತೆ ಸಂತಸಮಂ ಪುಟ್ಟಪ್ಪ
ಮೊಗಮಂ, ಕಾವನ ಸಿಂಗಾಡಿಯಂತೆ ಬಾಗಿರ್ಪ ಪುರ್ಬುಂ,
ನೀರ್ವೂವೆಸಳಂತೆ ನೀಲಮಪ್ಪ ಕಣ್ಣುಂ, ಕನ್ನಡಿಯಂತೆ
ಪೊಳೆವ ಕೆಕ್ಕೆಯುಂ, ಬೆಳ್ಳಿಂಗಳಂತೆ ಪಸರಿಪ ನಗೆಯುಂ....
ಒಂದರ ಮೇಲೊಂದಳಜಮಂ ಪುಟ್ಟಿಪ್ಪುವು”

ಮುದ್ದಣ ಕವಿನ 'ಅದ್ಭುತ ರಾಮಾಯಣ' ಪಳಗನ್ನಡೊಗು ಬಾಲ ಬೋಧೆದ ಲೆಕ್ಕ ಉಂಡುದು ವಿದ್ವಾಂಸೆರ್ ಪನ್ನರ್. ಪಳಗನ್ನಡನ್ ತೆರಿಯಂದಿನಕುಲುಲಾ ಈ ಕಾವೊನು ಓದುದು ಅರ್ಥಮಲ್ತೊನೊಲಿ. ಎಲ್ಕ ಎಲ್ಕ ವಾಕ್ಯೊದ ಈ ಕಾವ್ಯಶೈಲಿ ಎಂಚಿತ್ತಿನಾಯನ್ ಲಾ ಆಕರ್ಷಣೆ ಮಲ್ತುಂಡು. ಸಹಸ್ರಕಂಠ ರಾವಣನೊಟ್ಟುಗು ಯುದ್ಧ ಮಲ್ತೊಂದು ರಾಮ ಮತಿತ್ತೆ ಬೂರುವೆ. ಆತಾನಗ ಪೋಡಿನ ದೇವತೆನಕುಲೆಗ್ ಬೆರ್ಮ ದೇವ್ ಧೈರ್ಯ

ಪನ್ನೆರ್ -

“ದೇವತೆಗಳೆ ಮರುಳ್ಳನಂ ಸಲ್ಲದು. ರಾಘವಂ ನರನಾಟಕದ
ಲೀಲೆಯೊಳಿನಿತೊಂದು ಬಿನದಮಂ ತೋರಿಪಂ ಲೋಗರ್ಗೆ;
ಮೇಣರೆಗಳೆಗೆಯೊಳೆ ಪೊಸವೇಸಂ ಬರ್ಪುದುಂಟು
ನೋಡಲಪ್ಪದು”

ಅಂದ್! ಯಕ್ಷಗಾನೊಡು ಪುಲೊಕ್ಕೇಲ್ದ ಪೂರ್ತುಡು ಪೊಸವೇಸ ಬರ್ಪುನೆನ್
ಮುದ್ದಣೆ ತೂಯಿನಾಯೆ. ಅಂಚಾದ್ ಬೆರ್ಮ ದೇವರೆ ಬಾಯಿಡ್ ರಾಮ ದೇವರೆ ಪೊಸ
ವೇಸೊದ ಬಗ್ಗೆ ಪನ್ನಾದೆ. ಅಂಡ ಅಯಿಡ್ಲಾಲಾ ಮಲ್ಲ ಪೊಸ ವೇಸ ಪನ್ನಿನವು ಮುದ್ದಣೆ
ಬರೆಯಿನ ಗದ್ಯ ಕಾವ್ಯ. ಮುದ್ದಣನ ರಾಮಪಟ್ಟಾಭಿಷೇಕನ್ ತೂದು ಬವುಲಾಡಿ
ವೆಂಕಟರಮಣ ಹೆಬ್ಬಾರ್, “ಈರ್ ಉಂದೆಡ್ ಗದ್ಯೋನೇ ಬರೆಂಡ ದಾನೆ?” ಪಂಡ್
ಕೇಂಡರ್ಗೆ! ಅಂಚ ಮುದ್ದಣೆ ಗದ್ಯಕಾವ್ಯೊದ ಪೊಸವೇಸನ್ ಕೊಣಬತ್ತೆ. ಅಂಚ ಬತ್ತಿ
ಪೊಸವೇಸ ಕನ್ನಡ ಸಾಹಿತ್ಯೊದ ಪುಲೊಕ್ಕೇಲೆನ್ ಗಡ್ಡ್ ಗಂಜಾಲ್ ಮಲ್ತ್ಂಡೆಂಡ್
ಪಣೊಲಿ.

ಶ್ರೀರಾಮಾಶ್ವಮೇಧ

ಪದ್ಯ ಬರೆಯೊಂದು ಬತ್ದ್ ನಿಧಾನ ಗದ್ಯೊಗು ತೆಲಯಿನ ಕವಿ ಮುದ್ದಣೆ ‘ಶ್ರೀ
ರಾಮಾಶ್ವಮೇಧ’ ಕಾವ್ಯೊಡು ಅಯಿತ ಸಿದ್ಧಿಶಿಖರೊನೇ ಮುಟ್ಟಿಯೆಂಡ್ ಪನೊಲಿ. ಅವು
ಆಯನ ಪುದರ್ನ್ ಸೂರ್ಯಚಂದ್ರರಿಪ್ಪನೆಟ್ಟಿ ಒರಿವಾವುಂಡು ಪನ್ನಿನೆಕ್ ವಾ ರೀತಿದ
ಸಂಶಯೊಲಾ ಬೋಡಾದಿಚ್ಚಿ ಈ ಕಥೆತ ಮೂಲ ಪದ್ಯಪುರಾಣೊದ ಪಾತಾಳ ಖಂಡ ಶೇಷ
ರಾಮಾಯಣ ಪನ್ನಿ ಭಾಗ. ಅವು ರಾಮಾಶ್ವಮೇಧೊಡ್ ರಡ್ಡರೆ ಪಾಲ್ ಮಲ್ಲೆ ಇಪ್ಪಿ ಗ್ರಂಥ.
ಅಂಡ ಮುದ್ದಣೆ ಆ ಮೂಲಕಥೆತ ತಿರ್ಲ್ನ್ ಮಾತ್ರ ದೆತ್ತ್ ಪೊಸಕಾವ್ಯೊನು ಮುಡೆಯೆ.
ಮುದ್ದಣ-ಮನೋರಮೆನ ಸಂವಾದೊದ ತಂತ್ರೊನು ಕೊಣತ್ ದ್ ಕತೆನ್ ಸಂಕ್ಷೇಪ ಮಲ್ಲೆ.
ಏತೋ ಸಂದರ್ಭೊಲು ದುಂಬುಪಿರಲಾ ಆತ. ಅವು ಪೂರಾ ಆಯನ ಕಥೆ ಪನ್ನಿ ತಂತ್ರೊಡು
ಸುಲಭ ಆತ್ಂಡ್. ಪೊಸ ರೀತಿದ ಶೈಲಿ ಮುದ್ದಣನ ಪೆರ್ಮ. ರಾಮಾಶ್ವಮೇಧದ ಕಥೆ ಸುರು
ಆಪಿನವೇ ಪೊಸ ರೀತಿಡ್. ಅಡೆಮುಟ್ಟಿ ಇತ್ತಿನ ದೇವತಾ ಸ್ತುತಿತ ಕಾವ್ಯಸಂಪ್ರದಾಯೊನು
ಬುಡುದು ಆಯೆ ಬರ್ಸ ಕಾಲೊದ ವರ್ಣನೆಡ್ ಕಾವ್ಯಾರಂಭ ಮಲ್ಪುವೆ.

ಓವೋ! ಕಾಲಪುರುಷಂಗೆ ಗುಣಮಣಿಮಿಲ್ಲಂ ಗಡ !

ನಿಸ್ತೇಜಂ ಗಡ! ಜಡಂ ಗಡ, ಒಡಲೊಳ್ ಗುಡುಗುಟ್ಟುಂ ಗಡ!

ಇಂಚ ಕಾವ್ಯ ಸುರು ಆವುಂಡು. ಮರಿಯಾಲೊದ ಬರ್ಸಾತಿಕ್ ಪನ್ನಿ ಪೊರ್ಲ್
ಕನ್ನಡ ಭಾಷೆಗೇ ಒಂಜಿ ಶಕ್ತಿನೆ ದಿಂಜ್ ದೆಂಡ್ ಪನ್ ಪನೊಲಿ. ಪಡ್ಡಾಯಿ ಮೆಯ್ತು ಗಾಳಿ,

ಮುಗಲ್ ಕಬ್ಬಿನ ರೀತಿ, ಧೋ ಪಂಡ್ ದೊರಿವುನ ಬಸೂರ್, ಪಚ್ಚಿದಿಂಜಿ ಕಾಡ್‌ದ ಐಸ್‌ರ ಒಂಜೊಂಜಿಲಾ ವರ್ಣನೆದ ಕಳೊಟು ಕಣ್ಣ್‌ಗ್ ಕಟ್ಟುಂಡು. ಇಂಚಿ ಕಾಡ್ - ನಾಡ್‌ದ ಪೊರಲ್‌ಕೆಂಟ್ ದಿಂಜಿನ ಬರ್ಪ ಕಾಲೊಡು ಒಂಜಿ ದಿನ ಮುದ್ದಣ ಕವಿ ಆರಮನೆಡ್ ಪಿದಾಡ್ಡ್ ಇಲ್ಲಗ್ ಬರ್ಪ. ಪೇರ್ ಪರ್ಡ್ ಕೊರಿನ ಬುಡೆತಿ ಮನೋರಮೆನೊಟ್ಟುಗು ಕುಸಾಲ್ ಪಾತೆರಿಯೆರೆ ಸುರು ಮಲ್ತುವೆ. ಇಂಚಿ ಕಂಡನೆ - ಬುಡೆತಿನ ಪಾತೆರಕತೆ ಸುರು ಆದ್ ಕತೆ ಪಣ್ವನ ಕಡೆಕ್ ತಿರುಗುಂಡು. ನಾಟಕೊಲೆನ ಸುರುಟು ನಟಿ - ಸೂತ್ರಧಾರಿ ಪಾತೆರ್‌ದ್ ನಾಟಕಾರಂಭ ಮಲ್ತಲೆಕೊ ಈ ಮುದ್ದಣ - ಮನೋರಮೆ ಸಂವಾದ ಉಂಡು. ಈ ಪಾತೆರಕತೆಕ್ ಯಕ್ಷಗಾನೊಡು ಭಾಗವೆರ್ ಬೊಕ್ಕ ಪಾತ್ರಧಾರಿನ ನಡುಟು ನಡಟಿನ ಸಂವಾದಲಾ ಪ್ರೇರಣೆ ಕೊರುದಿಪ್ಪೆರೆ ಸಾಧ್ಯತೆ ಉಂಡು.

ಈ ಸಂವಾದೊಡು ಕಾವ್ಯಶೈಲಿ ಬಗ್ಗೆ ನಡಪಿನ ಚರ್ಚೆ ಭಾರೀ ಮುಖ್ಯವಾಯಿನವು. 'ಪದ್ಯಂ ವದ್ಯಂ ಗದ್ಯಂ ಹೃದ್ಯಂ' ಪಂಡ್ ಮನೋರಮೆ ಪಣ್ವನ ಮೂಲಕ ಇಡೆಮುಟ್ಟಿ ಬತ್ತಿ ಕಾವ್ಯಶೈಲಿಗ್ ವಿಭಿನ್ನವಾಯಿನ ಗದ್ಯಶೈಲಿಡ್ ಕೃತಿರಚನೆ ಆಪೊಡು ಪಣ್ಣಿ ಆಶಯ ಗೊತ್ತಾಪುಂಡು. ಮುದ್ದಣ ತಾನಾದೇ ಈ ಗದ್ಯಶೈಲಿದ ವಕ್ತಾರ ಆವಂದೆ ಮನೋರಮೆನ ಮುಕಾಂತ್ರ ಪಣ್ಣಾವೆ. ಸಮಾಜ ಇಂಚಿ ಪೊಸ ಪಾಕೊನು ಕೇಣೊಂದುಂಡು ಪಣ್ವನೆಕ್ ಉಂದು ಸಂಕೇತೊ.

ಕಥಾವಸ್ತುವೆ ಬಗ್ಗೆಲಾ ಈ ಸಂವಾದೊಡು ಚರ್ಚೆ ನಡಪುಂಡು. ಮುದ್ದಣ ಕೇಣುವೆ - "ಆದೊಡಮಾವ ನಲತೆಯಂ ಪೇಳ್ವೆಂ? ಏಂ ಭೋಜ ಪ್ರಬಂಧಂ? ವಿಕ್ರಮ ವಿಜಯಂ? ಮಹಾವೀರ ಚರಿತಂ?" ಅವೆನ್ ಕೇಂಡಿ ಮನೋರಮೆ ಸಂಪ್ರದಾಯೊಗು ಎದರ್ ಉಂತಿಲೆಕ್ ಉತ್ತರ ಕೊರ್ಪಲ್. "ಇಸ್ಲಿ ಇದರೊಳೆನಗರ್ಕರಿಲ್ಲಂ. ಉಳಿದೊಡಂ ಅಳಿದೊಡಂ ಬಟ್ಟೆದೊರಿಪ ರಸಭರಿತ ಚರಿತಮೈಸೆ". ಪಂಡಿನ ಕತೆ ಸಮಾಜೊಗು ತಾದಿ ತೋಜಾಲೆಕ ಇಪ್ಪೊಡೊಂದು ಆಲೆನ ಆಸೆ. ಸಾಹಿತ್ಯೊದ ಸಾರ್ಥಕತೆ ಅವ್ವೇ ಆತ್ತಾ? ಮುದ್ದಣೆ ಅವು ಪಂಡ್‌ದ್ "ಸ್ವಸ್ತಿ ಶ್ರೀ ಮತ್ತುರಾಸುರೇಂದ್ರನರೇಂದ್ರ ಮುನೀಂದ್ರ ಘಣೇಂದ್ರ ಮಣಿಮಕುಟತಟಘಟಿತೆ" ಪಣ್ಣಿ ಸಂಸ್ಕೃತಭೂಯಿಷ್ಯ ಶೈಲಿಡ್ ಸುರು ಮಲ್ತುವೆ. ಅತಾನಗಲಾ ಮನೋರಮೆ ಆಯನ್ ತಡೆತ್ ಉಂತಾದ್ 'ನೀರಿಳಿಯದ ಗಂಟಲೊಳ್ ಕಡುಬಂ ತರುಕಿದಂತಾಯ್ತು' ಪಂಡ್ ಪಣ್ಣೊಲ್ಲು. ಸಂಸ್ಕೃತ ಭಾಷೆಡ್ ಕಥೆ ಪಂಡಡ ಅವು ನೀರ್ ಜಪ್ಪಂದಿ ಕಂಟಲ್‌ಗ್ ಪುಂಡಿ ನುರಿತಿಲೆಕ್ಕಾವುನ್ನಿನ ಆಲೆನ ಪಾತೆರ ನಿಜವಾಯಿನ ವಿಮರ್ಶನೆ ಸೈ. 'ಕಸ್ತೂರಿ ಗಮೆಸುನ ಕನ್ನಡ ಭಾಷೆಡ್ ಪಣ್ಣಿ ಪನ್ನಿ ಆಳೆನ ಒತ್ತಾಯೊಡು ಲೋಕೊದ ಆಸೆ ದಿಂಜಿದುಂಡು.

ಬಂಜಿಲಾಲ್ ಸೀತೆನ್ ರಾಮದೇವೆರ್ ಮಡ್ಲಿನ ಪಾತೆರ ಕೇಣ್ ಬುಡ್ಡರ್. ಲಕ್ಷ್ಮಣೆ ಸೀತಪ್ಪನ್ ಕಾಡ್‌ಗ್ ಬುಡ್ಡು ಬರ್ಪ. ವಾಲ್ಮೀಕಿ ಋಷಿಕುಲೆ ಆಶ್ರಮೊಡು ಸೀತೆ ಆಸರೆ ಪಡೆವೊಲು. ಅಲ್ಪ ಆಲ್ ಅಮರ್‌ಜೋಕ್ಷೆಗ್ ಜನ್ನೊ ಕೊರ್ಪೊಲು. ಅಕುಲೆಗ್ ಕುಶಲವೆರ್

ಪಂಡ್ ಪುದರ್ ದೀಪೆರ್. ರಾಮದೇವೆರೆ ಅಶ್ವಮೇಧೊದ ಕುದುರೆ ಅಡೆಗ್ ಬನ್ನೆಗ್ ಕುಶಲವೆರ್ ಅವೆನ್ ಕಟ್ಟ್ ಪಾಡುವೆರ್. ಅಂಚಾದ್ ಕಡೆಕ್ ಯುದ್ಧ ಆಪುಂಡು. ರಾಮದೇವೆರೆಗ್ ಕುಶಲವೆರ್ ತನ್ನ ಜೋಕುಲೊಂದು ತೆರಿವುಂಡು. ಅಕುಲು ಮಾತಾ ಒಂಜಾದ್ ಅಶ್ವಮೇಧ ಪೊರುಡೇ ನಡವುಂಡು.

ಈತೇ ಕತೆನ್ ಪಣ್ಣೆನವು ಮುದ್ದಣನ ಉದ್ದೇಶ ಅತ್ತ್. ರಾಮಾಶ್ವಮೇಧದ ಕತೆ ಮಾತೆರೆಗ್ಲಾ ಗೊತ್ತಿನವು. ಆಂಡ ಮುದ್ದಣನ ಕವಿಪ್ರತಿಭೆಡ್ ಆ ಕತೆತ ಮೆಯ್ಯಿಟ್ ಮೂಡ್ ಬತ್ತಿನ ಅನೇಕ ಕಾವ್ಯಾಂಶೊಲು ನಮಕ್ ಪೇರ್ ಪಂದ್ ಲೆಕ್ಕ ಸಂತೋಷ ಕೊಪುಂಡು. ಮುದ್ದಣ ಕತೆ ಪಂಡಿ ಶೈಲಿ, ಅಪ್ಪೆ ನೆಲೊತ ನುಡಿಗಟ್ಟುಲು, ಬುಡ್ಡಾಯಿನ ಶಬ್ದಚಿತ್ರೊಲು, ಟಂಕಿಸಾಯಿನ ಪೊಸ ಶಬ್ದೊಲು, ವರ್ಣನೆದ ಪೊರ್ನು ಇಂಚ ಮುದ್ದಣ್ ಮುದ್ದಣೆನೇ ಸಾಟಿ. ಆಯನ ನುಡಿಗಟ್ಟುಲು ಏತೋ ಕಡೆ ಮಸ್ತ್ ಅರ್ಥಗರ್ಭಿತೊ ಆದುಲ್ಲ. 'ಇರುಳ್ ಕಂಡ ಬಾವಿಯೊಳ್ ಪಗಲ್ ಬೀಳ್ವಂತೆ', 'ಉಗುರಿಂ ಚಿವುಡಲ್ತೆಗುವೊಂದು ಕಜ್ಜೆ ಕೊಡಲಿಯೊಂದು ನೆರೆವಂಪಾರ್ವರೆ', 'ಸುಗ್ಗಿಯೊಳುಂಡುದಂ ಕಾರೊಳ್ ಕಾರುವ ನಕ್ಕುಂ', 'ಊರೊಳ್ ಮಾರಿಯೆಂದು ಮನೆ ವೋರಿಯಂ ಮಾರು ಕೊಡುವರೇ, ಕಿಚ್ಚನೆರಿತೊಡಂ ಅರಿಯದೊಡಂ ಕಿಚ್ಚು ಸುಡದೆ, ಪಾಲ್ ಪುಳಿತುದೆಂದಾವಂ ಪೊಯ್ವರೆ - ಇಂಚಿತ್ತಿನ ಸಾಲ್ ಸಾಲ್ ನುಡಿಗಟ್ಟುಲು ನಮ ಊರುದ ಜನಸಾಮಾನ್ಯರೆ ನಾಲಯಿಡ್ ನಲಿಪುನ ಪಾತೆರೊಲೇ. ಎಲ್ಯ ಎಲ್ಯ ವಾಕ್ಯೊಲೆನ ಮೂಲಕ ಮುದ್ದಣೆ ಬರೆಯಿನ ಕತೆತ ಪೊರ್ನು ಈ ನುಡಿಗಟ್ಟುಲು ಪೇರ್ಗ್ ಸಕ್ಕರೆ ಬಿರಾಯಿಲೆಕ್ಕ ಸೇರ್ದ್ಂಡ್. ಕೆಲವು ಶಬ್ದಚಿತ್ರೊಲು ಕತೆತ ಸನ್ನಿವೇಶೊನು ಕಣ್ಣ್ಗ್ ಕಟ್ಪ್ ಕೊರ್ಪ. ಒಂಜಿ ಉದಾಹರಣೆ :

“ಗಂಗೆಯ ತಡಿಯೊಳರ್ಕೆಲನೊಳಂ ಬಿಸಿಲ ಜಳಕ್ಕೆ ನೀರಡಿಸಿ
ಹರಿಣಗಣಂ ಬಂದು ನಿಂದು ಮುಂಗಾಲಂನೀರೊಳೂರಿ ಪಿಂಗಾಲಂ
ನೆಲದೆ ಪಿಂತಿಟ್ಟು ಮುಸುಡಂ ನೀಡಿ ಕಣ್ಣುಚ್ಚಿ ನೀರಂ ಕುಡಿದು
ತಣೆದು ಮರಲ್ವುವು”

ಮುಲ್ಪ ನೀರ್ ಪರ್ಪಿನ ಜಿಂಕೆಲೆನ ಚಿತ್ರ ವಿವರವಾದ್ ತೋಜುಂಡು. ಪರಪುನ ತುದೆ, ಉರೆಪುಂಡು, ಬಗ್ಗದ್ ಅಯಿಕ್ತುಲು ನೀರ್ ಪರ್ಪಿ ರೀತಿ ಒಂಜೊಂಜಿಲಾ ಮನಸ್ಸಗ್ ಮುಟ್ಟುಂಡು. ಅಂಚೆನೇ ಸೀತೆನ್ ಕಾಡ್ಗ್ ಕಡಬುಡ್ಡಿ ದಿನೊತ ಕಾಡೆನ್ ಮುದ್ದಣ ವರ್ಣನೆ ಮಲ್ತಿ ರೀತಿಲಾ ಕವಿಪ್ರತಿಭೆಗ್ ಸಾಕ್ಷಿ ಆದುಂಡು.

“ಆ ವೇಳೆಯೊಳ್ ರಾಮರಾಜ್ಯದೊಳಂತನುಚಿತಮಾಇಗ ಅರಂಗೆಟ್ಟು ದೆಂದು
ಬೆದರಿ ತಾರೆಗಳ್ ದೆಸೆಗೆಟ್ಟವು; ಚಂದ್ರಮಂ ಕಳೆಗೆಟ್ಟಂ, ದಂಪತಿವಕ್ಕಿ ಕಂಗೆಟ್ಟವು,
ಕೋವಳೆ ಬಣ್ಣಂಗೆಟ್ಟಳ್, ಕಮಲಿನಿ ಬಾಯಿಟ್ಟಳ್, ತುಂಬಿ ಮೊರೆಯಿಟ್ಟುದು

ಇಂತಿದೇನನ್ನೆಯದ ಗಲಭೆ, ಇದರಡಿಯರಿಯಲ್ವೆಳ್ಳುವೆಂದು ಮೆಯ್ಯೋರದೆ ತಡೆತಡೆದುಂ ಕುಳಿಗಾಳಿ ಸುಳಿಯಲ್ತೊಡಂಗೆ, ಪಕ್ಕಿಗಳ್ ಗಜಬಜನೆ, ತಾನೆ ಭಾಸ್ಕರಂ ಬೇಗನುಪ್ಪಡಿಸಿ ಮೂಡುವಟ್ಟಿನ ಕೋಡುಗಲ್ಲನೇರಿ ನಿಟ್ಟಿಸುತಿದರ್ಂ'

ಸೂರ್ಯೋದಯೋದ ವರ್ಣನೆಲು ಕನ್ನಡ ಸಾಹಿತ್ಯೊದು ಸಾವಿರ ಸಂಖ್ಯೆಡುಲ್ಲ. ಆಂಡ ಮುದ್ದಣನ ಸೂರ್ಯೋದಯ ವರ್ಣನೆಗ್ ಅರ್ಥಗಾಂಭೀರ್ಯ ಉಂಡು. ಮಡ್ಡಲನ ಪಾತೆರೊ ಕೇಂಡ್ ಸೀತೆನ್ ಕಾಡ್ಗ್ ಕೊಣಪೋದು ಬುಡ್ಡಿ ಬಗ್ಗೆ ರಾತ್ರೆಯಿಡೀ ಚರ್ಚೆ ನಡತ್ ದಿಪ್ಪುಂಡು. ಮೆಗ್ಗನಕುಲು ಬೋಡ್ಲೆ ಬೊಡ್ಡಿ ಪಂಡ್ ದಿಪ್ಪುವೆರ್. ಆಂಡಲಾ ರಾಮದೇವೆರೆ ಅಯಿಕ್ ಒಪ್ಪುದಿಪ್ಪುಜೆರ್. ಅಂಚಾದ್ ಆ ಬೊಲ್ಪು ಬೇಜಾರ್ ದ ಬೊಲ್ಪು ಆದಿಪ್ಪುಂಡು. ರಾಮರಾಜ್ಯೊಡು ಧರ್ಮ ನಾಶ ಆಂಡ್ಂದ್ ಬಾನೊಡು ಬೊಳ್ಳಿಲು ಪೋಡಿದ್ ಪೋಯಾಂಡ್, ಚಂದ್ರನ ತೆಲೆನೇ ಮಾಜಿಂಡ್ಂದ್, ಪಕ್ಕಿ, ಪೂ, ತುಂಬಿ ಮಾತಲಾ ಬಣ್ಣ ಕೆಟ್ಟಿಯ ಪಂಡ್ ದ್ ಪಣ್ಣೆ ವರ್ಣನೆ ಏತೊಂಜಿ ಅರ್ಥಪೂರ್ಣ. ಭೂಮಿದೇವಿನ ಮಗಳ್ ಸೀತೆಗ್ ಅನ್ಯಾಯ ಆನಗ ಇಡೀ ಪ್ರಕೃತಿಯೇ ಬುಲಿಲೆಕ್ಕ ತೋಜಾವುನ ಈ ವರ್ಣನೆಗ್ ಕನ್ನಡ ಸಾಹಿತ್ಯೊಡು ಮಲ್ಲ ಸ್ಥಾನ ಉಂಡು. ಶೇಷರಾಮಾಯಣನ್ ಆಧರಿತ್ ದ್ ಮುದ್ದಣೆ ಈ ಕಾವ್ಯ ಬರೆಯೆಡೆಲಾ ಏತೋ ಕಡೆ ಕವಿನ ಸ್ವಂತ ಕಲ್ಪನೆಲು ಗರಿನೆಗತ್ತಂದ್ ನಲ್ದದ. ಅಯಿಟ್ ಮುಖ್ಯವಾಯಿನವು ಸೀತೆ ಬಂಜಿನಾಲ್ ಆಪಿ ಸಂಗತಿ. ಉಂದು ವಾ ರಾಮಾಯಣೊಲೆಡ್ಲಾ ಇಪ್ಪಂದಿ ವಿಚಾರ. ಜೋಕುಲೆಜ್ಜೆಂದ್ ಕೊರಗೊಂದುಪ್ಪನ ಸೀತೆ, ಆಲೆಗ್ ರಾಮದೇವೆರ್ ಸಮಾಧಾನ ಪಣ್ಣನಿ, ಆಲ್ ಬಂಜಿನಾಲ್ ಆಪುನಿ, ಆಲೆ ಮನಸ್ಸಡ್ ಪುರುಬಾಲೆ ಗೊಬ್ಬನ ಚಿತ್ರ ಇಂಚ ಈ ವರ್ಣನೆಲು ಭಾರೀ ಪೊರ್ಲುಡು ಮುಲ್ಪ ಮೂಡ್ ದ್ ಬೈದ್ಂದ್.

ಒಂಜಿ ದಿನ ಸೀತೆ ಉಪ್ಪರಿಗೆಡ್ ಉಜ್ಜಲ್ ದ್ ಮಿತ್ತ್ ಕುಲ್ಲೊಂದಿಪ್ಪನಗ ಒಂಜಿ ಗುಬ್ಬಿಟ್ಟಿ ತನ್ನ ಕಿನ್ನಿನ್ ಸೇಲೆ ಮಲ್ತೊಂದಿಪ್ಪುಂಡು. ಅವೆನ್ ತೂದು ಸೀತೆಗ್ ತಂಕ್ ಆ ಭಾಗ್ಯ ಇಜ್ಯತ್ತಾಂದ್ ಬೇಜಾರ್ ಆಪುಂಡು. ಬೇತೆ ಪೊಂಜೊವುಲು ತನ್ ಕ್ಲೆ ಜೋಕುಲೆನೊಟ್ಟುಗು ಸುಖೊಟಿಪ್ಪಿ ಚಿತ್ರ ಆಲೆನ ಮನಸ್ಸಡ್ ಬರ್ಪುಂಡು. ಆ ಸಂದರ್ಭೊಡು ತನ್ನ ಸಖಿನೊಟ್ಟುಗು ಸೀತೆ ಪನ್ನಿ ಪಾತೆರೊಡು ಪುರುಬಾಲೆಲೆ ಗೊಬ್ಬದ ಪೊರ್ಲಕಂಟ್ ಚಿತ್ರ ತೋಜುಂಡು.

“ಕುಲವುಂ ವರ್ಧಿಪ ಕಂದನಂ ಪಡೆದು ತೊರೆದ ಮೊಲೆಯೊಡಿ ತೊಟ್ಟಿಲೊಳಿಟ್ಟು ಪಾಡಿ ತೂಗಿ ಕೂಸು ನಿದ್ದವೋಪುದಂ ತಾನುಮರೆಗಳಿಗೆ ಕೆಲದೊಳ್ ವುಂಡಿಸಿ ಬಾಲಲೀಲೆಯಂ ನೆನೆನೆದು ಮತ್ತಂ ಕುವರನೆಳ್ಳತ್ತನಾಗೆ ಪಿಡಿದೆತ್ತಿ ಮುಂಡಾಡಿಯುಂ ಮುದ್ದಿಸಿಯುಂ ತೊದಳ್ಳುಡಿಯೊಳ್ ನುಡಿಸಿಯುಂ ಕಿರುನಗೆಯೊಳ್ ನಗಿಸಿಯುಂ ಪೊಸ ಬಿನದ ದಿನಾಡಿಸಿಯುಂ ಮನದ ಬೇಸರಂ ಕಳೆಪೊಂದು ಸೈಪೆನ್ನೊವಂದಿಂಗಾದಪುದೋ! ಅಂತು ಮಲ್ಲದೆಯುಂ, ಅಚ್ಚೆ! ಪಿಡಿ,

ನಡೆದವೆನುತುಮರಳೂರಡಿಯಿಡುತೆ ಪೊಂಗಿ ತಾಯನಿಡುದೋಳಂ ತಾಂಗಿ
ಮೆಲ್ಲನೊತ್ತಿನೊಳಂಕಮನೇರಿ ನುಣ್ಣಲ್ಲಮಂ ಪಿಡಿದಲುಗಿಸಿ ಈಗಳ್ ನಡೆಗಲೆನೆನುತೆ
ಕೇಳಪ ಕಂದನೆಂದಿಗೆ ಪುಟ್ಟುವನೋ! ಅಡುಪಾಡುತೆ ನೆವಮಿಲ್ಲದೆ ನಗುತೆ ಪರಿದು
ತಾಯ್ತಂದೆವಿರ್ ಮುಂತಿರೆ ಬೆನ್ನನೆ ಸಾದರ್ಯನ ಕಣ್ಣಂ ಕಿರುಗಯ್ಯಂ
ಮುಚ್ಚುತಾನಾರಂದು ಕೇಳ್ವ ಮಾತೆಯ ಮೇಲುದರ ಸೆರಂಗಿನೋಳ್ ತಲೆಯಂ ಬಯ್ಯು
ಆಂ ಗುಮ್ಮಂ ನುಂಗುವನಲ್ಲ ದೊಡೆ ತನಿವಣ್ಣ ನೀಯಿಮನಗನುತುಂದ ಕಾಡುವ,
ಪೆರತೊರ್ಮೆ ತಂದೆಯ ಪಿಂಡೆಸೆಯೊಳಡಂಗಿ ತಾನೆಲ್ಲಿರ್ಪೆನೆನುತಟ್ಟಿಯಂ ಕೇಳ್ವ
ಮತ್ತಮದೊರ್ಮೆ ಕಯ್ಯಿಡಿಯಂ ಲೀಲೆಯಿಂ ದಿಟ್ಟಿಸಿ ಮಾಪೊಳೆವ
ಮುದ್ದವೊಗಮಂ ಪಡಿಗೂಸುಗೆತ್ತು ತನಗೆ ತಂದೀವೊದೆಂದು ಚಲದಿಂ ಮರುಗುವ,
ಮಗುಳ್ಳೊರ್ಮೆ ತಾಯ್ ಪೊಯ್ತೆಂದು ತಾತಂಗೆ ತೋರಿಪ, ತಾತನಬ್ಬರುಸೆ
ತಾಯೊಳ್ ದೂರುವ, ನಿರ್ನೀರಂ ಜರುಚುವ, ಜರುಚಾಡಿ ಬಳಲ್ವ, ಬಳಲ್ವ
ಮರುಗುವ, ಮರುಗಿ ಪರಿತಂದು ಅಚ್ಚೆಯ ಕಾಲಂ ಬಿಗಿವಿಡಿವ, ಬಿಗಿವಿಡಿವ ಬೆಣ್ಣೆಯ
ನೀವುದೆಂದು ಮುಂಚಿರಗಂ ಸೆಳೆವ, ಇಂತು ತನುಮನಮನಪ್ಪುಕೆಯ್ವ ದಿವ್ಯಸುಂದರ
ವಿಗ್ರಹಂ ಕುಮಾರನೆನಗಪ್ಪನೆಂದಿಗೋ ಸಖಿ!”

‘ರಾಮಾಶ್ವಮೇಧ’ ಕಾವ್ಯದ ಮಂಗಳಪದ್ಯವನ್ನು ಪಠಿಸಿ ಪೋಂಡ ಕವಿ
ಎದೆತಾಸೆನ್ ಮುಚ್ಚಿಲೆಕ್ಕೋನೇ ಸೈ. “ಲೋಕೋಡು ಮಾತ ಜೀವಿಲೆಡ ಮನುಷ್ಯ, ಆತ್ಮ ಪಣ್ಣಿ
ವಿವೇಕನಾಶಕ್ತಿ ಇಪ್ಪುನಾಯೆ ಆಯಿನೆಡ್ಡಾವರ ಶ್ರೇಷ್ಠ ವ್ಯಕ್ತಿ ಅದುಲ್ಲೆ. ಆ ಶಕ್ತಿ ಭಾರೀ ನಿರ್ಮಲ
ಆದಿತ್ತಂಡ ಆಯನ ಬಿಸ್ವಾತಿಕೆ ನನಲಾ ರಡ್ಡ್ ಪಾಲ್ ಹೆಚ್ಚಾಪುಂಡು” ಪಣ್ಣಿ ಅರ್ಥೋದ
ಈ ಪದ್ಯ ಇಂಚ ಉಂಡು -

ಧರೆಯಿರಿಯೆ ಜೀವರಾಶಿಗೆ
ಪಿರಿಯಂ ನರನಾದಮಾದನಾತ್ಮಂ ತನ್ನೊಳ್
ದೊರಕೊಂಡಿರ್ಪಿನ ಮಂತದು
ಪರಿನಿರ್ಮಲಮಾಗೆ ಪರ್ಮೆಯಿರ್ಮಯ್ಯಡೆಗುಂ ||

ಮುದ್ದಣನ ರಾಮಾಶ್ವಮೇಧ ಕನ್ನಡ ವಿಮರ್ಶಕರೆನ್ ಕೈ ಬೀಜಿದ್ ಲೆತ್ತಿನಂಚಿ
ಕಾವ್ಯಕೃತಿ. ಎಸ್.ವಿ. ರಂಗಣ್ಣರ್ ಅವನ್ ಸಾಮಾನ್ಯ ಚಿತ್ರೋಗು ಸುವರ್ಣೋದ ಚೌಕಟ್ಟ್
ಪೆಂಡ್ಡ್ ತೀರ್ಪು ಕೊರುದು ಅಯಿತ ಪೊರುಲ್ಲು ಬದಿಕ್ ಪಾಡ್‌ದರ್. ರಂ.ಶ್ರೀ. ಮುಗಳಿ,
ಎಂ. ಕೀರ್ತಿನಾಥ ಕುರ್ತಕೋಟಿ, ತ.ಸು. ಶಾಮರಾಮ, ಹುರುಳಿ ಭೀಮರಾವ್,
ರಾಜಗೋಪಾಲಾಚಾರ್ಯ, ತೆಕ್ಕುಂಜ ಗೋಪಾಲಕೃಷ್ಣ ಭಟ್ಟ, ಡಾ. ಸಿ. ರಾಮಚಂದ್ರನ್,
ವರ್ಯ ಲಕ್ಷ್ಮೀನಾರಾಯಣ ಆಳ್ವ, ಡಾ. ಪಾದೆಕಲ್ಲು ವಿಷ್ಣುಭಟ್ - ಇಂಚ ಪಾಕ ಜನೊ
ವಿಮರ್ಶಕರ್, ಸಾಹಿತಿಲು ಮುದ್ದಣನ ಈ ಕಾವ್ಯದ ನಿಲೆಬಿಲೆನ್ ತೊಂಕುದು ತೊತರ್.

ಮಹಾಕಾವ್ಯ ಪರಂಪರೆದ ಬಗ್ಗೆ ಪಿರವುದ ಕಾವ್ಯೋದ ಜೀವನಮೌಲ್ಯೋಲೆ ಬಗ್ಗೆ ಪೊಸ ಕಾಲೊದ ಮುಖಾಮುಖಿಯಾದ್ ಮೂಡಿನ ಈ ಕಾವ್ಯೊ ಒಂಜಿ ರೀತಿಡ್ ಆಧುನಿಕ ಯುಗೊಕು ಆನಿಬಾಕಿಲ್. ಮುದ್ದಣ - ಮನೋರಮೆನ ಸಂವಾದ ತಂತ್ರೊಡು ಸಾಹಿತ್ಯ, ಸಾಹಿತಿನ ಜವಾಬ್ದಾರಿ ಬೊಕ್ಕ ಬದ್ಕದ ರೀತಿ-ನೀತಿದ ಬಗ್ಗೆ ಮುಖ್ಯವಾಯಿನ ಪ್ರಶ್ನೆಲು ಮೂಡುದು ಬರ್ಪ. ಇಂಚಿತ್ತಿನ ಒಂಜಿ ಸವಾಲ್ - ಜವಾಬುದ ಚೌಕಟ್ಟಲಾ ಬಂಗಾರ್‌ದೊ, ಚಿತ್ರೊಲಾ ಬಂಗಾರ್‌ದೊ ಪಂಡ್ ಪಣೊಲಿ. ದಾಯೆ ಪಂಡ ಈ ರೀತಿದ ಪೊಸ ಧಾಟಿದ ಕಥಾತಂತ್ರಯಿಪ್ಪಿ ಮಾಲಿಕ ಕೃತಿ ಕನ್ನಡ ಮಾತ್ರ ಆತ್, ಭಾರತೀಯ ಸಾಹಿತ್ಯ ಲೋಕೊಡೇ ಸುರುತ್ತ ಪ್ರಯತ್ನಾಂದ್ ತೋಜುಂಡು. ಈ ಪರ್ಮೆದ ಸಾಧನೆ ತುಳುನಾಡ್‌ದ ನಂದೊಳ್ಗಡ್ ಪೇರ್ ನಿಂಗ್‌ದ್ ಪನಿ ಮೂಡುದು ಬಂಗಾರ್ಡ್ ಕುರಲಾಯಿನವು ತುಳು ಜನೊಕುಲೆಗ್ ಅಭಿಮಾನ ಉರ್ಕುನ ಸಂಗತಿ.

ಸಂಪ್ರದಾಯ ಪದ್ಯೊಲು

ಮುದ್ದಣೆ ಬರೆಯಿನ ಪದಿನೇಳ್ ಸಂಪ್ರದಾಯೊ ಪದ್ಯೊಲು ತಿಕ್‌ದ. ಅವೆನ್ ಮೂಡುಮನೆ ದಿ ಡಾ. ನಂದಳಿಕೆ ವಾಸುದೇವ ರಾವ್ ಪನ್ನಿನಾರ್ 1986ಚ್ ಪ್ರಕಟ ಮಲ್ತಾರ್. ಈ ಪದ್ಯೊಲೆನ್ ನಂದೊಳಿಗೇದ ಅಕ್ಕಣೆಯಮ್ಮ ಪಣ್ಣಿನಾರ್ ಮುದ್ದಣ ಕವಿಟ ಕೇಣೊಂದು ಬರೆಯೊಂದರ್ ಪಂಡ್ ತೆರಿದ್ ಬರ್ಪುಂಡು. ಮದಿಮೆ, ನೂಲಮದ್ಯೆ ಬಯಕೆ ಇಂಚಿತ್ತಿ ಸಂಸ್ಕಾರ ಸಂದರ್ಭೊಡು ಈ ಪದ್ಯೊಲೆನ್ ಪೊಂಜೊವುನಕುಲು ದುಂಬು ಪಣೊಂದಿತ್ತರ್. ದಾರೆದ ಮಣೆಕ್ ಲೆಪ್ಪನಿ, ಆರತಿ ಮಲ್ಪನಿ, ತರಕಾರಿ ಮೂರುನಿ, ಪೇರ್ ಪರಿಯೆರೆ ಕೊಪ್ಪನಿ, ಶೋಭಾನೆ ಪಣ್ಣನಿ, ಓಕುಳಿ ಮಲ್ಪನಿ ಇಂಚ ಬೇತೆ ಬೇತೆ ಸಂದರ್ಭೊಡು ಈ ಪದ್ಯೊಲೆನ್ ಪಣೊಂದಿತ್ತರ್. ರಾಗ - ತಾಳ ಜ್ಞಾನ ಇತ್ತಿ ವಿದ್ವಾಂಸ ಕವಿಕುಲು ಮಾತ್ರ ಇಂಚಿತ್ತಿ ಪದ್ಯೊಲೆನ್ ರಚನೆ ಮಲ್ತರೆ ಸಾಧ್ಯ. ಯಕ್ಷಗಾನ ಪದ್ಯಭಾಗೊಲೆನ್ ಮುಡೆತಿನ ಮುದ್ದಣಿಗ್ ಉಂದು ಸಲೀಸಾದ್ ಸಾಧ್ಯ ಆಂಡ್. ಆಯೆ ಕ್ರಿಶ್ಚಿಯನ್ ಹೈಸ್ಕೂಲುಡು ಶಿಕ್ಷಕೆ ಆದಿಪ್ಪನಗ ಇಂಚಿತ್ತಿನ ಮಸ್ತ್ ಪದ್ಯೊಲೆನ್ ಬರೆಯೆ ಪಂಡ್ ತೆರಿದ್ ಬರ್ಪುಂಡು. ಪದ್ಯೊಲೆನ ವಸ್ತ್, ನಿರೂಪಣೆ, ಶೈಲಿಡ್ ಆತ್‌ನೇಟ ಇತ್ತಿನ ಪರಂಪರೆನ್ ತೆರಿಯೊಂದು ಮುದ್ದಣೆ ಪದ್ಯ ಬರೆಯೆಡಲಾ, ಆಯನ ಸ್ವಂತಿಕೆ ನೆಗತ್ತ್‌ದ್ ತೋಜುಂಡು ಪಣ್ಣನವು ವಿಶೇಷ.

ಸಂಪ್ರದಾಯೊದ ಪದ್ಯೊಲು ಮನುಷ್ಯ ಸಂಸ್ಕಾರದ ಸಂದರ್ಭೊಗು ರಚನೆ ಆದಿತ್ತಂಡಲಾ, ದೇವರೆನೊಟ್ಟುಗು ವ್ಯಕ್ತಿನ್ ಹೋಲಿಕೆ ಮಲ್ತಾರ್ ಪದ ಪಣ್ಣನವು ಸಾಮಾನ್ಯ ಅಂಚಾದ್ ತರಕಾರಿ ಮೂರುನಗಲಾ ದೇವರೆನವೇ ಧ್ಯಾನ ಬರ್ಪುಂಡು. ಹಸೆಕ್ ಲೆಪ್ಪನಗಲಾ ದೈವೀಭಕ್ತಿಯೇ ಮೂಡುಂಡು. ಮದ್ಯಾಯೆ - ಮದಿಮಾಳೆನ್ ಲಕ್ಷ್ಮೀನಾರಾಯಣರೆಗ್, ಸೀತಾರಾಮರೆಗ್, ಪಾರ್ವತೀ ಪರಮೇಶ್ವರೆರೆಗ್ ಸಮೀಕರಿಸದ್ ಪದ ಪಣ್ಣನವು

ಸಂಪ್ರದಾಯ ಗೀತೊಲೆನ ಮುಖ್ಯ ಲಕ್ಷಣ. ಮುದ್ದಣೆ ಬರೆಯಿನ ಪದ್ಯೊಲುಲಾ ಇಂಚನೇ ಉಂಡು. ದಾಸ ಸಾಹಿತ್ಯೊದ ಕೀರ್ತನೆಲೆನ ಕಡೆಕ್ ಅಂಕಿತ ಇತ್ತಿಲೆಕೊನೇ ಮುಲ್ಪಲಾ ಕವಿನ ಆರಾಧ್ಯದೇವರೆ ಉಲ್ಲೇಖ ಬರ್ಪಿನವು ಬೊಕ್ಕೊಂಜಿ ವಿಶೇಷ. ಮುದ್ದಣನ ಸಂಪ್ರದಾಯ ಪದ್ಯೊಲೆ ಕಡೆಕ್ ನಂದಳೆಕೆಪುರನಂದಿವಾಹನ, ನಂದಳೇಶಾಧಿ ಪನಪ್ರಿಯ, ನಂದಳೆ ಪುರದಾದಿ ಮಹಾಲಿಂಗೇಶ, ಶ್ರೀ ನಂದಳೇಶ ಪೂರೆ - ಇಂಚಿ ಸಾಲುಲು ತಿಕ್ಕುವ.

ಮುದ್ದಣನ ಸಂಪ್ರದಾಯ ಪದ್ಯೊಲೆನ ನನೊಂಜಿ ವಿಶೇಷ ದಾನೆ ಪಂಡ ಭಕ್ತಿ - ಶೃಂಗಾರರಸೊಲೆನ ಮೇಲ್ಮೆ 'ಶೋಭಾನೆ ಪದ್ಯೊ' ಒಂಚೆಟ್ ಶೃಂಗಾರನೇ ಮುಖ್ಯ ಆದಿತ್ತ್ವದ್ ವಾ ದೇವರೆನ ಸುದ್ದಿಲಾ ತಿಕ್ಕುಜಿ. ವಿರಹೊಡು ಬುಡೆತಿನ್ ಲೆಪ್ಪನ ಆ ಪದ್ಯೊನು ಭಾವಗೀತೆಂದೇ ಪಣೊಲಿ. ಮದಿಮೆ ಆಯಿನ ಸುರುತ ರಾತ್ರೆ ಕಂಡೆನ ತನ್ನ ಬುಡೆತಿನ 'ಭಾಮಾಮಣಿ ಬಾರೆ' ಪಣ್ಣ್ ಲೆಪ್ಪನ ಆ ಪದ್ಯ ಇಂಚ ಉಂಡು.

ಬಾರೆಯೆ ಭಾಮಾಮಣಿ | ಭಾಗ್ಯದ ಖಣಿ
ಬಾರೆಯೆ ಭಾಮಾಮಣಿ || ಪ ||

ವಾರಿಜಾನನೆ ಒಲವಿನಿಂದಲಿ
ತೋರೊಮುಖವನು ವಹಿಲದಿಂದಲಿ
ವಾರೆನೋಟದ ಬೆಡಗಿನಿಂದಲಿ
ಹೀರಿ ಬಿಡುತಿಹ ಮಾರನಿಂದಲಿ || ಅ.ಪ. ||

ಕನ್ನಡ ಜಾಣೆ ಕೇಳೆ | ಕರ್ಪುರ ವೀಳ್ಯ
ಚೆನ್ನಾಗಿ ಮಡಿಸೆ ಬಾಲೆ ||
ಇನ್ನು ತಡವೇಕಿದಕೆ ಪೂರ್ಣಸಂ
ಪನ್ನೆ ಎನ್ನೊಡಗೂಡುವರೆ ಮನ
ಎನ್ನಲೇ ಅತಿ ಕರಗುತಿದೆ ಮೋ
ಹನ್ನೆ ಮನ್ನಿಸೆ ಸುಗುಣ ಗುಣಯುತೆ ||

ಈ ಪದ್ಯೊನು ತೂಂಡ ಪೊಸಗನ್ನೊಡದ ಭಾವಗೀತೆಲೆನ ನೆಂಪಾವುಂಡು. ಮುದ್ದಣನ ಈ ಪದ್ಯನ್ ನವೋದಯ ಕಾವ್ಯೊದ ಸುರುತ ಪ್ರೇಮಗೀತೆ ಪಣ್ಣ್ ಪಣೊಲಿ. ಅಂಚಾದ್ ಮುದ್ದಣನ್ ಪೊಸಗನ್ನಡ ಸಾಹಿತ್ಯೊದ 'ಮುಂಗೋಳಿ' ಪಂಡಿನವು ಸರಿಯಾಯಿನ ಬಿರ್ಬೇ ಅಂದ್!

ಮರ್ಮಾಯನ ವರ್ಣನೆ ಪದ

ಉಟ್ಟಿಹ ವೇಷಿಯ ನೆರಿಯನು ಪೊದ್ದಿಹ
ಪಟ್ಟಿ ಪೀತಾಂಬ್ರವನು
ಪಟ್ಟಣದೊಳಗತಿ ಶ್ರೇಷ್ಠನೆಂದೆನಿಸುವ
ಇಷ್ಟ ಸಲಿಪ ಜಗಜಟ್ಟಿ ಕಾಣಮ್ಮ ||

ವೀಳ್ಯ ಕೊರ್ಪಿನ ಪದ

ಕೊಳ್ಳೊ ವೀಳ್ಯದ ಹರಿಯೆ | ದಿವಿಜಾಳಿಯ ದೊರೆಯೆ
ಕೊಳ್ಳೊ ವೀಳ್ಯವ ಹರಿಯೆ ||
ಕೊಳ್ಳೊ ವೀಳ್ಯ ಖಳ ತಲ್ಲಣ ತೈಜಗ
ವಲ್ಲಭ ಕರುಣದಿ ಪುಲ್ಲನಯನನೆ ||

ಪೇರ್‌ಕೊರ್ಪಿ ಪದ

ಹಾಲ ತಂದು ಕೊಟ್ಟವಮ್ಮ ಬಾಲರಂಗಗೆ
ಲೋಲನಯನ ನೀಲವರ್ಣ ಬಾಲಗೋಪಿ ನಂದನಂಗಿ ||
ಎಂದು ಬಾರದಿಂದು ಮನೆಗೆ ಬಂದಕುವರಗೆ
ಸುಂದರಾಂಗಿ ಜನರ ನಡುವೆ ನಿಂದ ಧೀರಗೆ ||
ಗೊಲ್ಲತಿಯ ವಲ್ಲಭನೀ ನಿಲ್ಲು ಮೆಲ್ಲನೆ
ಪುಲ್ಲನಯನ ಹಾಲಸವಿಯೊ ಬಿಲ್ಲು ಮುರಿದನೆ ||

ಪೊಸ ಶಬ್ದೊಲೆ ಟಂಕಸಾಲೆ

ಮುದ್ದಣನ ಮಾಮಲ್ಲ ಶಕ್ತಿ ಪಂಡ ಪೊಸ ಶಬ್ದೊಲೆನ್ ಸೃಷ್ಟಿ ಮಲ್ತಾದ್ ಬಳಸುನ ಶೈಲಿ. ಏತೋ ಸಂಸ್ಕೃತ ಶಬ್ದೊಲೆಗ್ ಆಯೆ ತದ್ವಪೊಲೆನ್ ಸೃಷ್ಟಿ ಮಲ್ತಾದೆ. ಅಂಚೆನೇ ಕೆಲವು ಪೊಚ್ಚ ಪೊಸ ಶಬ್ದೊಲೆನ್ ಆಯೆನೇ ಸುರುಕು ಟಂಕಿಸಾದೆ ಪಂಡ್‌ದ್ ಪಣೊಲಿ. ಗರವಟ (ಗಾರ್ಹಪತ್ಯ), ಗಾಡಬ (ಗಾರ್ಧಭ), ಪೇರುಕೈವ (ಮಹೋತ್ಸವ) - ಇಂಚಿತ್ತಿನ ತದ್ವಪ ಶಬ್ದೊಲೆನೊಟ್ಟುರು ಮುದ್ದಣೆನೇ ಸ್ವಯಂ ಸೃಷ್ಟಿ ಮಲ್ತಿನ ಶಬ್ದೊಲು ಓದುನಾಯನ್ ಮಲ್ತ್ ಕಟ್ಟಾವ. ಉದಾರ್ಮಗ್ - ಎಲರುಣಿ (ಉಚ್ಚು), ಗಾಳಿದೇರ್ (ವಿಮಾನ), ಐಗಳ (ಶಿವ), ಬಿಂತಿದೇರ (ದಶರಥ), ಬೇದಬಿಜ್ಜಗ (ಬ್ರಹ್ಮ), ಬಾಸೆವೆಣ್ (ಶಾರದೆ), ಬಿಂಕಣಾಗಿನಿ (ಗಣ), ಅಣುವ (ಹನುಮಂತ) ಇಂಚ ಮಸ್ತ್ ಪೊಸ ಪೊಸ ಶಬ್ದೊಲೆನ್ ಮುದ್ದಣೆನೇ ಸುರುಕು ಸೃಷ್ಟಿ ಮಲ್ತಾದೆಂದ್ ಪಣೊಲಿ.

ಮುದ್ದಣ ಕವಿ ಕೀಶಿರಾಜನ ಶಬ್ದಮಣಿ ದರ್ಪಣೊನು ನಿತ್ಯ ಓದೊಂದು ಇತ್ತೆಗೆ.

ಅಂಚಾದ್ ಆಯನ ಕೈಟ್ ಪಳಗನ್ನಡೊದ ವ್ಯಾಕರಣ ನಿಯಮೊಲು ಎಡ್ಡೆ ರೀತಿಡ್ ಬಳಕೆ ಆತ್ಂಡ್. ಅಂಚನೇ ಕಬ್ಬಿಗರ ಕಾವ, ಗದಾಯುದ್ಧ ಜೈಮಿನಿ ಭಾರತ, ಹರಿಶ್ಚಂದ್ರ ಕಾವ್ಯ ಇಂಚ ಪ್ರಾಚೀನ ಕಾವ್ಯೊಲೆನ್ ಆಯೆ ಎಡ್ಡೆ ರೀತಿಡ್ ಓದೊಂದೆ ಪಣ್ಣಿನವು ಗೊತ್ತಾವುಂಡು. ಕಿಟ್ಟಲೆರೆನ ಕನ್ನಡ - ಇಂಗ್ಲಿಷ್ ನಿಘಂಟ್‌ನ್‌ಲಾ ಆಯೆ ಆಳವಾದ್ ಅಧ್ಯಯನ ಮಲ್ತಾದೆಂದ್ ಪಣೊಲಿ. ಅಂಡಲಾ ಕೆಲವು ಕಡೆ ಪ್ರಾಚೀನ ಕಾವ್ಯ - ಶಾಸ್ತ್ರೊಲೆನ್ ಮೀರ್‌ದ್ ಆಯೆನೇ ಸ್ವತಂತ್ರ ಪ್ರಯೋಗೊ ಮಲ್ತಾದೆಂದ್ ಪಣ್ಣಿನವು ಪೊಸ ಸಾದಿಡ್ ನಡತಿ ಆಯನ ಕ್ರಾಂತಿಕಾರಿ ಮನಸ್ಸೆಂದ್ ಪಣೊಲಿ.

ತುಳು ಶಬ್ದೊಲು

ಮುದ್ದಣನ ಕನ್ನಡ ಕಾವ್ಯೊಲೆಡ್ ಮಸ್ತ ಕಡೆ ತುಳು ಶಬ್ದೊಲು ತಿಕ್ಕುನವು ತುಳುನಾಡ ಮಣ್ಣೆದ ಗುಣ. ಅಂಚಾದೆ ಏತೋ ಶಬ್ದೊಲೆಗ್ ಸರಿಯಾಯಿನ ಅರ್ಥ ಪಣೆರೆ ಕನ್ನಡ ವಿದ್ವಾಂಸೆರೆಗ್ ಆತಿಜ್ಜಿ ಮೈಸೂರುದ ಕಾವ್ಯಾಲಯದಕುಲು ರಾಮಾಶ್ವಮೇಧೊನು ಅಚ್ಚ ಪಾಡ್‌ನಗ್ ಇಂಚಿತ್ತಿನ ಶಬ್ದೊಲೆಗ್ ಸರಿಯಾಯಿ ಅರ್ಥ ಪಣ್ಣೆರೆಗಾವಂದೆ ಕೈಕಾರ್ ಬುತ್ತೆಡ್. 'ಕೊಡೆನ ಮರಿ' ಪಂಡ ಘಟಸರ್ಪೆಂದ್ ಅರ್ಥ. ಈ 'ಮರಿ' ತುಳು ಭಾಷೆದವು. ಮೈಸೂರುದ ವಿದ್ವಾಂಸೆರ್ ಉಂದೆಕ್ ತಿಗೊತ ಕೆಲೆಂಚಿ ಪಂಡ್‌ದ್ ಗಿರೆತೆರ್! ಅಂಚನೇ 'ಅಣಿಗಟ್ಟು ಪಣ್ಣುನೆಕ್ ದಾನೆ ಅರ್ಥ ಪಣೊಡುಂದೆ ಗೊತ್ತಾತಿಜಿ. ಉಂದು ಭೂತಕೋಲೊದ 'ಅಣಿ' ಪನ್ನಿನತ್ತ ಹಿನ್ನೆಲೆಕ್ ಅಲಂಕಾರ ಮಲ್ತೊಣ್ಣುನೀಂದ್ ಪಣ್ಣುಂಡು. ತುಳುಟು 'ಎತ್ತು' ಪಂಡ ಸೇರ್, ಮುಟ್ಟುಂದು ಅರ್ಥ. ಮುದ್ದಣೆ ಈ ಅರ್ಥೊನು ದೀವೊಂದು. 'ಕತ್ತರಿಗಂಡಿ ಯನೆತ್ತು' ಪಂಡ್ ಪಣ್ಣೆ. ಸುಂಟಿಗೆ ಪಣ್ಣುನೆಕ್ ತುಳುತ ಸುಂಟಾಯೀಂದ್ ಅರ್ಥ. ಸೊರ್ಕುಡು ಕೆಲೆಪುನ ಮುಕ್ಕುರುಪಾಡುನವೇ 'ಮುಕ್ಕುರುಕ್ಕು' ಆದ್ ಮುದ್ದಣನ ಕಾವ್ಯೊಡು ಉಂಡು. ಮನೋರಮೆನ್ ವರ್ಣನೆ ಮಲ್ತೊಂದು ಮುದ್ದಣೆ 'ಓ ಎನ್ನ ಎಚ್ಚ ಮಯ್ಯಣ್ಣ ಪೆಣ್ಣೆ ಪಂಡ್ ಅರ್ಥ. ಅಂಚನೇ ಪೊಲಿ, ಸೊಯ, ಎರ್ಮ ಪಣ್ಣಿನ ಮಸ್ತ ತುಳು ಸಬ್ದೊಲೆನ್. ಮುದ್ದಣೆ ತನ್ನ ಕಾವ್ಯೊಡು ಗಳಿಸ್‌ದೆ. ಆಯೆ ಕನ್ನಡ ಕಾವ್ಯ ಬರೆಯೆಡೆಲಾ ಆಯನ ಮನಸ್ಸೆದುಲಯಿ ತುಳುಸಂಸ್ಕೃತಿ ಇತ್ತೆಂದ್ ಪಣಿಯೆರೆ ಸಂಶಯೊ ಇಜ್ಜಿ.

ಮುದ್ದಣೆ 'ಸುವಾಸಿನಿ' ಪಣ್ಣಿ ಪತ್ರಿಕೆಡ್ (1900) 'ಜೋ ಜೋ' ಪಣ್ಣಿ ಲೇಖನೊನು ಬರೆದಿತ್ತೆಂದ್ ತೆರಿಡ್ ಬರ್ಪುಂಡು. 'ಜೋಗುಳ' ಪಣ್ಣಿ ಕನ್ನಡ ಶಬ್ದೊಗು ತುಳು ಬಾಸೆದ ಮೂಲನ್ ಸಾಧಿಪಾವುನ ಈ ಲೇಖನ ಶಬ್ದಾರ್ಥ ಜಿಜ್ಞಾಸೆದ ಹಿನ್ನೆಲೆಕ್ ಮುಖ್ಯ ಸಂಶೋಧನೆ. ತುಳುತ ಆಣ್ಣೋವು, ಪೊಣ್ಣೋವು ಶಬ್ದೊಲೆಡ ಕಡೆಕ್ ಇಪ್ಪಿನ ಜೋವು ಶಬ್ದ ಬಾಲೆ ಪಣ್ಣಿ ಅರ್ಥ ಕೊರ್ಪುಂಡು. ಕನ್ನಡೊಡು ಗಂಡುಸು, ಹೆಂಗುಸು ಪನ್ನಿನೆಕ್ ಕಡೆಕ್ 'ಕೂಸು' ಶಬ್ದೊನೇ ಇಪ್ಪುನಿ. ಅಂಚಾದ್ ಈ 'ಜೋ' ಪಣ್ಣುನೆಕ್ ಬಾಲೆ ಪನ್ನಿ ಅರ್ಥೊನೇ ಆಂಡ್. 'ಜೋಗುಳ ಪದ' ಶಬ್ದೊಗು ತುಳು ಬಾಸೆದ 'ಜೋಕುಳ ಪದ'ನೇ ಮೂಲಾಂದ್

ಮುದ್ದಣನ ಸ್ಪಷ್ಟ ಅಭಿಪ್ರಾಯ ಈ ಲೇಖನೊಡು ಉಂಡು. ಇಂಚ ಕನ್ನಡ ಕವಿಯಾದ ಮೂಡ್ಡು ಬತ್ತಿನ ಕವಿ ಮುದ್ದಣ ತುಳುಭಾಷೆದ ಬಗ್ಗೆ ಮಸ್ತ ತೆರಿಯೊಂದಿ ಮನುಷ್ಯೆಂದ್ ಪಣೊಲಿ. ತನ್ನ ಊರುದ ಸುತ್ತಮುತ್ತ ಇತ್ತಿ ಯಕ್ಷಗಾನ, ಭೂತಕೋಲ, ಬೋಂಟೆ, ಕಂಬುಳೊ ಉಂದೆನ್ ಮಾತಾ ಆಯೆ ದಿಂಜ ತರ್ತೆಡ್ ವಿವೇಚನೆ ಮಲ್ತಿನೆಡ್ಡಾವರನೆ ತುಳು ಭಾಷೆದ ಜಿಜ್ಞಾಸೆ ಮಲ್ತರೆ ಸಾಧ್ಯ ಆಂಡೆಂದ್ ತೋಜುಂಡು.

ಆಯನ ಕಾವ್ಯೊಡು ಏತೋ ತುಳು ಗಾದೆಲೆನ ಕನ್ನಡ ರೂಪಲಾ ತಿಕ್ಕುವ. 'ನರಿಯೊಳಿಡೆ ಸುರಲೋಕಂ ಪಾಳೊಕ್ಕುಮೆ?', 'ಮಂಡೆ ಗಟ್ಟಿಯೆನುತ ಕಲ್ಪಿಗೊಡ್ಡಬಹುದೆ', 'ಆಸೆಯನುಳಿಯೆ ಲೇಸಕ್ಕುಂ', 'ಆನೆಯುದರದೊಳಾನೆಯಲ್ಲದೆ ಶ್ವಾನನುಬ್ಬವಿಸುವುದೇ?' - ಇಂಚಿತ್ತಿನ ಮಸ್ತ ಗಾದಲು ತುಳು ಜನೊಕುಲೆ ನಾಲಯಿಡ್ ನಿತ್ಯೊಲಾ ನಲಿಪುನವು. ಅವೆನ್ ಕನ್ನಡೊಗು ತರ್ಜುಮೆ ಮಲ್ತಾದ್ ಮುದ್ದಣ ತನ್ನ ಕಾವ್ಯೊಲೆಡ್ ಗಳಿಸ್ತದೆ. ಅಂಚಾದ್ ಆಯನ ಕವಿಹೃದಯ ಕನ್ನಡೊದ ಬಂಗಾರ ಆಂಡಲಾ ಮೂಲತಃ ತುಳುತ ಪಿಂಗಾರ.

ನಂದಾದೀಪೊದ ಬೊಲ್ಡು ತೆಕ್ಕದಿಜಿ!

ನಂದೊಳಿಗಿದ ನಂದಾದೀಪ ಮುದ್ದಣೆ ಮುಪ್ಪತ್ತೆರಡ್ ವರ್ಸೊಡೇ ತೀರ್ತ್ ಪೋಯೆಡಲಾ (ಮರಣ 15.2.1901) ಆಯನ ಕಾವ್ಯೊಲೆನ ಬೊಲ್ಡು ನನಲಾ ತೆಕ್ಕದಿಜಿ. ಕನ್ನಡೊದ ನವೋದಯ ಕಾವ್ಯ ಆಯನ ಮೂಲಕ ಸುರುವಾದ್ ಸಾವಿರ ಸಾವಿರ ಸಂಖ್ಯೆಡ್ ಕವಿಕುಲು ಕಾವ್ಯರಚನೆ ಮಲ್ತೊಂದುಲ್ಲೆರ್. ಮಾತೆರೆಗ್ಲ ಮುದ್ದಣನ ಮಿತ್ತ ಮದಪ್ಪೊವಂದಿ ಮೋಕೆ ಉಂಡು. ನಂದಳಿಕೆ ಲಕ್ಷ್ಮೀನಾರಾಯಣಯ್ಯ ಪಂಡ್ ಆಯನ್ ಲೆಪ್ಪಂದೆ ಮುದ್ದಣೆ ಪನ್ನಿ ಕಾವ್ಯ ನಾಮೋಡೇ ಆಯನ್ ಲೆಪ್ಪನವು ಮಾತೆರೆಗ್ಲಾ ಇಷ್ಟ ಬಹುವಚನೊಡು ಲೆಪ್ಪಂದೆ ಏಕವಚನೊಡೇ ಲೆಪ್ಪಿನವುಲಾ ಈ ಮೋಕೆದ ಭಾವನೆಗ್ ಸಾಕ್ಷಿ ನೊದು ವರ್ಸೊ ದುಂಬುದ ಕವಿಯಾಂಡಲಾ ಆಯಗ್ ಪಂಪ-ರನ್ನ-ಲಕ್ಷ್ಮೀಶೆರೆ ಸಾಲ್ಡೇ ಮಣೆದೀಡ್ ಮಾನಾದಿಗೆ ಮಲ್ತಿ ಮನಸ್ಸ ಜನೊಕುಲೆಗ್. ಆಯನ ಪುದರ್ ಪಂಡೊಂದು ನಂದೊಳ್ಳೆಡ್ ಸ್ಮಾರಕ ಭವನೊ, ಮಿತ್ರಮಂಡಳಿ, ಮುದ್ದಣ ಪ್ರಕಾಶನ, ಮುದ್ದಣ ಅಧ್ಯಯನ ಕೇಂದ್ರ, ಮರ್ಡದ ಬನೊ, ಪುಸ್ತಕ ಪ್ರಕಟಣೆ, ಯಕ್ಷಗಾನ ಬಯಲಾಟ, ಸಾಧಕೆರೆಗ್ ಸನ್ಮಾನೊ, ಧ್ವನಿಸುರುಳಿ ನಿರ್ಮಾಣೊ ಇಂಚ ಏತೇತೋ ಕಜೊಲು ನಡತೊಂದೇ ಉಲ್ಲ. ತುಳುನಾಡ್ಡ ಜನೊಕುಲೆ ಮನಸ್ಸ ಪನ್ನಿ ಮನೋರಮೆನ ಒಟ್ಟುಗು ಮುದ್ದಣಗ್ ದಿನನಿತ್ಯೊಲಾ ಸ್ಥಾನ ಉಂಡು. ಆಯೆ ಪೊತ್ತಾಯಿನ ನಂದಾದೀಪೊದ ಬೊಲ್ಡುಡು ತುಳುವೆರ್ಲಾ ಕನ್ನಡಿಗ್ಲಾ ಮುದ್ದಣ ಮನೋರಮೆಲೆಕೆ ತೆಲ್ತೊಂದು ನಲ್ತೊಂದು ಕಾವ್ಯ ಸಂವಾದೊ ನಡಪಾವೊಂದೇ ಇಪ್ಪುವೆರ್. ಉಂದೇ ಆ ಮಹಾಕವಿಕ್ ನಮ ಕೊರ್ಪಿ ಕಾನಿಗಿ.

★★★

P. Lakshminarayanaiah
High School.

Kannur
ಅದ್ವೈತ ರಾಮಾಯಣ ಮೆಂಬರ್

ನುಡಿಗಟ್ಟು

ನಂದಳಕೆ ಲಕ್ಷ್ಮೀನಾರಾಯಣಾಂಶಸ್ವಲ್ಪಣ್ಣ

೧೯೯೪

ದು.

P. Lakshminarayanaiah
Memoranda Lecturer
High School
Kannur.

ಅದ್ವೈತ ರಾಮಾಯಣದ ಮೇಲ್ಪಟ್ಟದಲ್ಲಿದ್ದ ಮುದ್ದಣನ ಸಹಿ ಇದ್ದ ಹಸ್ತಾಕ್ಷರ ಪ್ರತಿ

ಅಪ್ಪುಕಥಾಮಾಯಮಿ

ಮೆವಲನೆಯ ಲಾಕ್ಷಿಸಮಿ

ಇಂ ತಿರೆಯಿಳ್- ಲಾವನಂ ಗೃಹಗೃಹಂ ಗಣಪ್ಪೆಶ್ವರ ಪೆಗ್ಗುಕಂಗಳಿಂ ಪವನ
ಮಿಕ್ಕುಮವುತ್ತು ಮುಗಮುಗ ಪವನಗಳಿಂ ಕೆನೆವೆಣಾ ಗಂಗಳಿಂ ದಿಕ್ಕನೆ
ಡಿಬ್ಬಿ ಮುಟ್ಟು ವನುಂಗಳಿಂ ಗುಟ್ಟಿವು ಪುಣ್ಣಿಂಗಳಿಂ ಬಗೆವೆನುಗ್ಗಿಣಾ
ಪ್ಪುಪಲಂಠಿವಪುಪ್ಪಂಗಳಿಂ; ಪೆಂವುಪುನುಗ ಕಣ್ಣಿಗುನಿವನೆಗ್ಗಿಣಂ
ಗಳಿಂ; ಕಪ್ಪು ಕ್ಕಳಂ ^{ಕಂಪು} ಪೆಂವು ಪೆಂವು ಮುಟ್ಟು ಮುಟ್ಟು ಮುಟ್ಟು
ನಿರುಗಳಿಂ; ಪೆಗೆಯು ಗ್ಗಿಣುಗುಗಳಿಂ; ಪಿಂ; ಇಂ ಪಂಪ್ರೆವಪ್ಪು ಗ್ಗಿಣಿಯಂ
ಇಳವೆ ವಾಲ್ಮೀಕಿ ಮುಪ್ಪಿಂಗಳಿಂ ಮುಪ್ಪಿಂಗಳಿಂ ಪುಣ್ಣಿ ಕ್ಕಳಂ ಪಿಂ ಪಂ
ಪಾನನಿಯಂ ಕ್ಕಳಂಗಳಿಂ ಪೆನೆವೆವೆವೆವೆವೆವೆ;

ಇಂಪು ಮಸಂಪು ಕ್ಕಳಂಗಳಿಂ ಪೆಗ್ಗಿಣಿಯಂ
ವೆ ತಿರೆಯಿಳ್ ಪೆಗ್ಗಿಣಿಯಂ ಪೆಗ್ಗಿಣಿಯಂ ಪೆಗ್ಗಿಣಿಯಂ ಪೆಗ್ಗಿಣಿಯಂ
ನೆಂಪಿ ^{ಪೆಗ್ಗಿಣಿಯಂ} ಪೆಗ್ಗಿಣಿಯಂ ಪೆಗ್ಗಿಣಿಯಂ ಪೆಗ್ಗಿಣಿಯಂ ಪೆಗ್ಗಿಣಿಯಂ
ವಾಲ್ಮೀಕಿ ಮುಪ್ಪಿಂಗಳಿಂ ಮುಪ್ಪಿಂಗಳಿಂ ಮುಪ್ಪಿಂಗಳಿಂ ಮುಪ್ಪಿಂಗಳಿಂ

ಮುದ್ದಣನ ಕೈಬರವು



ಮುದ್ದಣನ ಗುರು ಮಳಲಿ ಸುಬ್ಬರಾವ್

KARNATAKA

ಕವಿಪು ಸಂವಾದಿನಿ / 3

Kavya, Kalamidhi Series,

NO. 6.

SRI RÁMÁSVAMEDHAM.

BY

MUDDANA KAVI

ಮುದ್ದಣ ಕವಿ ಕೃಷ್ಣೇಷ

ಶ್ರೀ ರಾಮೇಶ್ವಮೇಧಂ.

ಎಂ. ಬಿ. ನರಸಿಂಹಾಚಾರ್

ಶೈಲಪುರಾಣ ಗಾಥೆ ಮೇಲೆ ಓಲೆಮಂಟರ ಶೈಲಪುರ ಮೈಸೂರ್,

ಮತ್ತು

ಮಂ. ಅ. ರಾಮಾನುಜೈಯಂಗಾರ್

ಅಸ್ಪಷ್ಟೆ ಮೂರ್ತುರ ಮೈಸೂರ್ ಮೀದಾ ಪೈಸೂರ್ ಮೈಸೂರ್,

ಇವರುಗಳಿಂದ ಲೋಧಿಸಲ್ಪಟ್ಟು

ಮೈಸೂರ್.

ಸ್ವಾರ್ ಪ್ರೆಸ್ಸಿನಲ್ಲಿ ಮುದ್ರಿತವಾಯ್ತು.

1901.

ಶ್ರೀ ರಾಮೇಶ್ವಮೇಧಂ ಬೂಕುಡ ಸುರುತ ಅಚ್ಚಿದ ಮುಖಪುಟೊ

ಪೀಠಿಕೆ.

ಈ ಗ್ರಂಥವನ್ನು ವಿರಚಿಸುವಾಕೆಯ ಜೆಸರು ಮಹಾಪುಷ್ಪ. ಈ ಗ್ರಂಥದ ಕೊನೆಯ ಪದ್ಯದಿಂದ ಈಕೆ ಉಡುಪಿಕ್ಷೇತ್ರದ ಜಾವಡಿರಂಗ ಭಟ್ಟನ ಮಗಳೆಂದೂ, “ ಕನ್ನಡಿತಿ ಚಿಂಗಳದೇವಿಯ ” ಉಪ್ಪಾಸುಸಾರ ಈ ಗ್ರಂಥವನ್ನು ಬರೆದಂತೆಯೂ ತಿಳಿಯಬರುತ್ತದೆ. ಒಂದುವೇಳೆ ಈಕೆ ಬ್ರಾಹ್ಮಣತಿಯಾಗಿರಬಹುದು.

ಈಕೆ ಇದೇಗ್ರಂಥದ ಪೀಠಿಕಾಸಂಧಿಯ ೩ ನೆಯ ಪದ್ಯದಲ್ಲಿ ಸಹ ಕುರಿವೇನನ್ನು ಸ್ತುತಿಸಿರುವುದರಿಂದ ಕ್ರಿ. ಶ. ೧೬೦೦ ಕ್ಕೆ ಈಕೆನವ ಳಾಗಿರಬೇಕೆಂದು ವ್ಯಕ್ತವಾಗುತ್ತದೆ.

ಈಕೆ ಇನ್ನಾವ ಗ್ರಂಥಗಳನ್ನು ರಚಿಸಿವಾಳೆಯೋ ಗೊತ್ತಾಗಿಲ್ಲ.

ಈಕೆಗೆ ಸಂಸ್ಕೃತವಲ್ಲದೆಯೂ ಕನ್ನಡವಲ್ಲದೆಯೂ ಸಂಪೂರ್ಣವಾದ ಪಂಡಿತ್ಯವಿದ್ದಂತೆ ಈ ಗ್ರಂಥದಿಂದಲೇ ವ್ಯಕ್ತವಾಗುತ್ತದೆ. ಗ್ರಂಥವು ವಾಕ್ಯರಚನೆಯೂ, ಮನೋಧಾರನೆಯೂ ನೀತಿಯೋದ್ದೇಶನೆಯೂ ಇದೆ. ರಾಮನು ವಿಭೀಷಣನಿಗೆ ಲಂಕೆಯಲ್ಲಿ ಪಟ್ಟವನ್ನು ಕಟ್ಟಿ ಪುದ್ವಕ ಮಿಷನದಲ್ಲಿ ಪರಿವಾರಿಯಾದನೆ ಮೊರಟು, ಸಂಹಾರವಲ್ಲದೆ ಭಾರತವನ್ನು ಕಂಡು, ಅವನೊಡನೆ ಅಯೋಧ್ಯೆಗೆ ಬಂದು, ಪಟ್ಟಾಭಿಷಿಕ್ತನಾದನೆಂಬುದೇ ಈ ಗ್ರಂಥದ ಕಥಾನಾಹ. ಈ ಕಥೆನ್ನು ಬಾಲ್ಯಾವಸ್ಥೆಯಲ್ಲಿ ಕೇಳಿ ದನು. ದೇಳವಂತೆ ತೃಪ್ತಿಯನ್ನಾಧಿಯ ನೂಡನೆಯಲ್ಲಿ ದೇಳಿದ.

ಪ್ರಕೃತವಲ್ಲದೆ ದೂರೆತಿರುವ ಸ್ತ್ರೀಜನವಿರಚಿತವಾದ ಗ್ರಂಥಗಳಲ್ಲಿ ಇದೇ ಬಹಳ ವಿಶಿಷ್ಟವಾದುದು.

ಇವರ ಪ್ರತಿಯನ್ನು ಕಾಣಿಸಿಕೊಟ್ಟಿರುವಕಾಗಿ ಉಪಯುಕ್ತವೆಂದ ವ|| ಶ|| ಶ|| ಸಂಧಿಗೆ ಲಕ್ಷ್ಮೀನಾರಾಯಣನವರಿಗೆ ಬಹಳ ಕೃತಜ್ಞರಾಗಿರುತ್ತೇವೆ.

ಶ್ರೀ ರಾಮಪಟ್ಟಾಭಿಷೇಕಂ ಬೂಕುದ ಸುರುತ ಮುದ್ರಣೋದ ಪೀಠಿಕೆ

ಶ್ರೀರಾಮಾಶ್ವಮೇಧ

ಕವಿಕೃತಿ ಮತ್ತು ಗ್ರಂಥಭಿಕ್ಷುತ್ವ.

ಈ ಗ್ರಂಥಕರ್ತನಿಗೆ ಮುದ್ರಣನೆಂದು ಹೆಸರು. ಈತನು "ಆರನುನೆಯಿಂ ಪ್ರೇಮಮಟ್ಟು" ಎಂದು ಹೇಳಿಕೊಳ್ಳುವುದರಿಂದ ಅವನು ದೋ ರಾಜಾಸ್ಥಾನದಲ್ಲಿ ಪ್ರಬಲನಾದ ಕವಿಯಾಗಿದ್ದಂತೆ ಕಾಣಬರುತ್ತದೆ; ಅವ ಕಾಲದಲ್ಲಿ, ಅವ ರಾಜಾಸ್ಥಾನದಲ್ಲಿ ಇದ್ದನೋ ಗೊತ್ತಾಗುವುದಿಲ್ಲ. ಈತನಿಗೆ "ಕಬ್ಬಿಗರ ಬಲ್ಲಹಂ" ಎಂಬ ಬಿರುದಿದ್ದಂತೆ ತೋರುತ್ತದೆ. ಈತನು ಉತ್ತರರಾಮಾಯಣಕಥಾರೂಪವಾದ ಈ ಗ್ರಂಥವನ್ನು ತನ್ನ ವತ್ತಿಯಾದ ಮನೋರಮೆಗೆ ಹೇಳುತ್ತ ಇದರ ಪೀಠಿಕಾಪ್ರಕರಣದಿಂದ ತಿಳಿಯಬರುತ್ತದೆ.


1. ಈ ಗ್ರಂಥದ ಪ್ರತಿಯನ್ನು ನಮಗೆ ಕಳುಹಿಸಿಕೊಟ್ಟ ವ್ಯಾಸನವನಿಗೆ ಲಕ್ಷ್ಮೀನಾರಾಯಣನವರೇ ಈ ಗ್ರಂಥವನ್ನೂ, ಅಭ್ಯುತರಾಮಾಯಣವನ್ನೂ, ಶ್ರೀರಾಮಪಟ್ಟಾಭಿಷೇಕವನ್ನೂ, ಬೇರಬೇರೆ ಹೆಸರಿನಿಂದ ಬರೆದುದಾಗಿ ಕೆಲವರು ಅಭಿಪ್ರಾಯಪಡುತ್ತಾರೆ. ಇದು ಸಮ್ಯಕ್ವಿಚ್ಛೆಗೆ ನಿಜವೋ ನಮಗೆ ತಿಳಿಯದು. ಯಾವ್ಯವಿ, ಈಮೂರಗ್ರಂಥಗಳನ್ನೂ ಇವರೇ ನಮಗೆ ಬರೆದುಕಳುಹಿಸಿಕೊಟ್ಟರು. ಆಯ ರಡುಗ್ರಂಥಗಳಲ್ಲಿಯೂ ಅಲ್ಲಲ್ಲಿ ಗ್ರಂಥವಾಚಗಳೂ, ಅಷ್ಟುರವಾದ ಪದಪ್ರಯೋಗಗಳೂ ಇದ್ದುದರಿಂದ ಅವುಭಾಗಗಳನ್ನು ಸರಿಮಾಡಿಕೊಳ್ಳುವ ನಿಮಿತ್ತ ಈ ಗ್ರಂಥಗಳ ಮಾತೃಕೆಗಳನ್ನು ಕಳುಹಿಸಿಕೊಡಬೇಕೆಂದಾಗಿ ಬರೆದಿದ್ದೆವು. ಅವಕ್ಕೆ ಪ್ರತ್ಯಕ್ಷರವಾಗಿ ಅವರು ಆ ಮಾತೃಕೆಗಳನ್ನು ಆ ಆ ಜನಗಳಿಗೆ ಹಿಂತಿರುಗಿ ಕೊಟ್ಟಿರುವುದಾಗೂ, ಹೆಚ್ಚು ಮಾತೃಕೆಗಳನ್ನು ಯಥಾವತ್ತಾಗಿ ಪ್ರತಿಮಾಡಿ ಕಳುಹಿಸಿದುದಾಗೂ, ಆ ಗ್ರಂಥಗಳಲ್ಲಿರುವ ಕೆಲವು ಪದಗಳಿಗೂ ಪ್ರಯೋಗಗಳಿಗೂ ತಮಗೂ ಅರ್ಥ ತಿಳಿಯದ ಹಾಗೂ, ಬರೆದು ಇದ್ದಾರೆ. ಈ ಲೇಖನಗಳಿಂದ ಅವರೇ ಗ್ರಂಥಕರ್ತರೆಂಬ ತಾತ್ಪರ್ಯವು ಹೊರಹಿಡಿದಿಲ್ಲ. ಅವಪ್ರಯುಕ್ತ ಇವರ ಕೂಲಂಕಷವಾದ ವಿಚಾರವನ್ನು ಲಕ್ಷ್ಮೀನಾರಾಯಣನವರ ವಿವರವಾದಂತೆಗೆ ಬಿಟ್ಟಿರುತ್ತೇವೆ.

ಶ್ರೀ ರಾಮಾಶ್ವಮೇಧಂ ಕೃತಿತ ಸುರುತ ಮುದ್ರಣೋದ ಒಂಜಿ ಪುಟ

ಬಳ್ಳಿ
3/1/07

ತ್ರಿಲೋಕ
 ಕಲಾವಿಷಯಗಳನ್ನು ಬರೆಯುವ
 ಸಾಹಿತ್ಯವನ್ನು ಕಲ್ಪಿಸುವ
 ಉದ್ದೇಶವನ್ನು ಹೊಂದಿ
 ಉಪಯುಕ್ತವಾಗಿ
 ಲೇಖನಗಳನ್ನು ಬರೆಯುವ
 ಪ್ರಯತ್ನವನ್ನು ಮಾಡುವುದು
 ಉದ್ದೇಶವಾಗಿ ಬರೆಯುವುದು
 ನವೋದಯವನ್ನು ಕಲ್ಪಿಸುವ
 ಗ್ರಂಥಗಳನ್ನು ಬರೆಯುವುದು
 ಶ್ರಮವನ್ನು ಮಾಡುವುದು
 ಉದ್ದೇಶವಾಗಿ

ಲಕ್ಷ್ಮೀನಾರಾಯಣಪ್ಪನವರು ಮೆ. ಬೆನಗಲ್ ರಾಮರಾಯರಿಗೆ ಬರೆದ ಕಾಗದ.



... ಒವ್ವಾಂಡಲಾ ಒಂಜಿ ಮರ್ಗಿಲ್ಡ್ ತುಳುಬಾಸೆ ಸಂಸ್ಕೃತಿ, ತುಳು ಸಂಪೊತ್ತುದ ಬುಳೆಚಿಲ್‌ಗಾದ್ ಅಕುಲೆ ಸೇವೆ ಸಂದ್‌ದಿತ್ತಂಡ ಅಂಚಿನ ಪುಣ್ಯಾತ್ಮರೆನ ಬದ್ಯಾ, ಸಾಧನೆಲೆನ್ ನೆಂಪುಡು ಒರಿತೊನುನವು ನಮ್ಮ ಧರ್ಮೊ.

... ಪೊಸಗನ್ನಡದ ಪುಲ್ಕಾಂಡೆದ ಕಿಲೆಪುದ ಕೋರಿ ಪಂಡ್ಡ್ ಸಾಹಿತಿಲು, ವಿಮರ್ಶಕರ್ ತುಳುವ ಮುದ್ದಣನ್ ಪುಗರ್‌ದರ್. ಮುದ್ದಣೆ ಪನ್ನಿ ಕಾವ್ಯನಾಮದ ನಂದಳಿಕೆ ಲಕ್ಷ್ಮಿನಾರಾಯಣೆ ಅಚ್ಚ ತುಳುವೆ. ಈ ಮಹಾಕವಿ ತನ್ನ ಜೀವಿತಾವಧಿಡ್ ಸಾಹಿತ್ಯದ ಬುಳೆಚ್ಚಿಲ್‌ಗಾದ್ ಬೆಂದಿನ ಬೇಲೆ ಸಾಹಿತ್ಯ ಲೋಕೊಡೆ ದಾಖಲೆ. 'ರಾಮಾಶ್ವಮೇಧಂ', 'ಕುಮಾರವಿಜಯ', 'ಶ್ರೀರಾಮಾಪಟ್ಟಾಭಿಷೇಕ', 'ಅದ್ಭುತ ರಾಮಾಯಣ', 'ರತ್ನಾವತಿ ಕಲ್ಯಾಣ' ಇಂಚ ಕೆಲವು ಬೂಕುಲೆನ್ ಬರೆದ್ ಸಾರಸ್ವತ ಲೋಕೊಗ್ ಕೊರ್ತಿನ ಮುದ್ದಣೆ ಕನ್ನಡ ಸಾಹಿತ್ಯದ ಕಲಟ್ ಒಂಜಿ ಪೊಸ ಬುಲೆ ಬುಲೆಯಿನಾಯೆ. ಈ ಕವಿ ತುಳುತ ಬಗ್ಗೆಲ ದಿಂಜ ಅಭಿಮಾನ ಇತ್ತಿನಾಯೆ. ಆಯೆನ ಪ್ರತಿ ಗ್ರಂಥೊಡ್ಲ ತುಳು ಸಂಸ್ಕೃತಿದ ನಿರೆಲ್ ತೋಜಿದ್ ಬರ್ಪುಂಡ್.

... ಇಂಚಿನ ಮಹಾಕವಿ ತುಳುವೆ ಮುದ್ದಣನ ಬಗೆಟ್ ನಂದಳಿಕೆ ಬಾಲಚಂದ್ರರಾವ್ ಈ ಬೂಕುನ್ ಬರೆತರ್. ನಂದಳಿಕೆಡ್ ಮುದ್ದಣನ ಬಗೆಟ್ ಮಲ್ಲ ಒಂಜಿ ಲೇಸ್ ನಡಪಾಯಿನ ಕೀರ್ತಿ ಪಡೆಯಿನಾರ್ ಬಾಲಚಂದ್ರ ರಾವ್. ಕರ್ನಾಟಕ ಬ್ಯಾಂಕ್‌ದ ಅಧಿಕಾರಿಯಾದ್ ಸಾಹಿತ್ಯೊದ ಕಲಚೊಂಜಿ ಬೆನ್ನುನ ನರಮಾನಿಯಾದ್ ಪುದರ್ ಪಡೆಯಿನಾರ್. ಅಮೇರಿಕದ ಬಾಲ್ಟಿಮೋರ್ ಪನ್ನಿನಲ್ಪ 2006ಡ್ ನಡತ್ತಿನ ಅಕ್ಕ ಕನ್ನಡ ವಿಶ್ವ ಸಮ್ಮೇಳನೊಡ್ ಮುದ್ದಣನ ಗ್ರಂಥೊಲೆನ್ ಬೊಲ್ಪುಗ್ ಕನತ್‌ದ್ ಮುದ್ದಣನ ಕೀರ್ತಿನ ಲೋಕೊಡೊರ್ಮೆ ಪಸರುಲೆಕ ಮಲ್ತಿನಾರ್. ಮುದ್ದಣನ ಬಗೆಟ್ ದಿಂಜ ಪುಸ್ತಕೊಲು ಕನ್ನಡಡ್ ಬತ್ತದ್‌ಂಡ್ ಅಂಡ ವುಂದು ಆಯೆನ ಬಗೆಟ್ ಬತ್ತಿನ ತುಳುತ ಸುರುತ ಗ್ರಂಥ.

ಡಾ. ಪಾಲ್ತಾಡಿ ರಾಮಕೃಷ್ಣ ಆಚಾರ್

(ಗುರ್ಕಾರ್ ಪಾತೆರೊದ ತಿರ್ಲೆ)